

Izesu Kilistoni Gakó Lamaná Mataió Luhuva Gizamó

Izesu Kilistoni avolage
(Luk 3:23-38)

1 ¹Vegená utó imi itiki itiki ikago Izesu Kilistó eza agulizaki ve Tevitini agávolaho utó imó. Itó Tevití eza Avalahani agávolaho minamó. Nenémini gakoláa imane neve.

²Avalahakutí Isaká utó imó. Isakani asevalotí Zakopó utó imó. Zakoponi asevalotí Zutaki uvolage agunalagi utó amó. ³Zutani asevalotí Pelezeko Zelako utó asimó nene Tamalé getamó. Pelezeni asevalotí Hezeloná utó imó. Hezelonani asevalotí Lamú utó imó. ⁴Lamuni asevalotí Aminatapá utó imó. Aminatapani asevalotí Nasoná utó imó. Nasonani asevalotí Salamó utó imó. ⁵Salamoni asevalotí Poasini nene Lahapá getokago utó imó. Poasini asevalotí Opeteni nene Lutí getokago utó imó. Opeteni asevalotí Zesí utó imó. ⁶Zesini asevalotí agulizaki ve Tevití utó imó.

Agulizaki ve Tevitini asevalotí Salomó utó imó. Uliá helekago gevoná venalímo nene Tevititó vike getamó. ⁷Salomoni asevalotí nene Lehopoámo utó imó. Lehopoámini asevalotí nene Apiá utó imó. Apiani asevalotí nene Asá utó imó. ⁸Asani asevalotí nene Zehosapatá utó imó. Zehosapatani asevalotí Zolamá utó imó. Zolamani asevalotí Uziá utó imó. ⁹Uziani asevalotí nene Zotámo utó imó. Zotámini asevalotí nene Ahazí utó imó. Ahazini asevalotí Hezekiá utó imó. ¹⁰Hezekiani asevalotí nene Manasé utó imó. Manaseni asevalotí nene Amó utó imó. Amoni asevalotí nene Zosiá utó imó. ¹¹^a Zosiani asevalotí nene Zekoniá itó agunalagi utó amó. Zuta vejená nagá kimiiki Papelonia mikasigú kilímiki va gamenaló nene utó amó.

^a 1:11 2 Kug 24:14–15:2; 2 Iki 36:10; Zel 27:20

¹² Papelonia mikasiuka kilímiki vikago nenetí nene Zekoniani asevalotí Sealitielé utó imó. Sealitieleni asevalotí nene Zelupapelé utó imó.

¹³ Zelupapeleni asevalotí nene Apiutí utó imó. Apiutini asevalotí nene Eliakímo utó imó. Eliakímini asevalotí nene Azolá utó imó. ¹⁴ Azolani asevalotí nene Zatokó utó imó. Zatokoni asevalotí nene Akimá utó imó. Akimani asevalotí nene Eliutú utó imó. ¹⁵ Eliutuni asevalotí nene Eleazalá utó imó. Eleazalani asevalotí nene Mataná utó imó. Matanani asevalotí nene Zakopó utó imó. ¹⁶ Zakoponi asevalotí nene Zosehé utó imó. Eza Maliani vana loló imó. Maliá nene Izesuni getamó. Eza nene Ómasímo gologí oletative loko lo mololeta ve.

¹⁷ Utó iakaláa nene imanémiliki nene utó amó. Avalahakutí nene utó imi iteke lakani nene ¹⁴ utó ikago agulizaki ve Tevití utó imó. Tevitikutí nene lakani ¹⁴ utó iliki itikago nene Zuta vejená nagá kimiiki Papelonia mikasigú nene kilímiki vamó. Nene gamenalotí nene ámináminoko lakani nene ¹⁴ utó imi itikago gologí oletative loko lo mololeta vema utó imó.

Izesu Kilistó utó imó

(Luk 2:1-7)

¹⁸ ^b Izesu Kilistó utó itímimi mogonáa lá oko neve. Izolaho Maliá nene Zoseheni ániigi milimikago ve aleve amasike hotopotó minasimó. Niasigo Ómasímimi Sikalahulímimi zámuzaló Maliá nene izegipa agatupagi minamó. ¹⁹ Minokago nene ániigi milita ve Zosehé nene monolagi ve minamó nenazo, nenemú nene ahulotatomóza, vejená kogovisaló ahulotatomó nene avoza helekatize, legesó oko nene ahulotatove. ²⁰ Loko loake agata gelekago nene, Guivahanímimi ageló makolímimo vamotoka utó o amike láa loko lo amimó: Zosehé geza nene Tevitini agávolagamaka, venaka Maliani nene alitohe alemitohe loko nene gagata giliko gena givisemino. Izegipa agatupagi nominamó nene Sikalahulímimi zámuzaló neve. ²¹ ^c Eza vejenala zuha nene golesa netalímimi nagakutí gologí oketatimó nenazo, minoko gipala getatimó nene agulizá nene Izesú ave loko molatane. Ámina agulizalímimi mogonáa nene gologí olimiaká ve. ²² Itó netá matá lá oko utó imó nene Ómasímimi agepagutí gakó loaká vemámo nene Guivahanímimi gakó makó nene gihila zitive loko utó imó neve. Eza luhuva makó láa loko gizamó neve:

²³ ^d Gilinahe. Vegi akamimó zaha mina vená makolímimo izegipa agatupagi minooko gipala getatimó nene, agulizá nene Emanuelé ave liki litave.

Itó ámina agulizalímimi mogonáa lelí gajokutí nene Ómasi nene lezagi makó noive loko. ²⁴ Láa loko vamotoka lo amekago Zosehé nene oteake,

^b 1:18 Luk 1:27 ^c 1:21 Luk 1:31 ^d 1:23 Isa 7:14

Maliani nene numunaǵú alémoko itimó. ²⁵ e Ve aleve oko minoaká nenéminiki minamasike gipala getamó. Getokago Zosehé nene agulizá Izesú ave loko molamó.

Sonohí mogona gili vevesiaká a ve amó

2 ¹ Heloté nene agulizaki ve napa loló oake gizapa noigo, Izesú nene Petelehe numutoka utó imó, Zutaia mikasigú nene. Gamena nene zupa nene ho noititokatí mikasi mulalokatí sonohí mogonáa gili vevesiaká a ve makó nene Zelusale numutoka amó. ² Iake nene loká iki Zuta ve lekelí agulizaki ve gosohá nene hí apatoka utó ive. Leza numuteloka ho noitiuka nene utó itímini sonohila okulumató nego áinigokunike gupá ze amitune loko nene nune. ³ Liki loká ikago nene, agulizaki ve Heloté nene gakó geleake, ininá noike agata gululusi nogiligo, ⁴ keza Zelusale apá amelage ámináminiki ininá amó. Lá niago, Heloté nene guguni giziaká a ve napagi monó mogona apí ikimiaká a vegi kelémo nupa oake nene Ómasímo gologí oleketative loko lo mololeketa vema nene hí apatoka utó itive liki linamó neve. ⁵ Loko loká okimikago, keza láa liki li amemó: Petelehe numutoka Zutaia mikasiuka utó itive loko Ómasímini agepagutí gakó loaká vemámo Ómasímo lo ami gakó láa loko luhuva gizonoimóma nena:

^{6 f} Petelehe numutokatí agulizaki ve napa makó utó okoko nene Isilae vegeanáe zuha nene gizapa oketati ve nenazo, ámina apá Zutaia mikasigú noimó nenémo Zutaia mikasiuka gotó apá mukí niakutí lemeko nene nomive.

⁷ Liki nene gakó li amikago nene, geleake, Heloté nene sonohí mogonáa gili vevesiaká a vema asugunatoka kelémo nupa oake, sonohíma apí oko utó itotí gamena nanakí vive loko loká okimikago, nene gamenave liki legesó iki li amemó. ⁸ Li amikago, Heloté nene láa loko lo kemeake kimisilimó: Lekeza nene Petelehe numutoka viki amuza miliki vitagá iki alími utó iiki iki li nimitaze. Iki li nimikiko, neza vinake ámináminoko voko gupá ze amitoze. ⁹ Loko lokago, nivago nene, numúitoka ho noititoka ániga sonohíma utó oake nene, ale goí imó. Ale goí oko vike nene, izegipa namuni mina numuni veletó oko hizekago, ¹⁰ ániagiake, mulúíikú lamaná giliake nene, ¹¹ numukú itiake ánigamó nene izolaho Maliaki niasigo, ániagiake kalapusa hiziki izegipa namunima gupá zi amiake góini agepáa ali vatá iake áminagutí nene henokanoni lehizitamó. Henokanoni nene goli gehani itó lokila anuvavagi iteaká i netá itó anuva hilina lamaná nene ¹² lehizimiake, akinago nene, Ómasímo nene vamotoka láa loko lo kimimó: Lekeza nene Heloté noigo ániagiake anite gapoló vamiki haitó gapoloka atiginá iki viki numutitoka vi anititaze. Loko lo kemekago nene vamó.

^e 1:25 Luk 2:21 ^f 2:6 Mik 5:2

Izipi mikasiuka golisi vam0

¹³Nivago nene, 0mas0mini agel0 makol0mo Zoseheni nene vamotoka ut0 o amike l0a loko lo amim0: Helot0ma gipakam0 nene vitag0 oko ale ut0 okoko nene apilitove loko lokam0 nenazo, geza lit0 oko otekoko izolahiko gipalago nene kel0moko Izipi mikasiuka viki minataze. Viki niiki nene, n0nisi gak0 litokumuk0 g0mem0 iki gili minataze. ¹⁴Loko lokago, Zoseh0 nene lit0 oko oteake l0mugusig0 nene izolahiki gipalagi kel0moko Izipi mikasiloka vam0. ¹⁵§ Neneloka viki niago Helot0 nene hilim0. L0 okago, Zosehege atigin0 iki Isilae mikasil0 vam0 nene hanuvam0 negopa 0mas0mini agepagut0 gak0 loak0 ve makol0mo gip0ne nene Izipi mikasiuka minokago sele lo amut0 noave loko 0mas0mo lo ami gak0 luhuva gizam0 nene al0vol0 itive liki atigin0 iki vam0.

Izegipa namuni kipili ges0 am0

¹⁶It0 Helot0 nene veles0 helenamike sonoh0 mogona giliak0 a ve nenete agoka viziake vakum0 nene izapal0 molam0. Izapal0 golesa molokago nene, gimisigi ve nene kimiselekago, keza nene Petelehe numut0 it0 ap0 alitokagi numut0 namat0 mihina mihina iki nene izegipa namuni gipag0 kilisimasi losi ali ahulinamamol0a kipili as0 am0. ¹⁷L0 iki kipili as0 am0 nene, sonoh0 mogona giliak0 a vete sonoh0ma gan0 ap0 oko 0niguhatot0 gamena l0 oko mota vokave liki Heloteni li amet0 l0 am0. L0 ikago, Lama numuni nene Petelehe numuni helegaloka minam0 nenazo, 0mas0mini agepagut0 gak0 loak0 ve Zelemi0 gak0 l0a loko lim0 nene al0vol0 im0:

¹⁸ ^h Lama numutoka nene ive nama nen0mo haitol0minoko nominago Lahel0 nene izegipa apalam0 ive noigo nene al0mo zou litune liki nilago, mukit0 mota hili as0 ikam0 nenazo al0mi zou lamitam0 ikago ive okog0 minam0 neve.

Izipi mikasiukat0 atigin0 am0

¹⁹Helot0 helekago nene, Izipi mikasig0 Guivahan0mini agel0 makol0mo Zoseheni nene vamotoka goha ut0 o amike l0a loko lo amim0: ²⁰Gipaka apilitove loko li vema mota helekave. Nenem0 geza otekoko izolahiko gipalago kel0moko Isilae mikasiuka atigin0 oko kel0moko vozo. ²¹Loko lokago izolahiko gipalago nene goha kel0moko vim0. Atigin0 iki Isilae mikasig0 minake nene, ²²Zoseh0 nene gak0 mak0 l0a loko gilim0: Heloteni gipala Akela0 0isi nene amelahini akil0 hitoake, Zutaia mikasig0 nene agulizaki ve lol0 oko noive. Gak0 n0mika liki likago geleake, Zutaia mikasig0 voko minatikum0 aleges0 ligim0. Aleges0 legekago nene, vamotoka gak0 mak0 gilim0. Geleake, Galilaia mikasiloka nene ²³ ⁱ ap0

§ 2:15 Hos 11:1 ^h 2:18 Zel 31:15 ⁱ 2:23 Mak 1:24; Luk 2:39; Zon 1:45; Isa 11:1

makó agulizá Nasalete neneloka voko minamó. Lá okago, Ómasímini agepagutí gako liaká a ve keza Ómasímo amisilitove loko lo mololeta vemú Nasalete veve liki litave liki lina gako nene alévolé imó.

Nagamí holokimiaká ve Zonini monó

(Mak 1:1-8; Luk 3:1-18; Zon 1:19-28)

3¹ Gamena nene zupa monó nagamí holokimiaká ve Zoní nene Zutaia mikasigú oake, mikasi gomopalaló monó láa loko lo utó imó: ^{2j} Ómasímini agulizaki ve napa nene omo lokogovisaloka okaze. Likigika ali viligalo. ^{3k} Loko limó nene, Ómasímini agepagutí gako loaká ve Isaiá gako láa loko limó:

Mikasi gomopalaló ve makolímo gako napagutí nene Guivahanímini gapo vilitalo. Likigikagú limiti gapo ali hee litalo loko nolive.

^{4l} Loko luhuva giza gako nene Zonitoka alévolé okago, eza Ómasímini agepagutí gako loaká ve Ilaizani suni alike kamele iza zopovatumú lilí a gó luhoake, iza galupavatumú lilí a holotani nene gohalaló zeake, pipizá nosáneta nene ganuki himoni nogozagi nene noko minamó. ⁵ Lá noigo, Zelusale numutotí itó Zutaia apá makotokatí itó Zota nagamí vola helega ima helegalokatí nene aitoka vi anitiake nene, ⁶ lihimáini li utó ikago, Zota nagamikú monó nagamí holoketamó.

^{7m} Noholoketago nene, Palisaio monó ve itó Satukaio monó ve keza monó nagamí hilanigi ikago, láa loko lo kimimó: Gosihalímini agapilamó zuha lekeza nene golesa netalímini lihima nene lekelitoka anitinogo noimó nene likigika ali viligamiki hanuva golisi itave loko éaho lo likimigo niave. ⁸ Likigika nene ali viligiiki nenémini gihila ali utó iiki alo. ⁹ⁿ Neza láa loko lo nolukumuve: Avalahani agapilamó zuha keza sonohikitana nene gatamoakalímini lilí itave loko lo molota gako nene alévolé itive loko lekelisi negopa, Ómasi nenémo gako litove loko nene lokiko, gehani imanete Avalahani agapilamó zuha lilí inigi nene lilí itamó nenazo, nenemú lukugupelini aliki itiki Avalahani agapilamó zuha nouninazo, Ómasímo lihimatemú goní oletaminogo ive liki lamilo. ^{10o} Luni makó nene za mogonagú gamuni oake noive. Nenemú gihila lamaná ali utó inamitamoláa nene, hukoko lokú gizanogo ive. ¹¹ Neza nene likigika ali viligikamómave loko nene nagamí hololikimiaká noumóza, nemegehaloka noa ve áisi nene Ómasímini Sikalahulagi likigikagú netá golesa lolímo lati loki hololeketanogo noave. Aí zámua nenémo není zámua nene nivilegekave. Neza ánéamina gelekelé otoko aí gasa gó ate akisitomó oko minamuve. ¹² Eza nene lolopa giteaká netaki aleko oko laisi nene gesopá zeko lolopa giteko ale lamaná itove loko ale vavá okave.

^j 3:2 Mat 4:17; Mak 1:15 ^k 3:3 Isa 40:3 ^l 3:4 2 Kug 1:8 ^m 3:7 Mat 12:34, 23:33

ⁿ 3:9 Zon 8:33 ^o 3:10 Mat 7:19

Nosáneta lamaná nene numunagú gizaká oko ale molokiko minanogo ive. Lolopaváa nene giteko lokú gizokiko lova lova oko minanogo ive, loko limó.

Izesú monó nagamí holamó

(Mak 1:9-11; Luk 3:21-22)

¹³Gamena nene zupa Izesú nene Galilaia mikasigutí vike Zota nagamitoka anitike nagamí holonetative loko Zonini voko lo amekago, ¹⁴Zoní nene géneka loake láa loko limó: Nénisi ánéama nounazo, géisi holonetatanimó nene etanogo ize. Nenitoka animó nene etamive. ¹⁵Loko lokago, Izesú nene láa loko limó: Nene gakó lamaná nolanimóza, itínasa nene nenéminoko minatíize. Hoza nene lá iki alitáive loko loletamóma nenazo, golesa aminogo ive. Loko lokago, Zoní nene gele amimó. ¹⁶Gele ameake nene alémoko lemeko Zota nagamikú nene holomikago, iteake ánigamó nene, okulumá koló okago, Ómasímini Sikalahú nenémo nama luhusimagitana oko lemeko Izesuni amupiló nolimigo ánigamó. ^{17P}Lá okago nene, okulumakutí gakó makó láa loko limimó: Imane nigika amenou gipáne noive. Ánigo lamaná okuve, loko limó.

Satá Izesuni gimivagú molamó

(Mak 1:12-13; Luk 4:1-13)

4 ^{1a}Lá okago, Ómasímini Sikalahú nenémo Izesuni nene mikasi gomopalaló alémoko vimó nene Satá gimivagú molative loko geleake alémoko vimó. ²Neneloka minake gamena 40 oko novigo nosáneta mosimó nenazo, gaúna helekago, ³gimilegú moloaká ve nenémo aitoka anitimó. Aniteake láa loko limó: Geza Ómasímini gipala noitanimó nene, gehani imane gakó lo kemekako nosáneta lílí ikiko natanize. ^{4r}Loko lokago, Izesú nene Óe, monó gotolaú láa liki luhuva gizinamóma neve:

Vegená neneta nosánetakó nokoko lamaná oko minoakaláa nene nomive. Ómasímini agepagutí gakó nolimimó nene gele alekoko lamaná oko minoakaláa neve.

⁵Loko lokago, Izesuni alémoko Zelusalega vike monó zagusave agoka hánaló nene alémoko iteake, ^{6s}láa loko lo amimó: Geza Ómasímini gipala noitanimó nene, imanelotí ká omane mikasiló olío molozo. Gakó makó monó gotolaú láa liki luhuva gizinamó neve:

Geikumú Ómasímo aí ageló nene hoza gakó lo kemekiko gehanímó gígisagú hizekative liki keza limiki kigizani agikagú gilími milanigave,

^P 3:17 Apí 22:2; Age 2:7; Isa 42:1; Mat 12:18; Mak 1:11; Luk 9:35 ^a 4:1 Hip 2:18, 4:15

^r 4:4 Gapo 8:3 ^s 4:6 Age 91:11,12

liki luhuva gizinamó nenazo, gotá gepeleminogo ive. ⁷ Loko lokago, Izesú láa loko lo amimó: Óe, monokú gakó makó láa loko neve:

Guivahani Ómasímo lelémo vatí itihe loko negi netá lilí amilo.

⁸ Loko lokago nene, agoka hána hána makotó alémoko itimó. Neneloka itike numutó namató kugulizaki vetini apáini itó luhuvagi netáini nene nalapizike, ⁹ láa loko limó: Geza nene galapusa hizeko negepoka lokako, gelepizu netá mukí geí loló itive. ¹⁰ Loko lokago, Izesú láa loko limó: Satá geza nene ahulokoko vozo. Gakó makó nene monó gotolaú láa liki luhuva gizinamóma neve:

Guivahani Ómasi aikó nene lalapusa hizeko gupá ze ameko agepoka loakaláa neve. Itó aikó gelekelé omiakaláa neve.

¹¹ Loko lokago, ve golesa nenémo ahuloake vokago nene, agelolite aniteke nasahilí itiki minamó.

Galilaia mikasiuka Izesú monó hoza apí imó

(Mak 1:14-15; Luk 4:14-15)

¹² Zonini nene nagá numukú ahulimikago noigo nene, Izesú nene gakó geleake Galilaia mikasigú vimó. ¹³ Nasalete numutoka voko gamena hána minamike agilikaloka nene Kapanao numutoka voko minoko aleko imó. Ámina apá nene Galilaia nonohuló agataloka minamó nene Zepuloko Napataliko keí kagapilamó zuhatini mikasiloka minamó. ¹⁴ Lá okago, Ómasímini agepagutí gakó loaká ve Isaiá epoapoga li gakó nene alévolé imó. Eza láa loko luhuva gizamó neve:

¹⁵ Zepuloni mikasigú itó Napatalini mikasigú nene, age nagamí alitó, Zota nagamí vola helegaloka nene, itó Galilaia mikasiuka numuká ve keza miniki aliki iaká niatoka nene,

¹⁶ Ímugusigú miniaká nia vejená keza ló liví napa ánitatave.

Itó heleakalímini ímugusigú mina vejená keza nene lapaná utó okiminogó ive.

¹⁷ Nene gamenaló Izesú nene monó láa loko apí oko lo kimimó: Ómasímini agulizaki ve napa nene omo lokogovisaló okave. Likigika nene ali viligalo, loko lo kimimó.

Izesú lagaha aliaká a ve 4-a sele lo kimimó

(Mak 1:16-20; Luk 5:1-11)

¹⁸ Gamena makó zupa Izesú nene Galilaia nonohuló agataloka mohona noigo, ve lositá uvolahiko agunalago minasimó. Makó agulizá nene Saimon, agulizá makó nene Pitá, itó agunalámini agulizá nene Etulú,

⁷ 4:7 Gapo 6:16 ⁸ 4:10 Gapo 6:13 ⁹ 4:12 Mat 14:3; Mak 6:17; Luk 3:19-20

¹⁰ 4:13 Zon 2:12 ¹¹ 4:15 Isa 9:1-2 ¹² 4:17 Mat 3:2

keza nene lagaha miliaká asi ve niasinazo, nonohulokú nene lagaha gotaha ahuliki niasigo, ¹⁹Izesú ánigoake láa loko lo kimimó: Némegetiki alizo. Lagaha hoza aliki minasimóma itína vejenatoka hoza aliki kilími nenitoka milatáive loko lekelémo nomuluve. ²⁰Loko lokago nene, litá iki lagaha gotaha nene ahulikásike ámegetiki vasimó. ²¹Itó vake Zepetaioni gipala lositá ámináminiki niasigo ánígamó. Uvolahini agulizá nene Zemusí, itó agunalámini agulizá nene Zoní. Keza sipigú nene améipiki minasike, lagaha gotaha ali lamaná niasigo, Izesú ánigoake sele lo kimimó. ²²Sele lo kemekago litá iki améipinigi itó nagamikú lapéinigi nene ahulikásike Izesuni ámegetiki vasimó.

Izesú vejená mukí nasahilí oketamó

(Luk 6:17-19)

²³ Izesú nene Galilaia mikasigú nene vigé vigé oko mohona ike nene, monó numuni minakú minakú nene monó lo keme keme ike Ómasímini gizapaló minoakalímini gakó lamaná lo utó moloko lo kemeká itó haitopaitó netá gizale vejená itó haitopaitó netá kivisi vejená kelémo zokoká oko minamó. ²⁴Lá noigo, aikumú gakoláa likago, Silia mikasigú vike numutó namató vo asú okago nene gili asú amó. Gili asú iake nene haitopaitó netá kivisi vejená itó kugupe miluma gele vejená itó kigikagú holosi mina vejená itó kigika gopa okago minamoláa itó gepili minamoláa mukí nene Izesutoka kilími iki kelémo zoko asú imó. ²⁵Lá okago nene, Galilaia mikasiukatí taoni 10-a mina mikasi agulizá Tekapoli loko noi mikasigutí itó Zelusale numutokatí, itó Zutaia apá makotokatí, itó Zota nagamí vola helegalokatí nene vejená vaí iki ámegetiki vamó.

Izesú zopegaló monó lo kimimó

5 ¹Izesú nene vejená mukí alegesá ikago ánigoake zopegaló iteko minamó. Noigo, izegipala zuha nene aitoka alegesá iki minamó. ²Niago nene Izesú monó láa loko lo kimimó:

Logoliza vizeakalímini gihila

(Luk 6:20-23)

³Kigikámini henonimú gilikago lemeko mina vejenakumú gelekugo kogoliza nivizemó geleaká noive. Okulumalímini lapaná nene ali lá inigave. ⁴ Itó ive nama iki miluma giliki miniaká niamó nene keikumú gelekugo kogoliza nivizemó geleaká noive. Ómasímo kelémo zou litive. ⁵ ^b Itó kugupenini aliki limiki miliaká niamó nene keikumú gelekugo kogoliza nivizemó geleaká noive. Mikasiuka nene Ómasímini helisa

^z 4:23 Mat 9:35; Mak 1:39 ^a 5:4 Isa 61:2 ^b 5:5 Age 37:11

henoni mukí nene ali lá inigave. ⁶Itó Ómasímini avogisaló hee hee liki minatakumú miluma giliki miniaká niamó nene keikumú gelekugo kogoliza nivizemó geleaká noive. Hee liki minatamó nenémo kigika itive. ⁷Kigika hizi kimiaká niamó keikumú gelekugo nene kogoliza nivizemó geleaká noive. Ómasi eza agika hize kimitimó neve. ⁸^c Itó kigika gizopagi miniaká niamó nene keikumú gelekugo kogoliza nivizemó geleaká noive. Keza miniki Ómasi ániganigave. ⁹Itó kilími zou liaká niamó nene keikumú gelekugo kogoliza nivizemó geleaká noive. Ómasímo izegipáne zuha niave loko loketanogo ive. ¹⁰^d Itó hee lo mina mogona ámegetiaká niató miluma netá alikitiki gopoguni milikimikago miniaká niamó keikumú gelekugo nene kogoliza nivizemó geleaká noive. Keza nene okulumálímini lapanató viki minanigave. ¹¹^e Itó nenikumule liki alivi letivi iki gopoguni mililitiki likilími golesa galasa iki lotoka lataka nihizilitikikoma nene lokogoliza vizitave lokogó nene gelenouve. ¹²^f Okulumakú meinavatini sipisi netimó nenazo, nenemú mulutikú lamaná giliki lokogoliza viziki láa liki gilitave: Ómasímini agepagutí gakó liaká a ve gozapá nene áminámini ikitamóma nenazo, Ómasímo ámina vege naki meinava napa kimimó nene ámináminoko liminogo ive liki lokogoliza vizilo.

Age itó liví nenémini gakola

(Mak 9:50; Luk 14:34-35)

¹³Lekeza nene mukí vege naitini age lilí iki niave. Agémini lagaváa asú itimó nene, nana oko goha alémo melelé itune. Ma aminogo une. Ha netá loló okamó nenazo, nenemú lekeko ale ahulokuko, ká omane mikasiló neiko nene, vege ná nenete lisiki goihá ziki vigá igá inigave. ¹⁴^g Itó lekeza nene mikasiuka vege ná mukilitini livíini lilí iki niave. Liví napa nene agokaló ale utó molonouko, netá makolímo ale hitosá amive. ¹⁵^h Itó liví lege molokoko nene somotunú gahumá oakaláa nomive. Holomaló molokoko nene, numukú nia vege ná hize sata o asú okimiaká noive. ¹⁶ⁱ Lekeza miniki aliki atímo livímáminoko vege ná nene hize sata oketatize. Lá okoko nene, lekelisi lamaná iki iki miliki itamó nene vege ná nenete ángiiki laga kivisekiko, okulumakú ametipini agepoka litaze.

Mosé lo hukoko li gakokumú

¹⁷Nenikumú nene Mosé lo hukoko li gakó itó Ómasímini agepagutí gakó liaká a vete li likimina gakó ale ahulatove loko okane liki lakagata gelemilo. Ale ahulatove loko lumumó negopa, mogonáa lo utó oko lokugo gihila zitive loko lumumóma neve. ¹⁸^j Gakó lamaná lo likimitoze, gililo:

^c 5:8 Age 24:3-4 ^d 5:10 1 Pit 3:14 ^e 5:11 1 Pit 4:14 ^f 5:12 2 Iki 36:16; Apo 7:52

^g 5:14 Zon 8:12, 9:5 ^h 5:15 Mak 4:2; Luk 8:16, 11:33 ⁱ 5:16 1 Pit 2:12 ^j 5:18 Luk 16:17

Okulumaki mikasigi velesá vo tolova amoko ha nekoma nene, Mosé lo hukoko li gakokutí gakó koma ma gopa aminogo ive. Ha mino-loko voko neiko nenémini gihila utó inogo ive. ¹⁹Nenemú makó eza lo hukoko li gakokutí koma makó avutá apeleoko vejená lugáate ámináminiki avutá apilitave loko lo kimitimó nene, okulumakú Ómasímini avogisalo eza lemeko minanogo ive. Itó makó eza lo hukoko li gakó gele alekoko vejená makolite ámináminiki gili alitave loko lainim-oketatimó nene, okulumakú Ómasímini avogisalo iteko minanogo ive. ²⁰Nénisi láa loko lo nolukumuve: Lekeza nene monó mogona apí ikimiaká nia vetini itó Palisaio monó vetini mogonáinimú gilikago hee lokogó noitive liki giliaká niamóza, lekelí hehe liki miniaká nia mogonatini nenémo keí mogonáini kiviligemitimó nene, lekeza okulumakú Ómasímini avogisalo ma iteminigave.

Lizapaló moloakalímini gakola

²¹ ^k Mosé lo hukoko li gakokutí avotikini láa liki li kiminamóma neve: Geza vejená kepele helemo. Makolímohe makolímohe ve makó apele hilitimó nene, gakó hozámini mututoni loló itive. ²²Itó nénisi nene láa loko lo nolukumuve: Makolímohe makolímohe agivelahinimú izapaló molatimó nene gakó hozámini mututoni loló inogo ive. Itó makolímohe makolímohe agivelahini ale mumusopa zeko litimó nene monó gizapa vetini kovogisalo goní napa inogo ive. Itó makolímohe makolímohe agivelahinimú aleko letoko negi ve lotatimó nene, áisi nene ló apalímini mututoni loló inogo ive. ²³Nenemú geza nene guguni gizoaká netá matá aleko voko holomaló molatani zupa nene nigivénehiki logoka hotopotó igo lovaleta onousimóma nenazo, nenema ha neve loko gilitanimó nene, ²⁴guguni gizoaká netá neneló ahulokako, neko nene, voko gigivekahiki gakó ligili hagili iki nene likigizakú aliki ali hulu itáive. Ali hulu iiki nene guguni gizoaká netáma nene goha voko Ómasímini holomaló molatane. ²⁵Ve makó eza geí lihimamú goní ogetanogo goní numutoka gelémoko noviko, gapoloka niviki nene lihimavaka asú itive loko netá makó amezo. Itó áminagi aleloko gopa hanuva goní ale heleaká ve noitoka anititanimó nene, goní ale heleaká vemámo pilisi vetini kigizakú gelémo molokiko keza nagá numukú ahuligimikataze. ²⁶Neza lamaná lo nogumuve. Geza Ómasímini nagá numuni napagú minokoko lihimakámini meinaváa koma napa apaso asú amitanimó nene áminagú mino-loko voko minanogo ane.

^k 5:21 Gá 20:13; Gapo 5:17

Vená loká oaká gakó

²⁷ ^l Mosé lo hukoko li gakokutí avotikini nene gakó láa liki li kiminamóma neve: Haitó vená makó loká amo. ²⁸ Itó nénisi nene láa loko lo nolukumuve: Ve makó nenémo vená makó nene ánigo amu hilitimó nene ámina vená nene agikatunú mota loká okamó nenazo, nenémuni lihima aitoka minanogo ive. ²⁹ ^m Nenemú gogómula lugaloka nenémo lihima aleaká gapogú gelémo nomilikoma nene, gugupe avasavagi minoko nene meikú holokatanize. Nenemú gogómula nenémo gelémo gopa okative loko gogómula lugaloka nene hize likoko ale ahulozo. Gogómula hamoki minoko vávani oko minanogo ane. ³⁰ ⁿ Itó gigizani lugaloka nenémo lihima aleaká gapogú gelémo nomilikoma, gugupe avasavagi minoko meikú holokatanize, nenemú gigizani lugaloka hukoko ale ahulozo. Gigizani hamoki minoko vávani oko minanogo ane.

Vená kimisele ahuloaká gakó

(*Mat 19:9; Mak 10:11-12; Luk 16:18*)

³¹ ^o Mosé lo hukoko li gakó makó láa loko neve: Makó eza venala ahulotatove loko nookoma nene pepa luhuva gizo ameoko nene ahulotatize. ³² ^p Itó nénisi nene láa loko lo nolukumuve: Ve makolímohé makolímohé venala gumesisi mokoló mogonaló negopa hanuvamú amisele ahulatimó nene, ámina mini ezega emega oakalímuni lihimavala nene goí o vanaloka minanogo ive. Itó alika vegi apiziki minasitímuni lihimavala nene goí o vanámuni amupiló iteko minanogo ive.

Ómasímuni avogisaló lo hukoaká gakó

³³ ^q Mosé lo hukoko li gakokutí nene avotikini nene gakó láa liki li kiminamóma neve: Geza nene Ómasímuni avogisaló lo hukoaká noanimó nene sozagutí ale moloko lamo. Guivahanímuni avogisaló gakó lo hukoko lanimó nene gele alekako gihila utó inogo ive. Nene gakó lekeza mota gilnamóza, ³⁴ ^r nénisi láa loko lo nolukumuve: Ómasímuni avogisaló lo hukoaká gakó nene ahulalo. Okulumakutí nene Ómasímuni gizapa olimiaká noimó neve. Nenemú okulumatoka ali miliki gakó li hukamilo. ³⁵ ^s Itó imane mikasiló nene Ómasímuni lisoaká noive. Nenemú mikasigú ali miliki gakó li hukamilo. Itó Zelusale nene okulumakú agulizaki ve napámuni apá neve. Nenemú Zelusale numutoka ali miliki lo hukoaká nene ahulalo. ³⁶ Itó lekeza zopovatini loí zekikoma nene gakó li amikiko anupá loló

¹ 5:27 Gá 20:14; Gapo 5:18 ^m 5:29 Mat 18:9; Mak 9:47 ⁿ 5:30 Mat 18:8; Mak 9:43

^o 5:31 Gapo 24:1-4; Mat 19:7; Mak 10:4 ^p 5:32 1 Koli 7:10-11 ^q 5:33 Liv 19:12;

Nam 30:2; Gapo 23:21 ^r 5:34 Zem 5:12; Isa 66:1; Mat 23:22 ^s 5:35 Isa 66:1; Age 48:2

amitimó, itó zopovatini anupá nene gakó li amikiko loí zemitimó neve. Nenemú zopovatiniól ali miliki gakó li hukamilo. ³⁷Netá nenémináa ahuliiki lamaná oo loló itune likigó, itó óe loló amitune likigó lilo. Nenémini amupiló gakó makó litamó nene ve golesalokatí linigave.

Golesa netá apasoaká gakó

(Luk 6:29-30)

³⁸ ^t Moseni gakó makó láa liki linamó nene giliaká niamóma neve: Makolímo gogómula hize likokikoma, ámináminoko aí agómula hize likozo. Makolímo gegepa ze letokikoma geza aí agepa ze letozo. ³⁹Liki linamóza, nénisi nene láa loko lo nolukumuve: Likipilitune nikikoma lukugupelini ali agutó vizemilo. Nenemú ve makolímo gagamipa lugaloka zekikoma, gagamipa lugaloka nipilitive loko viligo amezo. ⁴⁰Makolímo goní nogetoko nene siotika alekikoma nene, hepé gómagi gopa amezo. ⁴¹Itó kiapé makolímo henokanoni geheko gapo alínipaló vitane loko nolikoma, gapo hánagi nene hanuva geheko vozo. ⁴²Itó makolímo geí netakumú voká nolikoma, hanuva amezo. Netá mataka gutá ale minatove lokikoma, amezo.

Gala ve ligika kemeaká gakó

(Luk 6:27-28,32-36)

⁴³ ^u Gakó makó láa liki linamó nene giliaká niamóma neve: Geza gigika nene gigivekahini amezo. Gala vega nene aleko letoko mukahá apelezo. ⁴⁴Liki linamóza, nénisi láa loko lo nolukumuve: Gala velini nene likigika kimiki nasahilí ikitalo. Gopoguni mililikitata vejenakumú Ómasiloka lilo. ⁴⁵Lá niiki okulumakú ametipini gipala mohó gihila lilí iki minatave. Áisi lokago, aí ho silikakéna nenémo vejená golesagi lamanaki mukitoka hamó lelegitó hize hanatolimiaká noive, itó áisi lokago nene aí golini nenémo golesa iki mina vejenaki hee liki mina vejenaki hamó lelegitokó ale geha zelimiaká noive. ⁴⁶Lekeza nene kigika likimita vejenakó nasahilí iki likigika kimitamó nene, Ómasímitokatí meinaváa alemitamó neve. Takisi gehani aliaká ve lekeza ánigi goselé iaká nia ve nenete kigika limita vejená nene ligika kimitune liki liaká niamole. ⁴⁷Itó likigivetikinigó geké likitatamó nene, likigivetikini nana netá lamaná lilí ikimiaká niamó neve. Monó gilina vejenalitini suni negopa, monó gelema vejená kezagi ámina suni aliaká niave. ⁴⁸ ^v Nenemú lekelisi okulumakú ametipo hee loko minoaká noimó nenéminikigó minalo.

^t 5:38 Gá 21:24; Liv 24:20; Gapo 19:21 ^u 5:43 Liv 19:18 ^v 5:48 Liv 19:2; Gapo 18:13

Gohogó vegená nasahilí okimiaká gako

6 ^{1w} Lekeza monokumule liki vegená kilími lamaná iki nasahilí ikitata netá nene vegenalite legepoka litave liki lilí amilo. Lekeza vegenalite legepoka litave liki ali minatamó nene, ehe, okulumakú ametipo meinaváa lekememinogo ive.

²Nenemú gohogó vegená nasahilí oketokoko gigivekage ánihi lamaná itave loko golómeni gizamo. Genezáini losigi ve nenete soza saza gako lake monó numukú itó vegená kovogisaló vegenalite ánihi lamaná iiki legepoka litave liki lá iaká niave. Neza lamaná lo likimitoze, gililo. Kegepoka liaká niamó nenémo keí meinaváa loló okago mota alikago asú oaká noive. ³Gohogó vegená nasahilí oketatove lokoma gigizani lamagalokatí asugunatoka nasahilí oketozo. Lá okako gigizani sogaloka nia vegená nenete gelemítave. ⁴Lá okako nasahilika nene asugunatoka minative. Amekaho nene asuguná oko aleaká noani netá ánihioká noinazo, nenemú meinaváa giminogo ive.

Ómasiloka loakakumú apí okimimó

(Luk 11:2-4)

^{5x} Lekeza Ómasiloka nilikima nene sozaló genezáini losigi vegenalitini suni alemilo. Keza nene monó numúikú itó vegená kovogisaló vegenalite ánihi lamaná itave liki otiki Ómasiloka liaká niave. Neza lamaná lo likimitoze, gililo. Kegepoka liaká niamó nenémo keí meinaváini loló okago mota alego asú oaká noive. ⁶Geza Ómasiloka litove loko nookoma nene, numukagú iteoko gahe gekoko amekaho asugunatoka ánihioká noi veloka lozo. Lá okako nene, amekaho asuguná netá aleaká noani netá ánihi asú oaká noi ve nenémo meinaváa giminogo ive.

⁷Lekeza nene Ómasiloka niliki nene lekegepatunú goha liiki goha liiki ikiko hána hána loló okiko ha gako loló okatize. Monó gelema vegenalite Ómasiloka loloko vova vova nouko gele limitihe liki lá iaká niave.

⁸Lekeza keí suni alemilo. Ómasimo netá matakumú vitagá nouko nene litá oko voká lonamuko hanuva geleaká noive. ⁹Nenemú lekeza nene láa liki Ómasiloka lilo:

Okulumakú ametega, geí gugulizá etó oko minatize.

¹⁰Numutó namató geí gizapaló minoakalímini zamuza utó o asú ino.

Okulumakú géisi lanitó molanitó gelekelé igimiaká niave.

Mikasiuka lezaloka áminagó oko utó ino.

¹¹Gamena gamena nosánetate lemezo.

¹²Leza ligivetegini lihima nekisáini ahulokimiaká nounimó nenéminoko

^w 6:1 Mat 23:5 ^x 6:5 Luk 18:10-14

lihimate ale minuháma nene ale ahuloletozo.

¹³ Gimilegú moloakakú lelémo molamo.

Ve golesámitokatí akagá oletozo.

¹⁴ Lekeza likigivetikini lihima ahulikitatamó nene, okulumakú ametipo nene áminagó oko lekeli lihimatini ale ahuloleketanogo ive. ¹⁵ Itó lekeza vegeñalitini lihima ali minatamó nene ámináminoko okulumakú ametipo nene lekeli lihimatini ale minanogo ive.

Monokumule loko nosánetá moseaká gakó

¹⁶ Itó monokumule liki nosánetá mosi keké ita zupa nene monó glemiki genezáini losigi vegeñalitini suni alemilo. Vegená makolite mosé oaká nouni suni ániigiiki legepoka litave liki kogoka kegepaló ániigiake muhelé ahelé iaká niave. Neza lamaná lo likimitoze, gililo. Vegenalite kegepoka liaká niamó nenémo meinaváini loló okago, mota alikago asú oaká noive. ¹⁷ Géisi nene monokumule loko nosánetá nomoseko nene gotoka komu aleko ale lamaná okoko gogoka gegepa nagamí zezo. ¹⁸ Lá okako, vegená makolite nosánetá nomosenimó nene ániigi vevesamitave. Amekaho asugunatoka noi ve nenémo gilitize. Itó asugunatoka aleaká ani netá ániigoaká noi ve amekaho nene meinaváa giminogo ive.

Okulumakú henoni

(Luk 12:33-34)

¹⁹ Mikasigú henoni nene gaupá geakalímini itó gúnakonite hukiakalímini, itó vegeñalite zivi letivi iki gumina oakalímini nenazo, nenemú mikasiuka imane ali nupa nupa amilo. ²⁰ Lekeza okulumakú henoni nene gaupá gemoakalímini gúnakonite hukamiakalímini itó guminaló vete zivi letivi iki gumina alemoakalímini nene ali nupa ilo. ²¹ Gelenape. Henokanoka lamaná neti apatoka nene gigika neinogo ive.

Lugupémini ló liví

(Luk 11:34-46)

²² Gogómula nene gugupémini ló liví neve. Gogómula nenémo mumuzó oakalímini gapogú gelémo molamitimó nene, Ómasímini lapaná nenémo gugupe gigika mukitoka hize hanato asú inogo ive. ²³ Itó gogómula nenémo gelémo golesa itimó nene, gigikaloka ámina oko límugusi ze minanogo ive. Gigikagú liví lonoimó nenémo lihatimó nene, límugusi zitimóza, sipisi haitolímini zekiko nene gopa gapo veleko minanogo ane.

¹⁹ 6:14 Mak 11:25-26 ²⁰ 6:19 Zem 5:2-3

Ómasímini hozagi moni henonímini hozagi
(Luk 16:13; 12:22-31)

²⁴Ve hámakolímo kugulizaki ve lositosini gelekelé ma oketaminogo ive. Maga ve agika amekoko maga ve gasó amitimó onoiwe. Makotó gímize lamaná okoko makó ángo goselé itimó neve. Lekeza nene ámina iki Ómasímini hozagi moni henonímini hozagi lelegí oko aleakaláa nomive.

Mulute iteaká gakó

²⁵Nenemú neza láa loko lo likimitoze, gililo. Lekeza miniki aliki itakumú nene nosánetá hikutí noko minatupe, itó ginegane nene hikutí ale akoloko minatupe liki mulutini itemino. Lekelisi ma liléna. Miniki aliki iaká nia netá nenémo netá gihila nehe, itó nosánetá nenémo netá gihila neve. Lukugupémo netá gihila nehe lukugupeló ginegane nenémo netá gihila neve. Minoko aleko oaká itó lugupe nenémo netá gihila nena. ²⁶Lekeza veletó vogalaló nama nene ángalo. Keza netá matá ma zuhá isá amave. Itó minumuni o molokago nosánetá nene numúikú ali nupa iki nisá amave. Lá onoimóza, okulumakú ametipo nosánetá gopa ale utó o kemeaká noiwe. Nenegú nana onoiwe. Namamate itiki niago lekelisi nene lemeko nune liki nigelehe. Lá oko nomive. Lekeza itiki nianazo, netá matá vitagá nia netá nene hanuva ale utó mololeketanogo ive. ²⁷Lekelikutí makó éaho muluna noitiko minoko aleko ititó nene ezáa agata geleko miní ameko kilisimasi makó molomo iteko minative. Ma nomive.

²⁸Itó gineganemú nene nanamú mulutini iteaká noiwe. Gihisigú palauá nenetini mogona gili vevesamahe. Netá nenémináate hoza alisá amave. Itó ginegane lamanatamanakó ali luhatakumú gó isá amave. ^{29^a}Lá onoimóza, nenemú lo likimitoze, gililo. Gozapá agulizaki ve napa Salomó nene golivagi netá akoloaká imóza, gihisigú palauá nenete Salomoni agupeló netá nene aviligikave. ³⁰Palauá nene itínasa utó oaká noiwe, itó gó lokago gululupasokago hukiki ló giziaká niave. Lá onoimóza, Ómasímo lokago, ámina palauá nenémo lá oko gonanalisi lamaná oaká noimó nenazo, nenemú lekeza komáisi gili alévolé inamó neneta, ginegane nene Ómasímo hanuva ale utó oleketanogo ive. ³¹Nenemú lekelisi nosánetá hikutí aleko noko moloko itupe, itó ginegane ale akalatunimó nene hikutí ale akalatupe liki mulutini itemino. ³²Monó gelema vegená keza ámina netakumú kagata gululusi giliki vitagá iaká niave. Keí suni alemilo. Okulumakú ametipo nene ámina netá makó lekelitoka minamitimó nene lukugupe lamaná amitive loko geleneimóma nena. ³³Lekeza ámina netakumukopa, Ómasímo gizapa

^a 6:29 1 Kug 10:4-7; 2 Iki 9:3-6

vetini lolô iti gapogú itó Ómasímini hee hee loko minoaká gapogú likigika lakagata goí iki miliko vo minino. Lá ikiko nene, lukugupémini netaki nene hagitana lehizeleketanogo ive. ³⁴Nenemú azo utó iti netakumú nene mulutini itemino. Azo utó iti netá nenémini genaváa azogó asú inogo ive.

Vegenalitini lihimamú gakó li hukikitamilo

(Luk 6:37-38,41-42)

7 ¹Lekeza vegenalitini lihimáinimú gakó li hukikitamilo. Ómasímo ámináminoko lekelí lihimamú gakó lo hukolikimikatize. ^{2b} Lekeza vegenalitini lihimáinimú li hukikita polosava lekelí lihimamú lo hukoleketanogo ive. Itó lekeza vegenalititoka iki miliki ita polosava ámináminoko Ómasímo lekelitoka oko moloko inogo ive. ³Nenemú geza gigivekahini agómulagú gilisá onoikoma ánígokoko gezaka gogómulagú za lana vonoimó nene nanamú áního lamaná amane. ⁴Gezaka gogómulagú za lana vonoimó nene hanuva nego, gigivekahini nanamú gogómulagú gilisá vonoimó nene ale ahulogetatove loko nolane. ⁵Sozaló ve genezaka losi minamó neneka, gezaka gogómulagú za lana nemó nene goí oko ale ahulokoko alika geza áního vevesooko nene gigivekahini agómulagú gilisá ale ahulotatanimó nene etanogo ive.

⁶Lekeza nene monolímini gakó lamaná nene galagitana vegená li kememilo. Keza gopa viligiki akohú likipilikataze. Itó monolímini meinava iteko mina gakó nene izagitana vegená li kememilo. Keza nene monotini gili ahuliiki likilími golesa ikataze.

Ómasiloka loko voká loaká gakó

(Luk 11:9-13)

⁷⁻⁸Voká liaká nia vegenalite netá matá mota aliaká niave. Vitagá iaká nia vegenalite gihila ali utó iaká niave. Gaheló hoko-hoko likago koló okimiaká noive. Lá onoinazo, Ómasiloka liki voká litamó nene alinigave. Vitagá itamó nene gihila ali utó inigave. Gaheló hoko-hoko nilikoma, gahe koló oleketanogo ive. ⁹Lekelikutí ve makolímini gipala nenémo nosánetakumú voká lokiko, amelaho gehani mula makó amitihe. ¹⁰Itó lagahamú voká lokiko gosihá amitihe. Óe, lá aminogo ive. ¹¹Lekeza vegená golesa minikamóza, izegipatini gizapa lamaná ikitake netá lamaná ali kegepa iaká nianazo, okulumakú ametipo voká lita vegená nene aleko iteko haitolímini nene netá lamaná lehizeleketanogo ive.

^{12c} Lekeza vegenalite némini manámini lilí ilitatave liki giliaká niamó nene lekeza áminagó iki nenémini manámini lilí ikitalo. Ámina gakó nenémo Mosé lo hukoko li gakoki Ómasímini agepagutí gakó liaká a vete apí ikimina gakoki nenémini gotoláa neve.

^b 7:2 Mak 4:24 ^c 7:12 Luk 6:31

Gateni komagú iteaká gakó

(Luk 13:24)

¹³Latila oaká apalímíni gatenáa napa neve, itó gapováa sipisi neve, itó neneloka vegená mukilite viaká niave. Nenemú ámina gapogú vamiki okulumá gateni komagú itilo. ¹⁴Alévolé oko minoaká apalímíni gatená koma neve, itó gapováa koma nego génopa hoza aleko iteakaláa nenazo, vegená luguhakó viaká niave.

Gihila golesa lamaná zeakalímíni mogonáa

(Luk 6:43-44)

¹⁵Soza saza monó lili ali ve keza kugupe zou lo minamó itó hela gala kigikagi nenémináate lekelitoka anititakumú, ehe, lukugupe gizapa iki minalo. ¹⁶Keza iki miliki ita sunímó mogonataganáini ale utó okiko ánihi vevesataze. Hilipa nenémo gihila noakalímíni zitimó nehe. Itó gomogisigú nene gihila noakalímíni zitimó nehe. Óe, nenéminoko nomive. ¹⁷Za lamaná nenémo gihila lamanakó zeaká noive. Za golesa nenémo gihila golesagó zeaká noive. ¹⁸Za lamanalímó gihila golesa zeakaláa nomive. Za golesámo gihila lamaná zeakaláa nomive. ¹⁹^d Lá onoinazo, vegenalitini mogonatagana hamó lelegitó neve. Gihila lamaná ali utó amitamoláa hukoko lokú gizanogo ive. ²⁰^e Nenemú soza saza monó lili ali vete iki miliki ita suni nenémo mogonataganáini ale utó okiko, lekeza nenémini gihiláa nene ánihi vevesanigave.

Lekelí ánihi vevesonamuve

(Luk 13:25-27)

²¹Guivahaníneve guivahaníneve liki liaká nia vegenakutí lugáa avasavagi okulumá apakú iteminigave. Aménehini gakó gili aliaká nia vegenakó nene itinigave. ²²Gamena napaló nene vegená lugáate láa liki li niminigave: Guivahanitemaka, leza nene geí gakotó monó lo kemeaká uháma neve. Itó geí gakotó kigikagutí holosi kepeleko kimisele ahuluháma neve. Itó geí gakotó alévolé suni mukí aleháma neve. Nenemú gahe segeletamane. ²³^f Liki li nimikiko, neza nene láa loko lo kimitove: Nénisi nene lekelí ánihi vevesonamuve. Golesa netatokagó mihina amó neneta aló vilo loko linogo uve.

Numuni lapusámíni gakola

(Luk 6:47-49)

²⁴Nenemú gakóne imane giliiki ámegetata vegená nenémináate lá iki niave: Gele veveso mina ve makolímó numuna nene mikasi alévolelaló

^d 7:19 Mat 3:10; Luk 3:9 ^e 7:20 Mat 12:33 ^f 7:23 Age 6:8

néné oko gekago, ²⁵nego nene, golini napa zeake nagamí velekago itó una napa alekago, mikasi alévolelaló gimó nenazo, alévolé okogó minamó. ²⁶Itó gakóne imane giliiki gili ahulata vejená nenémináate lá iki niave: Negi ve makolímo numuna nene nagamí agataloka getatoka gekago, nego, ²⁷golini napa zeake nagamí napa vilitímo itó una napa alitímo ake ahelú okago, numunima lemeko pou loko akamó.

²⁸Loko Izesú ámina gakó lo keme asú okago, ali nupa iki gakola gele vejená nene Izesú monó lo kimikumú sigaga litake láa liki lamó: ²⁹^g Monó mogona apí ikimiaká nia vete nene avotegini gakotó amegesaló milatave likigó liaká niamóza, áisi nene ezáa gakola nene gihila noikumule loko amegesa milatató neve loko lainim-olimiaká noive, liki lamó.

Izesú lokago halamé gizali ve gililimó

(Mak 1:40-45; Luk 5:12-16)

8 ¹Izesú agokagutí nolimigo, ve vená mukí nene ámegetiki vamó. ²Nivago, ve makó halamé gizaleake mina ve nenémo vike alapusa hizeko Izesuni láa loko lo amimó: Guivahanínemaka, geza nelémo gililitove loko nene hanuva nelémo gililitanimó nenazo, nelémo gililitane loko noluve. ³Loko lokago nene, Izesú nene agizani lutoko agupeloka ale nogilike gililitane loko gelekuze, halamé nene gilelezo. Loko lokago halamé netala litá oko gililimó. ⁴^h Gilelekago, Izesú nene láa loko lo amimó: Geza nene imane gakó aveté oko vejená makó lo kememoko voko guguni gizoaká ve nene gugupe alapizekako mota gilelekane loko ángatize. Itó gilelenikumú nene Moseni gakotó ale moloko netá makó Ómasi guguni gizo amiti netá amekako gilelenitímini mogona nene mukí vejená lo kemekiko gili vevesatave, loko lo amimó.

Izesú ami gizapa vémini gelekelé veva alémo zokamó

(Luk 7:1-10)

⁵Izesú nene Kapanao numutoka itekago, Loma apatotí ami vetini gizapa ve makolímo aniteake negénegeka loko láa loko lo amimó: ⁶Guivahanínemaka, gelekelé izegipáne nene netá napa avisekago helisala hulupa lo minokago miluma geleko numukuka noize, makó vitíiive loko noluve. ⁷Loko lokago, Izesú nénisi vinake alémo zokatove loko lo amekago, ⁸ami gizapa vémo láa loko limó: Guivahanínemaka, goselé gapo okoko ve ánéámina není numukú nanamú ititane. Geza nene imaneloka nooko hanuva gegepatunú lokako gelekelé izegipáne nene zokative. ⁹Nénisi nene ámináminoko kugulizaki vetini gelekelelóa nouve. Itó lovámini gala ve makó není gizapaló niave. Lá niago, ve makokumú

^g 7:29 Mak 1:22; Luk 4:32 ^h 8:4 Liv 14:1-32

nene vozo loko lomikugo hanuva vinogo ive. Itó ve makokumú ano loko lomikugo nene hanuva anogo ive. Itó gelekelé izegipánemú nene voko hoza alezo litomó nene hanuva voko alitimó nenazo, geí gako ámináminoko alévolé itive loko gelenouve. Nenemú nene geza hanuva imaneloka nooko gakoaláa lokako zokatihe loko lunae. ¹⁰Loko lokago, Izesú geleake nene sigaga lotake ámegetiki va vejená nene láa loko lo kimimó: Neza lamaná lo likimitoze, gililo. Hetoka ve imanémo nenikumú gele alévolé onoimó nene haitolímuni neve. Isilae ve lekezalokatí gele alévolé oaká nenémuni makó ángoko gelesá amumóma neve. ¹¹ⁱ Nenemú nene láa loko lo nolukumuve. Ho noititokatí itó ho nolimitokatí hetoka vejená ve imanegitana nia vejená mukí nenete anitiiki nene Avalahá Isaká Zakopó kezagi okulumalímuni lapanalaló alegesá iki miniki nosáneta niki kogoliza vizinigave. ¹²^j Lá niiko, goí oko alesa molo kimimó Isilae vejená nene límugusi apakú ahulokimikiko, limiki miniki ive nama iki miluma maluma giliki kegepa atalá iki minanigave. ¹³Loko loake, ami gizapa ve nene láa loko lo amimó: Geza nene numutoka vozo. Gele alévolé animó nenémuni gihila utó inogo ive. Loko Izesú agepa ateleko noligo nene, gelekelé izegipa nene zokamó.

Izesú vejená mukí kelémo zokamó

(Mak 1:29-34; Luk 4:38-41)

¹⁴Izesú nene Pitani numukú iteake, Pitani venalámuni izolahini agupegú ló lokago, akonoigo ángoake, ¹⁵agizakú alimó. Agizakú naligo, ló la netá nene asú omikago, oteake nasahilí otamó. ¹⁶Lá okago, únaká ho lemekago nene, kigikagú holosi mina vejená nene Izesutoka kilímiki amó. Ikago nene, kivisi vejená kelémo zokoká kigika gopa i vejená gako noloketake holosi kepeleko kimiseleká imó. ¹⁷^k Lá okago nene, Ómasímuni agepagutí gako loaká ve Isaiá gako láa loko luhuva gizamó nene alévolé imó:

Netá livisekago keé lamuni netá ezáa agohí gimole.

Izesuni ámegetanigi gele vejená

(Luk 9:57-62)

¹⁸Lá okago, ve vená mukí iki Izesutoka hizi vigikago, ángoake izegipala zuha nene sipigú nilímiki vola helegaloka vitave loko lo kimimó. ¹⁹Lo kemekago nene, monó mogona apí okemeaká ve makolímó voko amatoka minoake Izesuni láa loko lo amimó: Tisánemaka, vitanitoka vitanitoka neza gémege gémege inogo uve. ²⁰Loko lokago, Izesú nene láa loko lo amimó: Gaha nene mikasi koló onoikú itiaká niave. Itó namatini numúini nemóza, okulumakutí lumu ve gihila neza

ⁱ 8:11 Luk 13:29 ^j 8:12 Mat 22:13, 25:30; Luk 13:28 ^k 8:17 Isa 53:4

akato numúne itó gotóneló za nomigo vitagá noumó nenazo, makó vitíive loko lanimó nenémini mogona gele hee lominoko nolape, loko lo amimó. ²¹Itó ámegetiki va vegeinakutí makó nenémo láa loko lo amimó: Guivahanínemaka, geza gelekako nene, neza minoko améneho helekiko vinake gale zemikinake oko gémegetatove. ²²Loko lokago, Izesú nene láa loko lo amimó: Geza nene némegetoko ano. Hilinita vejená gale zikimiaká nene kigika heleneiti vejená kezagi ámina hoza alitave, loko limó.

Izesú lokago una napa ahulamó

(Mak 4:35-41; Luk 8:22-25)

²³Izesú izegipala zuhagi nagamikú lapegú itiake vamó. ²⁴Nivago nene, una napa nene litá oko amó. Amuza moloko alekago nene, nagamí nene valahuká zeko lapegú nene ite vaí inogo imó. Lá okago, Izesú nene avó akonoigo, ²⁵izegipala zuhate alími noteke láa liki lamó: Guivahanitemaka, nagamikú simá nanogo nounize, lugutó vizemane. ²⁶Liki likago, Izesú láa loko lo kimimó: Lekelisi komáísí gili alévolé iaká niatita, nanamú likigika gologolo sekave. Loko loake, oteake, unagi nagamí valahukaki nene ahulalizo loko lo kemekago nene kii nolike zou limó. ²⁷Zou lokago nene, vejená mukí nenete sigaga lake láa liki lamó: Ve imane haitolímíni neve. Unagi nagamí valahukaki keza aí gokoláa gili alikasive, liki lamó.

Gatala mikasiuka holosi golesa amisele ahulamó

(Mak 5:1-20; Luk 8:26-39)

²⁸Nonohuló aviligiake vola helega Gatala vejenalítini mikasigú anitikago, ve lositá holosi golesa kigikagú mina ve minasimó. Niasike, ámepe vizikasigo, vejená nene kelegesá legekago neneló vigá igá amamó. ²⁹Ámina ve nenetosa geha mulikú gonosi milimiligutí lemesike Izesugegi hotu lamó. Hotu liake keza litá iti gopaga liki láa liki gamoga giki li amesimó: Ómasímíni gipalamaka nana netá golesa oletanogo noane. Gamena alitamitó nene miluma hoza liminogo noape. ³⁰Liki lasimó nene áminaló iza mulusi napa miliki hotó otigí iki gale niki minamó. ³¹Gale niki niago nene, holosi nenete negénegeka lake láa liki lamó: Limisele ahulanogo nookoma nene iza mulusi vozane kigikagú nene limisele ahulamane. ³²Liki likago, Izesú nene vilo loko kimiselekago, viki izatini kigikagú itiake nene lemémó. Izatini kigikagú nene limikago, ámina iza mukí nene olíi miliake meiniló limiake nonohulukú limiki nagamí niki hutiake hili gesá amó. ³³Hili gesá ikago nene, iza gizapa ve nenete golisi viake taoniloka gakó nene liliki vake kigikagú holosi mina vetosini gokoláa aveté iki li kemémó. ³⁴Li kimikago, ve vená mukí nene gili asú iake mukí vejenalite Izesuni ángatune liki limiake mikasinini ahulokoko vitive liki negénegeka liki li amémó.

Izesú ve gepili alémo zokamó

(Mak 2:1-12; Luk 5:17-26)

9 ¹Izesuge nene nagamikú lapegú itiake numunaloka goha atiginá iki amó. ²Ikago nene, ve gepili makó nene ukoakogú nene zaló miliki aliki amó. Alike ikago, Izesú nene ezámú gili alévolé amó nenémini mogonáa áníhoake ve gepilima láa loko lo amimó: Gipáneve, goha gena givisemino. Lihimaka nene ahulogimikuve. ³Loko lokago, keza monó mogona apí ikimiaká a ve lugáa nenete kigikauka nene Ómasi aviliginogo nolihe liki gelemó. ⁴Liki gilikago Izesú nene Zuta vegealite lihimá ahulolimiaká itó vege ná kelémo zokoaká nene Ómasímogó loló oaká netá neve liki kigikagú gelemó nenémini mogonatagana áníhoake láa loko lo kimimó: Likigikauka nene nanamú gakó golesa nigeleve. ⁵Ve makólímo Ómasi noamitimó nene lihimaka gilatogimikuve loko vávani oko lamitimóza, ámináminoko kelémo zokoaká zámuzagi ve noamitimó nene ve gepili makó geza otekoko mohona oko vozo loko litá oko lo ameminogo ive. ⁶Lá onoimóza, okulumakutí lumu ve gihila nénisi nene imane mikasiuka lihimá gilatoakalímini zámuzá itó vege ná kelémo zokoakalímini zámuzá nenitoka nemó nenémini mogonatagana áni gi vevesatave loko loake ve gepilima nene láa loko lo amimó: Oteoko nene avilisaka geheko numukauka vozo. ⁷Loko lokago oteake avilisala geheko numunaloka vimó. ⁸Geheko vokago, vege ná mukí keza áni gi ake kehelele vizekago, Ómasímini zámuzá nene mikasigú vege ná kigizakú molokamó minokave liki giliake Ómasi agepoka lamó.

Izesú Mataioni sele lo amimó

(Mak 2:13-17; Luk 5:27-32)

⁹Gamena nene zupa Izesú nene vike takisi moni aleaká ve není nugulizá Mataiona takisi moni aleaká numúnegú minokugo áníhoake láa loko lo nimimó: Geza nene némegetoko ano. Loko lo nemekago, ámegetoko vumó. ¹⁰^l Izesugegi není numukú iteko minunike nosánetá noko minuhá. Lá nouko, takisi aliaká a vegi netá golesa aliaká a ve lugáagi mukí keza iteke mini miní ameke minake nosánetá namó. ¹¹Ninago Palisaio monó ve nenete áni gi ake ametipo nana igo takisi aliaká ve sukagi netá golesa aliaká nia ve lugáagi makó minake nosánetá nonave, liki nene Izesuni izegipala zuha loká ilitamó. ¹²Li limikago nene, Izesú geleake láa loko limó: Keza kivisemigo ha minamoláate lusa vemú sele lisá amave. Kivisi vege nalitegó nene lusa vemú sele liaká niave. ¹³^m Itó lekeza nene monó gotolaú Ómasímo li gakó makó lá oko nemómámini mogonáa nene gili vevesiki gililo:

^l 9:10 Luk 15:1-2 ^m 9:13 Mat 12:7; Hos 6:6

Neza nene guguni gizi nimitave loko gelesá amuve.

Likigika hizi kimiakakumú geleaká nouve.

Itó kugupeninimú hee loko noune liki liaká nia vejená kelémo otopá zitove loko lemumómó neve. Neza nene lihímáinigi vejená kelémo otopá zitove loko lumumóma nena, loko limó.

Nosánetá moseakakumú loká itamó

(Mak 2:18-22; Luk 5:33-39)

¹⁴Gamena neneloka monó nagamí holokimiaká ve Zonini izegipala keza Ómasímo nosánetá mosekuko lelikumú litihe liki liaká a ve nenete Izesutoka viki alegesá iake láa liki loká itamó: Leza nene Palisaio monó vejenaki monokumule loko nosánetá nene mosé mosé oaká noune. Itó gef izegipaka zuhá keza mosísá amave. Nanamú neve. ¹⁵Liki likago nene, Izesú láa loko lo kimimó: Ve makólímo agivelagegi makó kogoliza viziki minata zupa nene agivelage aikumú miluma giliiki nosánetá mositahe. Lá oko nomive. Minoko gala vete ámina ve nene kigizakutí ipá iki apili hilikiko nene, keza miluma giliiki nosá netá mosinigave. Ámináminiki izegipáne zuhate alika nenikumú miluma giliki mosí mosí itamóza, itína lá oko nomive.

¹⁶Makó nene lavolavo gó nene litaha lokoko hukokiko nene, lavolavo gosohá nene nagamí ziki ali koma ama lavolavo nene hukoko ale litaha lavolavoló molo apizeko akotoakaláa nomive. Akotiiki nagamí zikiko nene gosohá lavolavo nenémo litaha lavolavolotí hikelekiko litaha gó nene hukoloko voko huko napa inogo ive. ¹⁷Itó makó nene vain nagamí gituhú galakalá noigo nagamí getununi lithagú ligi milisá amave. Vain nagamí nenémo gituhú galakalá nooko giputooko litaha getununi zeko ategekiko vain nagamiki itó goni getununigi nene latila okative liki vain nagamí gosohá nene goni getununi gosohakú leke moloaká noune. Lá okuko getununigi vain nagamiki lamaná oko minanogo ive. Loko limó nene litaha monó sunímini amupiló nene ezáa gosohá monó molo apizeakaláa nomive loko nosánetá moseakakumú anoza gakó lo kimimó.

Gizapa vémini moholagi Izesuni gotó ale gili venaki

(Mak 5:21-43; Luk 8:40-56)

¹⁸Izesú nene gakó lo kemeko noigo nene, monó gizapa ve makólímo oko gupá ze amike láa loko limó: Není mohóne nene itína mota helekaze, nenemú nene voko gigizanitunú ale geleko nónohá zemikoko alémo otitane loko gelémoko vitove loko nouve. ¹⁹Loko lo amekago, Izesú nene oteake izegipala zuha lezagi nene ámegetoko vunimó.

²⁰Novuko nene, vená makó nene ikanímó apelekago númase gapo molova molova oko noigo kilisimasi 12-a ale ahulamó. ²¹Eza nene agikatunú láa loko gilimó: Neza nene voko Izesuni agupeló ahe itó

hanuva luhoaká gotó ale gelekinake zokatove. ²²Loko geleake Izesuni amegesaló oko noiike luhoaká gó agataloka ale gelekago, Izesú nene viligoko láa loko limó: Mohó geza goha gena givisemino. Gele alévolé anitímo gelémo zokokave, loko nene lo amimó. Loko agata ateleko noligo litá oko zokamó.

²³Lá okago, Izesú nene vike monó gizapa vemámini numukú iteko áinigamó nene, musiki ziaká a ve alegesá iki niago ive nama nenémo notoloni lemeko minamó. ²⁴Nego, Izesú nene itike alémo otitove loko geleneike láa loko limó: Ahuliiki vilo. Imane mohó nene helemive. Hanuva avó akonoive. Loko lokago nene, keza nene giza gakó lihe liki giza itamó. ²⁵Giza nitago nene, kimisele hetoka oake, mohóma ako mina holomaloka nene vimó. Vo alí loake agizató ale notigo mohó nene otimó. ²⁶Otekago, nenémini gakola nene mikasi nekisa vokisauka vo asú imó.

Izesú ve lositá kogómula ale goloutoketamó

²⁷Lá okago, Izesú nene ámina numuni apá ahuloake novigo, kogómula lika ve lositá nene ámegetiki vasimó. Ámegetiki nivasike nene gamoga giki sele liki agulizaki ve napa Tevitini ágávolagamaka lelikumú milumavate geleletamane. ²⁸Liki likasigo, voko numukú itekago nene, ámina ve lositá viki amatoka minikasigo nene, Izesú loká oketake láa loko limó: Lokogómula ale goloutato zámuzá nenitoka nemó nene mota gili alévolé inasihe. Loko loká okimikago keza láa liki lasimó: Guivahanitemaka, mota gele alévolé onousimole. ²⁹Liki likasigo Izesú nene kogómulaló ale nogilike láa loko limó: Gili alévolé asitímini gihila nene utó ino. ³⁰Loko lokago, kogómula goloutokago, Izesú nene láa loko lo kimimó: Gilinasihe. Lá oleketu netakumú viki vejená li pou lamilizo. ³¹Loko lokago gakó nene gililiki vasimóza, ámina gakoláa li pou likasigo, mikasi nekisa vokisauka nene puu loko vo asú imó.

Izesú agepa lakolí i ve alémo aká imó

³²Itó nivasigo nene, ve makó holosi makolímo agepa ze lakolí okago mina ve nene zaló miliki alikamó. ³³Aliki ikago, Izesú nene holosi apeleko amiseleko ale ahulamó. Alahulokago, litá oko gakó limó. Ámina netá nene vejená mukilite ánigiake sigaga lake Isilae mikasigú gozapá netá némináa makó utó igo áinigamuháma neve. ³⁴ Liki lamóza, Palisaio monó ve keza Izesukumú nene holositini agulizaki ve nenémo alémo vatí igo holosi nene kepeleko kimiseleaká noive, liki lamó.

ⁿ 9:34 Mat 10:25, 12:24; Mak 3:22; Luk 11:15

Izesú vejená mukikumú agika hizimó

³⁵ ° Lá ikago Izesú nene numutó namató mohona ike apá koma napa nene ángo asú imó. Ángo asú ike, monó numuni minakú minakú nene monó lo keme keme oko minamó. Lá ike nene, Ómasímini gizapaló minoakalímini gakó lamaná nene lo utó moloko lo kemeko mohona imó. Itó haitopaitó netá gizale vejená itó haitopaitó netá kivisi vejená kelémo zokomo vimó. ³⁶ ° Lá oake vejená mukí ángamó nene muhelé ahelé ake gopa iki minamó. Sipsip iza gizapa venini nomigo hanuva minamó nenéminiki minikago, Izesú ángoake agika hizekago ³⁷ izegipala zuhama anoza gakó makó láa loko lo limimó: Vejená imane latila ikataze. Mikú nosánetá mukí omolokamóza, hoza aleaká ve nene lagasó minokunize. ³⁸ ° Nenemú lekeza mini amelahitoka likiko nene hozaló ve makó kimiselekiko viki hozavagú minumuni alitaze, loko limó.

Izesú ve 12-a kelémo etó imó

(Mak 3:13-19; Luk 6:12-16)

10 ¹ Izesuni izegipala zuha 12-a alesa molo lemekago, okuko nene, kigikagú holosi minatamó kipiliki kimisilitave loko itó haitopaitó netá gizalinita vejená itó haitopaitó netá kivisiti vejená kilími zokatave loko zámuza nene limimó. ² Aposolo 12 leza lugulizate nene makó agulizá Saimon agulizá gosohá nene Pitá, itó agunala Etulú, itó Zepetaioni gipala Zemusí itó agunala Zoní, ³ itó Pilipó, itó Patolomaió, Itó Tomasi, itó Mataiona neza takisi moni aleaká u ve nene, itó Alapaioni gipala Zemusí itó Tataiô, ⁴ itó Saimoná eza Lomagatí gamani amisele ahulanogo i ve, itó Kaliotó apakutí Izesuni amimika li ve Zutá.

Izegipala zuha 12-a keza monó hozaló vamó

(Mak 6:7-13; Luk 9:1-6)

⁵ Ámina ve 12-a nene nolimisilike hoza gakó láa loko lo limimó: Lekeza nene hetoka vetini mikasigú itó Samalia vejenalitinini apá makotoka ma vamilo. ⁶ Isilae vejená lugáagutí sipsip iza vi tolova amó keitokagó nene viki ángalo. ⁷ Niviki monó nene láa liki nene lilo: Ómasímini agulizaki ve napámini zámuza nene omo lokovogisaloka okave. ⁸ Nenemú kivisimoláa kilími zokatave, itó helemoláa nene kilími otitaze, itó halamá gizalemoláa kilími gililitaze, itó kigikagú holosi golesa minatamó nene kipiliki kimisili ahulataze. Meinaváa nomimó hagitana lehizeleketumó nenazo, nenemú meinaváa nomitimó hanuva kilími lamaná ilo. Itó moni koma lagasoláagi ma gúiki alemilo, keké. ⁹⁻¹⁰ ° Gapo vitatoka akiseaká gó

° 9:35 Mat 4:23; Mak 1:39; Luk 4:44 ° 9:36 Nam 27:17; 1 Kug 22:17; 2 Iki 18:16; Izi 34:5; Zak 10:2; Mak 6:34 ° 9:38 Luk 10:2 ° 10:7 Luk 10:4-12 ° 10:10 1 Koli 9:14; 1 Tim 5:18

aliki vamilo. Itó gó lositá nene luhamilo. Itó likigisalo suú nene luhamilo. Itó hánusaló nene alemiki hanuvagó vilo. Vegená makolititoka hoza alita ve nenete ámina vegealitinigutí nosánetá aliki niki minatamó nene lamaná itive.

¹¹Itó apá nenelokahe nenelokahe viki anitiiki nene ganá nene apá amelagini loká iki mogonáinimú gililo. Makolímmini mogona lamaná itimó nene, aí numukú itiki miniki nene ámina numukukó akiliki viki otiki vitaze. ¹²Itó numukú itiki niminiki nene hulu nene lekelitoka minino liki li kimilo. ¹³Numuni amelage likilími milikikoma, miniki ámina gakó li kiminamó nenémimi gihiláa utó itimóma neve. Itó minikiko mogonáini lamaná amikoma nene, hulu gakolímmini gihiláa nene goha atiginá oko lekelitoka anogo ive. ¹⁴^t Itó apá makokú likilími lamaná iki gakotini gelemikoma nene lekemegeza vizi kimiiki niviki nene vahé miliki likigisagutí mumusopa usagamá zi ahuliki vilo. ¹⁵^u Neza lamaná lo likimitoze, gililo. Gamena napaló nene Soto apakú itó Gomola apakú mina vegeaná keza lihima koma alinigave. Itó likilími lamaná amita vegeaná nene lihima napa itiki alinigave.

Gopoguni mililitata gamena utó inogo ive

(Mak 13:9-13; Luk 12:12-17)

¹⁶^v Gilinahe. Sipsip izagitana nene hela galatini holúikú geha ziki minatave loko nolikimisuluve. Nenemú lekelisi nene gili guni i miniki hulu iki minalo. ¹⁷^w Keza nene likigizató aliki gonitó likilífmiki vinigave. Itó monó numúikú numúikú nene segi nogosani likipilinigaze. Ehe, lekeza gizapa alévolé iki minalo. ¹⁸Itó není nugulizá lekelitoka minakumule liki kugulizaki vetini itó kiategini kovogisalo likilífmiki vikiko nene gakó hoza alilikitanigave. Lá niko nene, lekeza keí kovogisalo itó hetoka vetini kovogisalo není monó li utó itave. ¹⁹Není gakónemule liki gonitó likilífmiki vita gamena nene, gakó nanave loko litupe itó gakó nana oko geleko litupe liki lakagata giliko gena amino. Gamena nene zupa nene gakó litave loko Sikalahú nenémo likigikagú mololeketanogo ive. ²⁰Lá okiko, gakó likiko nene, lekelí gakó loló aminogo ive. Ametipini Sikalahú nenémo likigikagú gakó lo nomiliko linigave.

²¹^x Itó uvolaho makó nenémo agunala nene agizató alekoko goní omikiko nene agunalama apili hilinigave. Itó amelaho nene gipala nene agizató alekoko goní omikiko nene gipalama apili hilinigave. Itó izegipáini keza izóikini améikini nene goní ikimikiko izóikini améikini kipili hilinigave. ²²^y Itó vegeaná mukilite není nugulizá lekelitoka minakumule liki mukahá likipilinigi niamóza, makó keza gamenaváini

^t 10:14 Apo 13:51 ^u 10:15 Mat 11:24; Apí 19:24-28 ^v 10:16 Luk 10:3

^w 10:17 Luk 21:12-15 ^x 10:21 Luk 21:16 ^y 10:22 Mat 24:9; Luk 21:17; Mat 24:13

asú itit0 mon0 ahulamiki alévolé iki miniliki vitam0 nene Ómasímo kugut0 vizinogo ive. ²³It0 apá makotoka gopoguni mililikitikoma, golisi iiki apá makotoka nene vilo. Neza lamaná lo likimitoze, gililo. Lekeza mon0 hozal0 Isilae mikasiuka mukí apat0 vi asú amiko okulumakutí lumu ve gihila neza litá oko anitinogo uve.

²⁴^z Sukulu izegipa nenémo tísala avilegeakaláa nomive. Gelekelé izegipa nenémo agulizaki veva nene avilegeakaláa nomive. ²⁵^a Lá onoinazo, sukulu izegipa oko moloko itim0 nenémo tísalámíni lelegít0 onoikoma etanogo ive. It0 gelekelé izegipa oko moloko itim0 nenémo agulizaki vevámíni lelegít0 onoikoma etanogo ive. Ámináminoko ametipina nenikumú holositíni gizapa ve Pelezepulole liki linam0 nenazo, izegipa nugunamotam0 neneta, lekelí lukugulizá aliki mumusopa ziliki viki minanigave.

Lehelele viziti ve lelepizim0

(Luk 12:2-7)

²⁶^b Nenemú gopoguni mililikitata vejenakumú lekelegesá legemino. Hitonoiti netá matá nenémo minoko tolova aminogo ive. Minoko ut0 o asú itit0 neve. It0 asuguná ne netá nenémo minoko ut0 o asú inogo ive. ²⁷Neza nene límugusigú leges0 oko lo lukumu gak0 nene lekelisi miniki hanat0 li ut0 itaze. It0 lakagatauka musika loko lo lukumu gak0 nene lekelisi miniki numuni hetotí gak0 napagutí li ut0 iki litaze. ²⁸Vegená makolite lukugupeg0 nene apili hilinigave. Lekemeni apili hiliaká zamuza keitoka nominazo, keikumú nene lekelegesá legemino. It0 lekemeni nem0 it0 lukugupe nem0 ale nupa napa oko l0 apakú apele heleaká zámuzagi ve Ómasímú nene lekelegesá ligino. ²⁹Somohá nene ha netá neve. It0 golohá monitunú nene nama somohá lositá meina hizeakaláa nemóza, ametipo gelemikoma nama somohá hamok0 nene nene mikasigú lememinogo ive. ³⁰Lekelí gototíni zopovatíni gatoakaláa nene Ómasímo gele asú oko geleneive. ³¹Lekeza nene nama somohá niamave. Lekelisi nene vejená nianazo, it0 Ómasímo gizapa olikimiaká noinazo, nenemú lekelisi nene netá makokumú ma lekelegesá legemino.

Izesuni agulizá lo ut0 oaká gak0

(Luk 12:8-9)

³²Vegenalitíni kovogisal0 není nugulizá li ut0 iki nilími napa ita vejená nene neza ámina oko okulumakú aménehini avogisal0 kelémo napa oko litomóza, ³³^c vejenalitíni kovogisal0 nenikumú zivi hitivi ita vejená nene neza ámináminoko okulumakú aménehini avogisal0 keikumú zevo hitovo inogo uve.

^z 10:24 Luk 6:40; Zon 13:16, 15:20 ^a 10:25 Mat 9:34, 12:24; Mak 3:22; Luk 11:15

^b 10:26 Mak 4:22; Luk 8:17 ^c 10:33 2 Tim 2:12

Nonagaki lovagi ale ut0 itove loko limi gak0
(Luk 12:51-53; 14:26-27)

³⁴Nenikumú nene mikasiuka nonagá ale ut0 inogo limimóma neve liki lamilo. Neza nene nonagakig0 nomive. Lovagi ale ut0 itove loko lumumóma neve. ^{35 d} Neza lumumómámini gihila nene amelahiko gipalago lovaleta lavaleta iki kogoka hot0 itim0 neve. It0 izolahiko moholago lovaleta lavaleta iki kogoka hot0 itim0 neve. It0 anohúvolahiko avolahiko lovaleta iki kogoka hotopot0 itim0 neve. ³⁶It0 lekelí numutikú lekelí zuhate gala velini lilí inigave. ³⁷It0 lekeza izotikini ametikiniloka likigika kimiiki it0 nenitoka koma nimitam0 nene, není mututoni minata avotigila iki niamave. It0 izegipatiniloka likigika kimiiki it0 nenitoka koma nimitam0 nene, není mututoni minata avotigila iki niamave. ^{38 e} It0 zohota zal0 kipili hilinigi miluma netá ali gihikitatakumú gili ahuliiki nigizaka hiziki némegetiki amitam0 nene není mututoni minaminigave. ^{39 f} It0 mak0 keza nene kigika kemeníni ale gikitiiki ali minatam0 nene, miniki gopa itam0 neve. Mak0 keza nenikumule liki kigika kemeni vinasatam0 nene alévolé kemetameni alinigave.

Meinaváa alesá gak0
(Mak 9:41)

^{40 g} Vegená mak0 keza lekelí nasahilí ilikitatam0 nene není nasahilí inimiaká niam0 gelekave. It0 nasahilí initatam0 nene nimisili vema nasahilí imiaká niam0 gelekave. ⁴¹Vegená mak0 keza mon0 lole ale ve noikumule liki mon0 lole ale ve mak0 nasahilí itatamómámini meinaváa alinigave. It0 vegená mak0 nenete monolagi ve noikumule liki monolagi ve mak0 alími lamaná iki nasahilí itatam0 nene, nenémini meinaváa alinigave. ⁴²Neza lamaná lo likimitoze, gililo. Lekeza nene není vegenáne zuhagutí mak0 limiki minatamoki keikutí mak0 nene není gipa noikumule liki gosohá nagamí ihiki amitam0 nene, haha aminogo ive. Meinaváa alitam0 neve.

Zoní ve lositá kimiselekago Izesutoka vasim0
(Luk 7:18-33)

11 ¹Izesú nene izegipala zuha 12-a nene ámina gak0 lo leme asú oake, leza voko minuhá numut0 numut0 mon0 lo kemeko apí okiminogo vim0. ²Lá okago, mon0 nagamí holokimiaká ve Zoní nene nagá numukú noike netá golesagutí gologí olimiaká ve Kilist0 ave loko loaká nouni vémo hoza alim0 nenémini gakoláa geleake, izegipala

^d 10:35 Mik 7:6 ^e 10:38 Mat 16:24; Mak 8:34; Luk 9:23 ^f 10:39 Mat 16:25; Mak 8:35; Luk 9:24, 17:33; Zon 12:25 ^g 10:40 Luk 10:16; Zon 13:20; Mak 9:37; Luk 9:48

zuha losi nene kimiselekago Izesú noitoka vasike láa liki loká itasimó: ³Utó itive liki monó gotolaú luhuva gizina vema nene géisi noape, itó alika makó utó itikumú ageva itunimó nehe, liki loká itasimó. ⁴Loká itasigo, Izesú nene ámina vema noive loko Zoní gilitive loko láa loko lo kimimó: Lekeza nene atiginá iki viki nene loló nou netá matá imane nánigasimó nenémini gakoláa aveté iki Zonini li amilizo. ⁵^h Kogómula lilikupá molamó nene kogómula ale hanatokimiaká noive. Itó kigisaló alimó nene kigisa ale lamaná okimiaká noive. Itó halamé gizalemó nene kelémo gileleaká noive. Itó kagata molamó nene kagata ale koló okago gako giliaká noive. Lepa gonosi nene kelémo oteaká noive. Itó limiki minamó ámemena nenete gako lamaná nene giliaká niave. ⁶Lá onoinazo, není mogonamú kagata losi pasi gelemitamó nenete kogoliza viziki minanigave.

⁷Loko lokago, Zonini izegipala zuhama atiginá iki nivasigo, Izesú eza vejenala sii sii liki minamoláa nene Zonikumú láa loko lo kimimó: Lekeza nene mikasi gomopalaló nanámini o mína ve ániganigi vamóma neve. Zoní nene hepélmo gihinahisi ale volaloka imaloka imómámini noigo ániganigi vamóma nehe. ⁸Itó eza gola gonanalivagi luhoake noigo ániganigi vamóma nehe. Óe. Gó luhuvagi luhiaká nia ve nene kugulizaki vetini numukú akiki otiki iaká niave. ⁹Zoní nene Ómasímini agepagutí gako loaká ve noigo ániganigi vamó nehe, olo. Neza lo likimitoze, gililo. Lekeza nene ánigi mína vema nene Ómasímini agepagutí gako loaká ve lugáagitana minamimó neve. Eza haitólmíni okave. ¹⁰ⁱ Monó gotolaú Ómasímó li gako makó láa liki gizinamóma neve:

Gililo. Neza nene gako lole ale ve makó amiselekugo áisi voko ale goí oko kigikagú hoza aleko gapo vevegetanogo ive.

Ámina gako nene Zonitoka voko alimó neve. ¹¹Itó neza lamaná lo likimitoze, gililo. Mikasiuka utó ina vejenakutí makólmo monó nagamí holokimiaká ve Zonini nene ma avilegesá amimóza, Ómasímini gizapaló limiki niamolategi gopa Zonini aviligitigí iki niave. ¹²^j Zoní nene monó nagamí holokimiaká i gamenalotí minoloko iteko okulumalímíni gapo nene utó o lamaná oko utó noigo, vejená mukilite amuza miliki lovasava iki okulumalímíni lapanala ali lá iaká niave. ¹³Zoní velesá utó amigo Ómasímini agepagutí gako liaká a vegi Moseki keza mukitoka alika utó iti netakumú epoapoga liki Ómasímó agulizaki ve napa alemó utó iti gako liliki vamó. ¹⁴^k Itó gilitune liki nilikoma makó lo likimitoze, gililo: Ve makó Ómasímini agepagutí gako loaká ve Ilaizakitana ative liki lina ve nene Zoní noave. ¹⁵Lá onoinazo, lekeza lakagatagi minatamó neneta ámina gako lonoumó nene gili vevesiki gililo.

^h 11:5 Isa 35:5-6, 61:1 ⁱ 11:10 Mal 3:1 ^j 11:12 Luk 16:16 ^k 11:14 Mal 4:5; Mat 17:10-13; Mak 9:11-13

¹⁶ Oko moloko oaká nou netá áningina vejená nene nanetató lo moloko nolugo vo guni itive. Keza gili goselé iaká nia izegipagitana niave. Izegipa keza alegesá apató niake kigivéikini nene sele liki láa liki li kimiaká niave: ¹⁷ Leza nama luható nene nanamú lisá amave. Itó helegaloka ive nama uható nene nanamú ive nama isá amave, liki liaká niave. ¹⁸ Ámináminoko Zoní nene hozava apí oake nene nosánetá lamaná namike vain nagamí namike etó oko minamó. Etó oko noigo ángiake holosi makolímo agika ale gopa okago noihe, liki nene lamó. ¹⁹ Itó helegaloka neza okulumakutí lumu ve gihila okuke iza goula zahí nagamí nosánetá lamaná nonugo, ángiake láa liki nilave: Ve imane nene ángigalo. Áisi nene gasova ve itó nagamító ve noihe takisi aleaká vegi itó netá golesa aliaká nia ve lugáatini zogonini noive, liki liaká niave. Lá onoimóza, Ómasímo gele guni oko netá matá aleaká noimó nenémuni gihiláa utó okago, vevesokogó minoaká noimó nenémuni mogonáa nene utó oaká noive, loko limó.

Kigika ali viligama vejenalite miluma sipisi gilinigave.

(Luk 10:13-15)

²⁰ Izesú apá lugáaloka nene hoza aleloko vike alévolé suni haitolímini mukí ale utó imó. Ale utó okago ángigamóza, ángi hagele gele iake kigika ali viligamago, gahá kemeko láa loko nene limó: ²¹ ^l Agae, Kolazina amelagita. Agae, Petesaita amelagita. Lekelitoka nene golivagi netá utó inogo ive. Golesa netá aliki minakumú nene Tulo apá itó Sitona apá gozapá tui loko vimóza, alévolé suni lekelitoka alumó nene ámina apá lositatoka utó imó nelina, keza nene gozapá miluma giliki kigika ali viligamó nenémuni mogonáa ali utó iki ginigane línaha luhiake lánéhá nene kugupeló hiliki hanuva minaline. ²² Nenemú lo likimitoze, gililo. Tulo apató itó Sitona apató vejená keza gamena napaló nene lihima koma alitamóza, lekelisi nene lihima napa alinigave. ²³ ^m Itó Kapanao amelagita lekeza lukugulizá nene okulumakú ititive liki ali otiaká niahe. Nenémunoko nomive. Lokú lekehelú inogo ive. Alévolé suni lekelitoka ale utó umó nene Soto apakú utó imó nelina, kigika ali viligikago ámina apá nene tui loko vamiline. Imane gamenaló nene hanuva minalinamó neve. ²⁴ ⁿ Nenemú lo likimitoze, gililo. Lihima kimiti gamenaló nene Soto apatoka nene lihima lagasó keitoka utó inogo ive. Itó lekelí nene ale nupa okoko genavaló geheleketanogo ive, loko limó.

Nenitoka atamó nene lekelémo geha zinogo uve

(Luk 10:21-22)

²⁵ Gamena nene zupa Izesú gakó láa loko nene limó: Aménega, geza okulumaki mikasigi keí Guivahani géisi nene noane. Sukulu lunike

¹ 11:21 Isa 23:1-18; Izi 26:1-28:26; Zoe 3:4-8; Emo 1:9-10; Zak 9:2-4 ^m 11:23 Isa 14:13-15; Apí 19:24-28 ⁿ 11:24 Mat 10:15; Luk 10:12

gele vevesokune liki liaká nia vejená keza monoka giliiki gili guni ikatave loko ale halá geko molokimikanike nene sukulu lamake izegipa namunigitana iki mína vejenalitini kigikagú molokimiaká noane. Lá oaká noanikumú gegepoka noluve. ²⁶ Aménege, nenéminoko utó oloko vitive loko gelenanimó nene etoaká noive. ²⁷ Loko loake, miní ameko láa loko limó: Améneho netá matá mukí nene nigizakú molo asú okave. Lá onoimóza, Ómasímíni gipalámína mogona gili vevesina vejená ma niamave. Améneho hamokó geleneive. Itó aménehini mogona nene ve makolite gili vevesamave. Gipala noutímína itó nezáne lo utó oko lo kemekugo ángi hehe litave loko gilito vejená niamoláa lezategó aménehini mogona gelenoune.

²⁸ Goselekaselé iki muhelé ahelé iki nia vejená itó haitopaitó netalímo gena likiviseaká noi vejenalita mukitoka nenitoka imi asú iki alo. Lekelémo geha zinogo uve. ²⁹ Neza nene zou loko nouve. Itó nigika lamanakí nouve. Ikiko nene nigínaloka hévetú nemó nene mololeketatoze. Mololikimikugo nene nenitokatí gakó lamaná gilitaze. Itó lekemenitini nene avasú vizeko mino lamaná oko minatize. ³⁰ Není nigínaloka hévetú nemó nene huluváa lamaná neve. Itó genavagi nomive, loko limó.

Holisigú Izesuni vejenala zuhate kilé hisiki nimi vamó
(*Mak 2:23-28; Luk 6:1-5*)

12 ¹ Gamena nene zupa holisi makokú Izesú ale goí igo izegipala zuha leza kilé mikú mohona oko vunimó. Novunike nene, izegipala leza gaúna helekunike kilé akutokunike gihiláa hiseko nomo novuko nene, ² Palisaio monó ve keza ángiake gili golesa ake Izesuni nene láa liki li amemó: Ángigozo. Izegipakamate netá nalemo nenémo nene golesa okave. Lelí holisigú hoza nalemo nene lá amoakalímíni ikave. ³ Liki likago, Ómasímó vejenala zuhate netakumú vitagá niko ezáa lo huka gakó nene hanuva molo gaheva itimó neve liki gilitave loko láa loko lo kimimó: Gozapá agulizaki ve napatipo Tevití nene vejenala zuhagi nosánetakumú gaúna hiliake netá makó alemó nenémini gakola monó gotolaú luhuva gizikago lekeza gatinamóza, mogonáa gilísá amahe. ⁴ Tevití eza nene Ómasímíni monó numukú itekago guguni gizoaká ve napámo Ómasímíni avogisaló mila peleti nene amekago namóma neve. Itó vejenala kezagi namóma neve. Itó ámina peleti nene hanuva vejenalite namitave liki guguni giziaká vetegó natave liki monó gotolaú li hukinamóma neve. ⁵ Itó Mosé nene guguni giziaká ve keza holisigú nene monó zagusaveú hoza aliki niake nene holisimú li hukina gakó nene

° 11:27 Zon 3:35, Zon 1:18, 10:15 P 11:29 Zel 6:16 ¶ 12:1 Gapo 23:25

† 12:3 1 Sam 21:1-6 § 12:4 Liv 24:9 † 12:5 Nam 28:9-10

avutá apiliaká niamóza, áminámo lihima keitoka minosá amive loko luhuva gizonoi móza, nene gatiki gilísá amahe. ⁶Nénisi nene lo likimitoze, gililo. Likigilikagú noutímína nene monó zagusave avilegeko nene nouve. ⁷ Itó monó gotolaú Ómasímo li gakó makó lá oko neve: Neza nene guguni gizi nimitave loko gelesá amuve. Likigika hizi kimiakakumú geleaká nouve. Lekeza nene ámina gakolímíni mogona gelelina nene, lekeza lihimaváini nomiti vegenalitini lihimáinimú gakó hoza alikitamaline. ⁸Okulumakutí lumu ve gihila neza nene holisi amelahina nounazo, izegipáne zuhate holisigú lilí ita netá nene není netá neve.

Agizani nakeseta ve
(Mak 3:1-6; Luk 6:6-11)

⁹Láa loake, nenelotí oteake vike monó numuni makokú nene itimó. ¹⁰Itimó nene ve makó agizani lugaloka nakeseta ve noigo, ve lugáa keza Izesuni loká itake lelí holisigú nene vegená kelémo zokoakaláa nene nehe nomive, liki nene lamóza, hanuva nene Izesuni imane nana gakotó ale moloko lokinake goní otatune liki, gimivagú miliki nene lamó. ¹¹ Lá iki gimivagú milikago, Izesú nene kigikagú emane ánigo vevesoko ánigoake láa loko limó: Lekelikutí makó nenémo nene sipsip iza akaleváa makó nene holisigú nene gale hángagú velehé limitimó nene, holisimagule lokoko ahulokiko áminagú minatimó nehe. Óve, ale gelelehá oko ale veletoka alahulatimó neve. ¹²Lá itimóza, sipsip nene ha netá neve. Itó vegená lélisi nene netá gihiláa nune. Nenemú holisigú nene vegená kelémo lamaná oakaláa nene neve. ¹³Loko loake ámina ve nene gigizani lutozo loko lokago, agizani lugaloka nene lutokago, agizani magáa minamómámini oko goha lamaná imó. ¹⁴Lamaná okago nene, Palisaio monó vegená keza ámina netá ángamó. Ángiake limiki viake Izesuni nene nana inake apele hilitune liki lova gizamó.

Ómasímo gelekelé izegipala Izesuni alémo etó imó

¹⁵Lá okago, Izesú ámina gakó geleake nene, numuni apá ahuloake apá makotoka vimó. Lá oko novigo mukí vegená ámegetiki vamó. Lá ikago, kivisi vegená mukí nene kelémo zokoake nene, ¹⁶ái mogonáa nene avetó iki lili ali amitave loko lo hukoko loketamó. ¹⁷Láa loko lokimikago, Ómasímini agepagutí gakó loaká ve Isaiá anoza gakó makó láa loko luhuva gizamó nene gihila zimó:

¹⁸ ^w Ómasímo láa loko nolive: Gelekelé izegipáne alémo etó umó nene ángalo. Nigika amenouke aikumú nene gele lamaná oaká nouve. Itó neza Sikalahúne nene aí amupiló molokugo alémo vávani okiko, hetoka ve numutó namató vegená nene lihimáinimú

^u 12:7 Hos 6:6; Mat 9:13 ^v 12:11 Luk 14:5 ^w 12:18 Isa 42:1-4

gona moloketati gakó nene lo utó oko lo kimitimó neve. ¹⁹Eza lovaleta oko gopaga lamoko gapoló gakó napagutí laminogo ive. ²⁰Vegená ámenenáa limiki minamó nene ma kelémo golesa o asú aminogo ive. Limiki mina vejená nenete gelemó ló guluma koma nenéminoko nemó nene ma ze lihaminogo ive. Itó lá okoko hozaváa amuza moloko aleloko voko miniko nene, ale kegesoaká nenémo netá mukí kivilegekeko minanogo ive. ²¹Lá okiko, hetoka ve numutó namató vejenalite kigika nene aí agulizató ali miliiki aikumú Kagata losi gelemiki ageva iki minanigave, loko lo hukoko limó.

Izesuko Pelezepuloko
(*Mak 3:20-30; Luk 11:14-23*)

²²Nene gamenaló ve makó nene holosi makolímo agika ale gopa oko agómula lika ve itó agepa hize lakolí okago mina ve nene Izesú noitoka alímiki vamó. Alímiki vikago, Izesú nene alémo lamaná okago, ve eza agómula goloutoake nene, gakó limó. ²³Gakó lokago nene, vejená mukí nenete ániagiake sigaga litake agulizaki ve Tevitini agávolaho ative liki la ve netihe. ²⁴^x Liki likago nene, Palisaio monó vete ámina gakó giliake láa liki lamó: Pelezepuló eza holositini agulizaki ve loló oake alémo vatí igogó holosi nene kepeleko kimiseleaká noive. ²⁵Liki likago, Izesú nene kigikagú gakó hanuva geleake láa loko lo kimimó: Mikasi makotoka vejená keza hizi hóu liiki lova gopa hizitamó nene, keí mikasi gámé minatimó neve. Itó apá makotoka itó numuni makokú vejená keza hizi hóu liiki eza akohú apiliko eza akohú apiliko itamó nene hutílí iki vinigave. ²⁶Itó Satá ezáa izegipala zuha kepeleko kimiselenetitímó nene, aí avogisaló nene itína mota hizi hóu liake alévolé iki minamitamó neve. ²⁷Lekeza nenikumú Pelezepuloni zámuzatunú holosi nene kepeleko kimiseleaká noive liki liaká niave. Láa likima nene lekelitini izegipatini zuha nenete nene Satá ámina oko kelémo vatí igo holosi kipiliki kimisiliaká niahe. Óe, lá oko nomive. Nenemú kéisi nene soza gakotinímini mogona hanuva ali utó itamó neve. ²⁸Lá onoi móza, nénisi nene Ómasímini Sikalahulímo nelémo vatí igo holosi nene kepeleko kimiseleaká nounazo, Ómasímo agulizaki ve napa ale utó oleketamó nenémini zámuzá lokovogisaloka mota omo ávatiha onoi mó nenémini mogona mota utó okave. ²⁹Ve makolímo gasovagi ve amuza ve makolímini numukú nene litá oko iteko henokanona nene ma ipá oko alitihe. Nenéminoko nomive. Gasovagi ve amuza vema nene goí oko agisa agizató nagá aleakaláa nene neve. Lá okogó aí henoni ipá inogo ive. Loko limó nene Satani zámuzá avilegeake holosiva kepeleko kimiseleaká nouve loko lo moloko limó neve.

^x 12:24 Mat 9:34, 10:25

^{30y} Loko loake makó láa loko limó: Makó keza nene nenikutí ve minamitamó nene není gala ve minanigave. Ve makó keza nilími vatí iki vejená kilími nupa amitamó nenete kilími hutilí iaká niamó geleneive. ³¹ Nenemú lo likimitoze, gililo. Ómasímo golesa netá haitopaitó itó alivi letivi liaká haitopaitolímíni nenémíni lihimavala ahuloaká gapo nemóza, ve makolímó Sikalahukumú alevo letovo oko litimó nene Ómasímo ámina lihima ahulotati gapo nomive. ^{32z} Makó keza okulumakutí lumu ve gihila není imane alivi letivi itamó nene Ómasímo ámina lihima nene hanuva ahulokimiakaláa nemóza, Sikalahukumú alivi letivi iki lita lihima nene mikasigú nemó itó okulumakú nemó nene ma asú amititó neve.

Oko moloko nounitímó mogonate ale utó oaká noive
(Luk 6:43-45)

^{33a} Lekeza nene za gihila lamaná makó ángiiki za lamanakutí neve liki litaze. Itó za gihila golesa makó ángiiki nene ámina iki za golesagutí neve liki litaze. Za gihila nenémó zámíni mogona ale utó oaká noive. ^{34b} Gosihálmíni agapílamó zuha lekelisi nene niave. Mogonatíni golesagi nianazo, gakó lamaná ma lisá amave. Ligikagú vaí o minakutí legepatunú loaká noute. ³⁵ Vegená lamanalitíni kigikagú nene netá lamanakó ititímó nenazo, kigikagutí nene vatí sunigó utó itimó neve. Itó vejená golesatíni kigikagú nene golesa netakó minatímó nenazo, kigikagutí ámináminoko golesa sunigó ititímó neve. ³⁶ Nenemú nénisi lo likimitoze, gililo. Lihima aleaká gamenaló nene vejená mukilite ha gakó haitopaitolímíni gopa linakumú nene gakó hozava aliiki asenini hiziki lúitamó neve. ³⁷ Gakó lanímó nenémó oko moloko animómámíni mogonaka lo utó molokiko, lamaná itimó nene, lihimaka nomitímó minatanimó neve. Itó golesa itimó nene, lihimaka ha minatímó neve.

Vegená golesate alévolé suni ángatune liki lamó
(Mak 8:11-12; Luk 11:29-32)

^{38c} Láa loko lo kemekago, monó mogona apí ikimiaká a ve itó Palisaio monó ve lugáa keza gakó láa liki li amemó: Tisatemaka, geza nene alévolé suni ma ale utó okako nene ángatune. ^{39d} Liki likago, Izesú láa loko lo kimimó: Oko moloko oaká nou netá ángiaká nia vejená lekelisi nene vejená golesave itó monó gili ahuliaká vejená niave. Lekelisi alévolé suni ale utó okugo ángatune liki liaká niamóza, lekelisi nene haitó suni makó ale utó ugo ángaminigave. Ómasímíni agepagutí gakó loaká ve Zonatoka emane utó i suni makó nenitoka utó okiko nenegó ángatave. ^{40e} Zoná nene gamena losive makole nene lagaha sipisímíni

^y 12:30 Mak 9:40 ^z 12:32 Luk 12:10 ^a 12:33 Mat 7:20 ^b 12:34 Mat 3:7, 23:33; Luk 3:7; Mat 15:18 ^c 12:38 Mat 16:1; Luk 11:16 ^d 12:39 Mat 16:4 ^e 12:40 Zna 1:17

agatupagú minake goha otimóma neve. Áminagó oko okulumakutí lumu ve gihila nénisi nene gamena losive makole mikasigú mininake goha otinogo uve. ^{41f} Itó Zoná nene Ninive vejená monó lo nokimigo kigika ali viligamóma neve. Itó nénisi ató imane nene Zonakitana minamoko Zonani avilegeko noumóza, lekeza není gako gili ahuliake likigika ali viligamave. Nenemú Ómasímo gona mololeketati gamena nene Ninive apá amelage nene otiki miniki oko moloko nou netá ániagiaká nia vejenalitini lihimáinimú lotuva liginigave. Lá ikiko lihima alitamó neve. ^{42s} Itó agulizaki vená Sipá mikasi emegaló minamó nenémo Ómasímo gona mololeketati gamena nene otekoko oko moloko nou netá ániagiaká nia vejenalitini mogonatini nene lotuva legekiko lihima nene alitamó neve. Ámina vená nenémo Salomó gele vevesoko gilimómámini gihiláa gilino go mikasi hotokatí gapo hána hána amó. Itó nénisi ató imane noumó nene Salomoni avilegeko noumóza, lekeza není gako gelemave.

Holosi golesa atiginá i gako

(Luk 11:24-26)

⁴³ Holosi makó nene ve makolímuni agikagutí iteoko avasú vizeko minati numunimú vitagá inogo vejená minama mikasiló voko mohona itive. Vitagá oloko novoko, ⁴⁴ neza numúne nene ahulokuke umóma nenazo, goí oko minu numutoka goha atiginá oko vinake minatoze lokoko nene, atiginá oko, oko ániगतimó nene, ámina numuni lolopa gitiki ali guni inakú nene numuni gizapa ve nomiko ániगतimó nene, ⁴⁵ goha nene ahulokoko voko holosi agivelagini 7-a nene kugupelotí sisipa anuva ovimó nene kelémoko oko áminagú nene limiki miniki aliki inigave. Lá ikiko, ámina ve nene goí oko golesa oko minamóza, íi, alika nene golesa o lamaná oko golesa inogo ive. Lá onoize, ve golesa áimane lekelitoka utó itikumú noluze, ehe.

Izesuni izolahiki agunamotamalagi

(Mak 3:31-35; Luk 8:19-21)

⁴⁶ Izesú gako lo kemeko noigo, amegesaloka nene izolage izegipa agunamotamola nene gako lo amitune liki hetoka gizapa iki niago, ⁴⁷ ve makolímuni Izesuni nene gelenape, izokage izegipa gugunamotamokama gako lo gimitune liki nene hetoka iki gizapa niave. ⁴⁸ Loko lokago, Izesú nene láa loko lo amimó: Izónege nugunamotamónemú lape. ⁴⁹ Loko loake, izegipa apala nuni liginaloka nene agizani hisú oko láa loko limó: Ánigalo. Izónege izegipa nugunamotamóne imane niave. ⁵⁰ Okulumakú améneho li gako ámegetiaká niamó kéisi nene izónege izegipa nugunamotamóne niave, loko limó.

^f 12:41 Zna 3:5 * 12:42 1 Kug 10:1-10; 2 Iki 9:1-12

Zuha netá atilí oaká vemú anoza gako
(*Mak 4:1-9; Luk 8:4-8*)

13 ¹Izesú nene ámina gamenaló numuni minakutí lemeake nonohuló agataló lemeko noike, ^{2h} gako apí okiminogo mitó minokago, ve vená mukí nene iki sii sii liki getatoka alegesá ikago, ángoake vejená gikí akumule loko nagamikú lape makokú nene itimó. Iteko minake nene, ³anoza gako haitopaitolímíni lo kimimó. Lá noike, makó láa loko limó: Gilinahe. Zuha netá atilí oaká ve makó nenémo netá gihila nene atilí inogo vimó. ⁴Vike mikuka atilí omo novigo nene, makó nene gapogú alemó zekago gaha namate ake ni asú amó. ⁵Itó lugáa nene gehani amupiló mikasi lagasó netó lemekago, mikasi hána nomimó nenazo, goloakaláa golokago litá oko itiha, ⁶ho nolake avagugu vizekago, luhusa hána nomigo osagava vizimó. ⁷Itó gihila lugáa nene lilihámini luhusa nene mikasigú ha netó alemó zeake, goloko itekaha, lilihámo zetamó. ⁸Itó lugáa nene mikasi lamanakú lemeko minake goloko iteake gihila lamaná zimó. Zava makototí nene gihila 100 nene zimó. Zava makototí nene gihila 60 zimó. Zava makototí nene gihila 30 zimó. ⁹Lekeza lakagatagi minatamó neneta gako imane gili vevesiki gililo.

Anoza gakokumú lo kimimómámini mogona
(*Mak 4:10-12; Luk 8:9-10*)

¹⁰Gako láa loko lo lemekago, izegipala zuha leza amatoka voko minunike geza nene anoza gako nenémináa nanamú lo nokemene. ¹¹Loko lokuko nene, eza láa loko lo limimó: Okulumalímíni gasovaló minoakalímíni asuguná gako nene lekeza gilitave loko nene lonoimóza, lugáa keza gelemitave loko nene neve. ¹²ⁱ Makó keza monó nene vatí iki gizapa iki ali minata vejená nene áminaló nene miní ameko kemekiko minumuni lamaná utó o kiminogo ive. Itó makó keza monó nene lamaná iki gizapa amita vejená nene hanuvagó ale minune liki litamóza ipá oko alekiko nene hanuva minanigave. ¹³Keza nene ángatune liki ángi-likí nivamóza, ángi hehe lisá amave. Itó gilitune liki gilimi vaha vaha mogonáa nene gili vevesisá amave. Nenemú anoza gako imane lo nokumuve. ^{14j} Lá okago Ómasímíni agepagutí gako loaká ve Isaiá alika utó iti netakumú lo ami gako nenémo keitoka voko alekave. Ómasímo li gako nene láa loko luhuva gizamóma neve:

Lakagatatunú giliakaláa nene hanuva gilitamóza, gili vevesaminigave. Itó lokogómulatunú ángiakaláa nene hanuva ángitamóza, ma ángi vevesaminigave. ¹⁵Vegená mulusi imane niamó kigika nene hize lí oake kigika kii lo vimó niave. Itó

^h 13:2 Luk 5:1-3 ⁱ 13:12 Mat 25:29; Mak 4:25; Luk 8:18, 19:26 ^j 13:14 Isa 6:9-10

kogómula nene liko vimó niave, itó kagata molamó niave. Nenemú netá matá hanuva ániogoakaláa hanuva nánigave. Itó kagatatunú geleakaláa hanuva nigeleve. Kigikatunú nene gili lamaná iki nene ma gilisá amave. Lá iiki kigika ali viligisá amanazo, neza nana oko kelémo lamaná itomó neve.

¹⁶ Itó Ómasímo nónohá zelikimikago, lekelisi nene lokogómulatunú ániagi vevesiake lakagatatunú gili lamaná iaká niave. ¹⁷Neza lamaná lo likimitoze, gililo. Gozapá Ómasímini agepagutí gakó iaká ve mukí kezagi itó monó gele ve mukí kezagi nene oko moloko nou netá lekeza ániagiaká nia netáma ániगतune liki lamóza, ániagamóma neve. Itó lekeza nene negepagutí gakó giliaká nia gakó gilitune liki lamóza, gelemamóma neve.

Zuha netakumú anoza gacolímini mogonáa

(Mak 4:13-20; Luk 8:11-15)

¹⁸ Netá gihila atilí oakalímini mogona nene lo likimitoze, gililo. ¹⁹ Ómasímini gasovaló minoakalímini gakó giliki gili vevesama vegealite monó nene kigikagú milikago minamó nene golesa netá amelaho Satá nene netá gihilama aleko golisi vokiko netá gihila gapoló alemó zimó nenéminiki minanigave. ²⁰ Itó gehani amupiló lemeko minamó nenéminiki minata vegeaná nene monó nigiliki laga kivisekago giliaká niamóza, ²¹ kigikagú emane nene luhusa ale gilitamigo, gamena alínipa aliniko, monó gakó gilinakumule liki gopogu galatakalatá milikitata gamenaló nene litá iki ahulanigave. ²² Itó lilihagú limimó nenéminiki minata vegeaná nene monó giliakaláa hanuva gilitamóza, imane mikasiuka gena kepeleaká noi netá itó monimú lagaváa giliaká nia netá nenémo monó zemikago, keitoka gihiláa makó utó osá amive. ²³ Itó mikasi lamanakú limimó nenéminiki minatamoláa monó giliiki gili vevesiki ali minata vegeatoka nene gihila zeaká noive. Makolititoka napa otigí zeaká noive, makolititoka mukí zeaká noive, makolititoka vauva aleko zeaká noive.

Lilihamú anoza gakó

²⁴ Láa loko loake, anoza gakó makó láa loko lo limimó: Okulumalímini avogisaló iteaká mogonamú nene ve makolímone nene minagú laisi gihiláa atilí imó neneló ale moloko litoze. ²⁵ Gihiláa atilí oake vokago nene, makó holugú nene vegeaná kovó aki asú iki akinago, gala veva nenémo aniteake laisi vogalaló minoake nene, liliha nene atilí oake vimó. ²⁶ Lá okago laisi goloko iteakaláa goloko iteake, gihiláa nene nozigo, liliha makó nene ámináminoko goloko itimó. ²⁷ Lá okago, izegipala zuha nenete iki láa liki li amemó: Gugulizaki velemaka, geza nene mikagú nene netá

^k 13:16 Luk 10:23-24

lamanaláa makó atilí animóma nemóza, liliha mukí nene nana oko itive. ²⁸Liki likago, eza nene gala ve makolímo onoitive loko lokago, keza voko lilihama asutatupe liki likago nene, ²⁹eza láa loko nene limó: Óe, liliha nene asuti ahulatomóza, laisigi nene asutikatave. ³⁰Nenemú nene laisigi lilihagi hanuva minatize. Neiko nene, laisi ale moloaká gamenaló nene minumuni aliaká ve láa loko loketatove: Lekeza niviki liliha nene apí iki gizaká iiki asapú ikiko lokú gizatunize. Itó laisima nene haitó gizaká iiki ale moloaká numúnegú milataze, loko limó.

Masteti gihilamú anoza gakó
(*Mak 4:30-32; Luk 13:18-19*)

³¹Izesú nene anoza gakó makó láa loko lo limimó: Okulumalímíni avogisaló vi hilata vejená keza nene masteti gihila nenéminiki niave. ³²Ámina netá nene zuha netá lugáagutí koma koma nemóza, ve makó nenémo ámina netá nene minagú atilí okago goloko iteko napa oake zamú mukí kivilegeko zagitana loló onoive. Lá okago, nama nenete antiake nenémini izanaló nene numuni giaká niave.

Peleti lulu vizeaká netakumú anoza gakó
(*Luk 13:20-21*)

³³Anoza gakó makó láa loko lo limimó: Okulumalímíni lapanató vo holoakaláa nene peleti lulu vizeaká netá nenéminoko neve. Vená makolímo ámina netá nene polisigi ali gopa okago hutilí okago peleti nene lulu vize napa oaká noive.

Izesú anoza gacolímíni mogona lo kimimó
(*Mak 4:33-34*)

³⁴Vegená vaí iki alegesá ikago, Izesú eza gakó mukí imane lo kimimó nene anoza gakokutí nene lo kimimó. Gakó lo kiminogo noike anoza gakokutikó lo kemeaká imó. ³⁵¹ Lá noigo, Ómasímíni agepagutí gakó loaká ve makó nenémo gakó láa loko luhuva gizamó nene alévolé imó:
Negepagutí anoza gakokutí lo nokiminake mikasi emane utó amigo
gakó halá geko minoloko voko minamó nene itína nene lo utó itove.

Lilihamú anoza gacolímíni mogonáa lo utó imó

³⁶Izesú nene vejená ahulokimiake numukú itekago, izegipala zuha leza laisi mikú liliha utó itímíni mogona lokako gilitune loko loká omikuko, ³⁷Izesú láa loko limó: Gihila lamaná atilí i vemú lumó nene okulumakutí lumu ve gihila nezánemú luve. ³⁸Minimú lumó nene mukí mikasiukamú

¹ 13:35 Age 78:2

luve. Itō netá gihila lamanakumú lumó nene Ómasímini lapaná alina vejenakumú luve. Lilihamú lumó nene netá golesa amelaho Satani vejenala zuhamú luve. ³⁹Gala ve aniteake netá golesa atilí i vemú lumó nene Satakumú luve. Laisi ale moloaká gamenaló minumuni aliaká vemú lumó nene, mikasiuka netá asú iti gamenaló nene hozaló ve keza hoza alitakumú luve. ⁴⁰Liliha nene asutiiki lokú gizamó nene ámináminoko mikasiuka netá asú iti gamenaló nene ⁴¹okulumakutí lumu ve gihila neza nene agelóne kimiselekugo, není gizapaló vejenáne zuha niakutí kilími gohá iaká nia vejená itó golesa netá aliaká nia vejená gizaká iki kilími nupa iiki ⁴²ló napagú ali ahulikimikiko liminigave. Nenekoka limiki miniki ive nama iki miluma maluma giliki kegepa atalá iki minanigave. ⁴³Itó hee liki minamoláa keza nene améipini avogisaló nene ho nenémini iki lapanáinigi minanigave. Lá onoize, lekeza lakagatagi minatamó neneta gakó imane gili vevesiki gililo.

Helisa netakumú anoza gakó

⁴⁴Okulumalímini lapanató iteakalímini meinava lá oko neve. Helisa netá makó nene za zuhagú minatimó nene etó oko apazá neiko nene, ve makó nenémo voko ánigokoko nene goha ale halá gekoko agoliza vizeko voko ezáa moni henokanona nene salimi asú okoko moni aleoko ámina za zuhama meina hizeko alinogo ive.

Lulukumú anoza gakó

⁴⁵Okulumakú iteakalímini meinaváa lá oko neve. Ve makó nenémo lulú makó meinava iteko mina netakumú nene vitagá oloko vike nene ⁴⁶hozavagú molokiko neiko, lulú makó meinava iteko noitimó nene ale utó okoko nene ezáa moni henokanona salimi asú okoko moni aleoko ámina netá nene meina hizeko alinogo ive.

Lagaha gotahamú anoza gakó

⁴⁷Okulumalímini lapanató iteaká gapováa nene lagaha gotaha nenémini oko nene neve. Vegená keza lagaha gotaha nene age nagamikú ahulikago lemeake lagaha nene haitopaitolímini nene aleaká noive. ⁴⁸Gotaha nene vaí okago, gelelehá iki ali getatoka iake minake nene, noakalímini nene lapegú ali milimili iaká niave. Namoakalímini nene ali etó iki ahuliaká niave. ⁴⁹Mikasi gamenava asú iti zupa nene ageló nenete áminámini inigave. Ageló nenete numutó namató vetini holúikutí vejená golesa gizaká iiki ⁵⁰lokú nene ali ahulikitanigave. Nenekoka miniki ive nama iki miluma maluma giliki kegepa atalá iki minanigave.

Litaha monokutí itó gosohá monokutí ale utó oaká gakó

⁵¹Izesú láa loko lo leme asú oake nene, láa loko loká oletamó: Lekeza nene mukitoka gakó imane gili asú inahe. Loko lokago, leza

mota gele asú onoune ⁵²loko lokuko, eza láa loko limó: Ve makolímo aí henoni lithagutí itó gosohakutí gona moloko aí vejenala zuha kemeaká noimómáminiki monó mogona apí ikimiaká a ve lugáa keza okulumalímíni lapanalímíni mututoni lilí nia vejená nenete Ómasímíni litaha monolímíni agikagutí itó gosohá monolímíni agikagutí ali utó itamó neve.

Nasalete apatoka Izesuni ánihi ahulamó

(Mak 6:1-6; Luk 4:16-30)

⁵³Izesú nene anoza gakó haitopaitolímíni láa loko lo leme asú oake nene, ámina numuni apá ahuloake ⁵⁴ezáa gotó apalaloka vo anitimó. Vo aniteake monó numukú iteake monó lo kimimó. Monó gakó nene aveté oko lo kemekago, giliake sigaga sagaga litake láa liki lamó: Ve imanémo gele vevesoakaláa nene hikutí alive. Itó alévolé suni aleaká noimómave. ⁵⁵Leza aí mogonáa gelenounize. Áisi nene kapetamáminiki gipalama noive. Itó izolahini agulizá nene Maliáma neve. Itó agunamotamolatiniki kugulizáini nene Zemusiki Zoseheki itó Saimon itó Zutá nene agunamotamola niave. ⁵⁶Itó mohó agunala kezagi imaneló miniki aliki iaká nianazo, áisi lezagitana ve noimóza, áisi nene haitopaitó suni nana oko aleaká noive. ^{57^m}Liki liake aikumú gelemó nene gena okago, aí nene ali letivi iki likago, Izesú láa loko lo kimimó: Ómasímíni agepagutí gakó liaká vetini kugulizá nene numutó namató puu loko vitimóza, kezáini gotó apatokagi numúikukagi kezáini kugulizá nomitive, loko limó. ⁵⁸Ámina apató vejená keza nene gili alévolé amamó nenazo, Izesú nene alévolé suni mukí neneló ale utó amimó.

Monó nagamí holokimiaká ve Zoní hili gakó

(Mak 6:14-29; Luk 3:19-20; 9:7-9)

14 ¹Gamena nene zupa agulizaki ve napa Heloté nene Izesuni gakoláa likago gilimó. ²Geleake nene, gelekelé izegipala nene láa loko lo kimimó: Zoní monó nagamí holokimiaká ve áisi nene hilimómagutí oteake imane zamuza nene netá haitolímíni ale utó oake noihe loko limó. ³Nene hanuva lamimó. Heloté nene amunaloka emane uvolaho Piliponi vená agulizá nene Helotiasini ipá oko alimó. ^{4ⁿ}Lá okago, Zoní nene Heloteni nene uvokahini vená ipá oko alenimó nene etamive. Loko lo ame-ame oloko vokago, Heloté nene venalámo gala vizekago ve makó kimiselekago vake Zonini agizató aliake nagá numukú ahulitamó. ⁵Mukí vejenalite Zonikumú nene Ómasímíni agepagutí gakó loaká ve noive liki liaká amó nenazo, Heloté nene Zonini apilitomó nene Ómasímo nana onetatihe loko ahelele vizekago ahulamó.

^m 13:57 Zon 4:44 ⁿ 14:4 Liv 18:16, 20:21

⁶Lá imóza, Heloteni nene geta gamena alitokago mukí kugulizaki ve aí numukú nene iki alegesá amó. Alegesá iki niago, Helotiasini mohola nenémo kovogisalo melekeni noigo, Heloté nene ángo amu heleake, ⁷lâa loko limó: Neza nene Ómasímini avogisalo lo hukoko noluve. Geza nemú manamú nivisive loko litani netá hanuva giminogo uve. ⁸Loko lokago nene, izolaho lo amekago lâa loko limó: Monó nagamí holokimiaká ve Zonini luvana nene hutoko lapegú moloko nemekako ángokinake mota helekave loko litove loko noluve. ⁹Loko lokago nene, agulizaki vémo agepa gahava nomigo gilimó gena imóza, Ómasímini avogisalo lo hukokumóma nenazo itó alesa molokugo iki mína vejenalitati kovogisalo imane lo hukokunazo loake, gele ameake, gopa nene pilisi ve makó voko luvana hutoko alekative loko lomikago, ¹⁰vike nagá numukú nene luvana hutoake gotola gitegeko nene ¹¹lapegú moloake mohóma amekago, moholámo aleko vike izolahini alemo amimó. ¹²Alemo amekago nene, Zonini izegipala zuha nenete ámina gakolâa nene giliake vake gonosivâa gale zemó. Gale ziake, ámina gakó nene Izesuni aveté iki li amemó.

Ve 5 tausen nosánetá kemeko namó
(*Mak 6:31-44; Luk 9:10-17; Zon 6:1-13*)

¹³Li amikago, geleake ámina apá ahuloake izegipala zuhagegi nagamikú lapegú itekunike vola helegaloka mikasi gomopalaló vo anitehá. Lá okuko, vejená mukí keza giliake, numuni apáini ahuliake mikasigú ámegetiki vamó. ¹⁴Lá ikago, Izesú nene lapegutí olío lemeko ángamó nene, vaí iki alegesá ikago ángoake, agika hízekago kivisi vejená nene kelémo zokamó.

¹⁵Lá okago, únaká ho lemekago, izegipala zuha leza aitoka unike lâa loko lo amunimó: Imane apá nene ha gámetó minokaze, itó gamena mota asú okaze, vejenáma apá makotoka makotoka viiki nosánetáini meina hizitave loko kimiselemané. ¹⁶Loko lo amekuko, Izesú lâa loko lo limimó: Nanamú vitave. Lekezatini nene nosánetá kimiki nalo. ¹⁷Loko lokago, leza íi, peleti 5-a itó lagaha lositakó imane molonouhá lae. ¹⁸Loko lokuko, Izesú lâa loko limó: Nene aliki nenitoka alo. ¹⁹Loko lo lemeake, vejená keza gihisiló minatave loko lolimiake, peleti 5-agi itó lagaha lositaki aleake, okulumatoka okenava oko nánigake, Ómasi agepoka loake, peleti gitegeko lemekago, leza vejená mukí gona moloko kemehá. ²⁰Kemekuko, mukilite nikake kagatupa okago nosánetá lumâa ali nupa iki gosúveha 12 vaí okago ali milamó. ²¹Nosánetá na véa 5000 nenéminiki minamó. Vená izegipáini nene gatamune.

Izesú nagamí amupiló liso liso vimó
(*Mak 6:45-52; Zon 6:15-21*)

²²Lá okago, Izesú ezâa nene vejená nokimisilike izegipala zuhama sipigú itiiki vola helegaloka goí iki vitave loko loletamó. Lolimikago

novuko nene, ²³vegená kimisele asú oake ezáágó agoka makokú iteko minake Ómasiloka loko minamó. Lá noigo, ²⁴límugusi zekago akovevé loló okago nene, izegipala zuha leza sipigú voko voko nonohuló holutó novuko logómulalokatí nene una napa aleko ake lehelú inogo igo, nagamí nenémo valahuká zeko lelémó ligitagani imó. ²⁵Lá noigo, gokululuva notovoigo, Izesú nene nonohuló amupiló liso liso vike vo alí noligo, ²⁶izegipala zuha leza áinigokunike, holosi noahe oko lehelele vizekago, gopaga lunimó. ²⁷Gopaga lokuko, Izesú litá oko láa loko limó: Lekelegesá legemino. Nezama nouve. Mulutini lepa hizino. ²⁸Loko lokago, Pitá nene láa loko limó: Guivahanitemaka, géisi noitanimó nene lokako nagamí amupiló imane lisokinake géisi noanitoka vitohe. ²⁹Loko lokago amane loko lokago, Pitá nene sipigutí oló lemeake, Izesú noitó nene apí oko nagamí amupiló liso liso vimó. ³⁰Liso liso novigo, una nalikumú geleake alegesá legekago, nagamikú velehé liminogo noike, Guivahanínemaka nelémó nugutó vizemane loko gopaga lokago, ³¹Izesú litá oko agizani lutoko nanukike láa loko lo amimó: Geza komáisi nenikumú gele alévolé anitika, nanamú gagata losi gelenimó neve. ³²Loko loake, sipigú goha itikasigo, una nene asú imó. ³³Asú okago, sipigú makó minuhá ve leza Izesuni gupá ze ameko geza lamaná Ómasímuni gipala noane, loko lunimó.

Genesalete apatoka Izesú kivisi vegená kelémó zokamó
(Mak 6:53-56)

³⁴Loko lunike, vola helegaloka Genesalete apakú vo anitunimó. ³⁵Nagamí nonohuló agataloka getatoka nene itekuko, vegená keza Izesuni ániigi vevesiake Izesuteho mota okave liki numuni apá alitoka gokoláa ahulikago, vegená keza giliake kivisi vegená Izesutoka kilímiki amó. Kilímiki ake ³⁶kivisi vegená imane nene gele kemekako, gugupeló ahe itó hanuva luhoaká gó gahevalokahe imane ali giliiki nene zokatave, liki negénegeka likago, áminámini niake ale gele vegená nene zoki asú amó.

Avóike apí a mogonatagana
(Mak 7:1-13)

15 ¹Gamena nene zupa Zelusalegatí Palisaio monó ve itó monó mogona apí ikimiaká a ve lugáa kezagi Izesutoka ake láa liki loká itamó: ²Izegipaka zuha keza avotegini mogonatagana ali minamake nanamú ahulikave. Nosánetá natune liki ligika ale golotuva loaká suni aliki kigizani nene nagamí zemave. ³Liki likago, Izesú láa loko lo kimimó: Lekelisi nanamú avotikini gakóini gili alinigi Ómasímo lo hukoleketa gakó avutá iaká niave. ⁴Ómasímo láa loko lonoimóma

° 15:4 Gá 20:12; Gapo 5:16; Gá 21:17; Liv 20:9

neve: Izokahiko amekahiko kugulizá ale otezo. Itó makó nene láa loko lonoimóma neve: Makó eza nene izolahiko amelahiko usí vizekimiaká gakó lo kimitimó nene, apele hilitunize. ⁵Lá onoimóza, lekeza nene láa liki liaká niave: Makó eza nene izolahiko amelahiko hize lé oketanogo lonou netáma mota Ómasímimi amekuve, ⁶liki liake nene izotikini ametikini nasahilí ikitata gapo hizi lí iaká niave. Itó lekeza lá iake, Ómasímimi gakó nene vasá ziake lekezatini avotikini gakó alévolé iki ali miniaká niave. ⁷Genezatini lositaki neneta Isaiá alika utó iti netakumú gakó láa loko limó nene, lamaná lekelikumú lonoimóma neve. Ómasímimo li gakó nene láa loko luhuva gizononimóma neve:

⁸ *P* Vegená mulusi imane nene kegepatunukó nugulizá ali otiaká niamóza, kigika nenitoka mili gímizinamake mili hotó inave.

⁹ Vegenalitiní gakó nene není gakoitana okago li kimi-kimi iki miniaká niake, soza miliki gupá zi nimiaká niave.

Ligika ale gopa oaká netá

(Mak 7:14-23)

¹⁰Izesú nene láa loko lo kemeake vegená lugáa mukí sele lo kemekago, aitoka ikago, láa loko lo kimimó: Neza gakó lo likimitoze. Gili vevesiki gililo. ¹¹Ni mikilí ikago lakagatupagú lemeaká noi netá nenémo likigika ale golotuva lamitimó neve. Lekegepagutí emane ititi netalímo likigika ale golotuva litimó neve. ¹²Loko lo kemekago, izegipala zuha leza amatoka voko láa loko lunimó: Geza nene Palisaio monó ve imane gakó lo kemekako gili golesa ikave. Gili golesa amó nene mota gelenape. ¹³Loko lokuko, Izesú eza anoza gakó láa loko lo limimó: Za nene okulumakú améneho zuhá amigo hanuva goloko itimoláa nene áisi asutoko luhusagi ale ahulanogo ive. ¹⁴*q* Lá onoinazo, lekeza ahulikimikiko minino. Palisaio monó ve nene kogómula lika mola vegitana niave. Agómula lika ve makolímo agómula lika ve makó nene gapo alapizitihe. Kogómula lika ve losi nenetosa eza agizató aliko eza agizató aliko iiki vitáimó nene losiló galegú hlanigasive.

¹⁵Loko lokago, Pitá láa loko lo amimó: Geza nene anoza gakó itínasa lanimómámini mogonáa lo utó okako gilitune. ¹⁶Loko lokago, Izesú láa loko limó: Íi, lekelisi nene áminagó iki lakagata velesá kolosamimó niahe. ¹⁷Mogonáa gili vevesamahe. Lekegepatunú nosáneta níkago aselikú nene lemeake nene eza gapováa voaká noive. ¹⁸*r* Itó lekegepagutí iteaká noimó nenémo likigikagutí utó oake lekemeni ale golotuva loaká noive. ¹⁹Vegená likigikagutí iteaká noi netá nene lá oko neve: Golesa lakagata geleaká, itó vegená kepele heleaká, ve vená huki ezega emega oaká, mokoló mogona, gumina, soza, kemegeka loaká, nene. ²⁰Netá

^p 15:8 Isa 29:13 ^q 15:14 Luk 6:39 ^r 15:18 Mat 12:34

nenémináámo lekemeni alémo golesa oaká noive. Ligizani nagamí zemunike noaká nouhá nenémo lemeni ale golotuva losá amive.

Kenan mikasiukatí hetoka mina venalímo gele alévolé imó
(Mak 7:24-30)

²¹Loko loake, Izesuki makó vunike mikasi ahuloko Tulo numutoka itó Sitona numutoka apá agilikaloka voko nouko nene, ²²Kenan mikasiukatí hetoka mina vená makó nene aitoka noake gamoga geko láa loko limó: Guivahanínemaka, geza Tevitini agávolagamaka golesa netakutí gologí oletatani velemaka, milumaváne gelenetamane. Holosi golesa makolímo mohónémuni agikagú minoake alémo gopa napa okago noinae. ²³Loko lokago, Izesú nene geletigí gelemotigí oake novigo nene, izegipala zuha leza vená imanémo negénegeka lomo lémegetoko amó goselé ovize. Geza nene amiselekako vitiho. ²⁴Loko lokuko, Izesú láa loko lo limimó: Neza nene Isilae vejená vi tolova inakutí kelémo vatí itane lokogó nimiselekago lumumóma nena. ²⁵Loko lokago, vená nenémo litá oko amatoka oko agisauka gupá nozike láa loko limó: Guivahanínemaka, geza nelémo vatí amane. ²⁶Loko lokago, Izesú nene Isilae vejenalite Ómasímini lusa goí iki ali alitakumú geleneike anoza gakó láa loko lo amike limó: Izegipatini nosánetá nene ipá oko galatini kepegagú ahuloakaláa nomive. ²⁷Loko lokago, hetoka vená nenémo Isilae vejenakó negopa, ezagi Ómasímini lusa ale alitikumú geleneike láa loko limó: Guivahanínemaka, nene lamaná lokanimóza, neza litoze. Gala amelage nene nosánetá ninago lanáa koma alemó zimó nene galate gopa niaká niamole. ²⁸Loko lokago, Izesú láa loko limó: Geza nene gigika ma nego lokanize. Nenemú nene lani netá utó ogetanogo ive. Loko lokago nene, ámina gamenalóisi mohola nene zokoko lamaná imó.

Izesú vejená mukí kelémo zokamó

²⁹Lá oake Izesú nene numuni apáma ahuloake goha atiginá oko vike Galilaia nonohulotoka aniteake zopega makokú iteko minamó. ³⁰Iteko noigo, vejená mulusi haitopaitolímíniki alegesá amó. Iki alegesá amó nene kigisaló alimó kogómulaló alimó itó lilikupá gepili nuvane itó gakó lamamó negi ve itó kivisi vejená mukí kilímiki iki Izesuni agisauka kilími nupa ikago kelémo zoko asú imó. ³¹Lá okago, gakó lama vejená nene kegepa alémo vávani okago gakó lamó, itó kigisa kigizani nakeseta vejená nene kelémo lamaná okago lamaná iki minamó, itó kigisaló alimó nene lisi pehe liake otiki vamó. Itó kogómulaló ali vejená nene kogómula ale goloutokimikago kogómula ángamó. Lá iki minago vejená mukí keza sigaga lake leza Isilae vejenalítini Ómasite napa noive liki agepoka lamó.

Ve 4 tausen nosánetá kemeko namó
(Mak 8:1-10)

³²Lá okago, Izesú nene izegipala zuhama sele lo lemekago, aitoka okuko, láa loko lo limimó: Vejená mukí imane nosánetá namake nenitoka

nene gamena losive makole minikago milumaváini gelekuze. Itó itína gaúna hiliki niko, kimiselekugo, numúitoka niviko gapoló kovonana vizekatihe loko nenemú nagata gulugo gena nivisekave. ³³Loko lokago mikasi gomopalaló nouninazo, vegená imane nosánetá nene hikutí ale utó oko kemeko natune. ³⁴Loko lokuko, Izesú loká oletake lekelitoka peleti nanakí neve. Loko lokago, leza nene peleti 7-a, itó lagaha koma luguhakó ma neve. ³⁵Loko lokuko, áminama aliki alo loake nene aleko okuko, Izesú nene vegená mukí mikasiló minalo loko lolimiake, ³⁶peletigi lagahagi aleake, Ómasi agepoka loake, gitegeko lemekago, leza vegená gona moloko kemekuko namó. ³⁷Niki niki kagatupa ikago, nosánetá lumáa minamó ali nupa iki gosúveha nene 7-a vaí okago ali milamó. ³⁸Nosánetá na ve nene 4000 nenéminiki minake namó. Vená izegipáini ma gatamune.

³⁹Lá okago Izesú nene ámina vegená kimisele ahulokago, nivago, sipigú makó itunike Magatana mikasiuka vola helegaloka vo anitunimó.

Alévolé suni ániगतune liki lamó

(Mak 8:11-13; Luk 12:54-56)

16 ^{1s} Palisaio monó vegi itó Satukaio monó vegi keza Izesutoka iake gimivagú molatune liki loká itake láa liki lamó: Geza nene Ómasilokatí alévolé suni makó ale utó okako geí mogona ániगतune. ²Liki likago, eza láa loko lo kimimó: Lekeza nene límugusi zinogo noigo guhizakó ániagiake azo ho latimó neve, liki liaká niave. ³Itó gó lokago gó nohitago nene golini zitimó neve liki liaká niave. Itó lekelisi nene okulumató ániagiake nenémini mogona gona miliki giliaká niamóza, itína gamenaló oko moloko oaká noutímini mogonamú nene ma gili lamaná amake hanuva miniaká niave. ^{4t} Imane gamenaló nia vegená lekelisi nene ve goesave itó monó nene gili ahuliaká vegená niave. Lekelisi nene alévolé suni ale utó okugo ániganigi giliake nilahe. Lekelisi nene haitó suni makó ale utó ugo ániगaminigave. Gozapá monó loaká ve Zoná nene gamena losive makole oko vokago heleaká gapogutí oti sunigitana makó nenitoka utó iko nenegó ániगanigave, loko lo kemeake ahulokimiake vimó.

Palisaio monó vegi Satukaio monó vegi keí mogonatagana

(Mak 8:14-21)

⁵Itó izegipala zuha leza nene peleti makó aleko vitunikumú lagatí molokago ahulunike sipigú makó itunike nonohuló avilegekunike ima helegaloka oko anitehá. ^{6u} Oko anitekuko, Izesú nene anoza gakokú láa loko lo limimó: Lekeza nene Palisaio monó vegi itó Satukaio monó

^s 16:1 Mat 12:38; Luk 11:16 ^t 16:4 Mat 12:39; Luk 11:29 ^u 16:6 Luk 12:1

vegi keí lulu vizeaká netalímo lekepelekatize, ehe. ⁷Loko lo lemekago, peletímini lulu vizeaká netakumú lihe loko lezateloka logele hagele unike peleti nene ahulokoko unikumú nene gakó lo nolimize. ⁸Loko luni gakó nene agataló holokago geleake láa loko lo limimó: Agae, lekeza komáisi gili alévolé amó neneta, peleti ahulokoko unikumú nolive liki nanamú mulutini itekago lekezatitoka ligili hagili niave. ⁹ Neza nene alévolé suni aleko nosáneta hanuva ale utó oleketatomómámini mogonáa vevesá gili hee lamahe. Neza ve 5 tausenimú peleti 5-a gitegeko kemekugo, niake kagatupa okago lumáa ahulikago gosúveha 12 nene vaí okago aleve. Nenemú lakagatí molokago nilahe. ¹⁰ Itó vejená nene 4 tausen keikumú peleti ligizani lugaloka losi olfo molago kemekugo, nikake kagatupa okago, lumáa nene gizaká iki ali milamóma nene gosúveháa 7 ali milamó neve. Nenegi lakagatí molokago nilahe. ¹¹ Leza nene peletimú lo lemenape liki lekeza nene není mogonamú nanamú gili vevesamave. Palisaio monó vegi Satukaio monó vegi keí lulu vizeaká netalímo lekepelekatize, ehe. ¹² Loko gakó nene lo lemekago, neneló nene gele vevesunimó. Gele vevesunike nene, peletímini lulu vizeaká netakumukopa, Palisaioite itó Satukaiote soza monó liaká akumú nene lokave loko nene gulunimó.

Pitá Izesuni mogonamú lo utó imó
(*Mak 8:27-30; Luk 9:18-21*)

¹³ Izesú nene Sisalia mikasiuka agulizaki ve Piliponi agulizató apá nene agilikaloka voko noike, izegipala zuha nene láa loko loká oletake limó: Vegená keza nene okulumakutí lumu ve gihila nenikumú nene éahove liaká niave. ¹⁴^x Loko lokago nene, vejená lugáa nenete Zoní monó nagamí holokimiaká vema noane liki liaká niave. Itó lugáa nenete Ilaizá gozapá okulumakú iti vema noane liki nilago, lugáa nenete Ómasímini agepagutí gakó loaká ve Zelemiá ahe itó Ómasímini agepagutí gakó loaká ve makó gozapá minamokitana noane liki liaká niave. ¹⁵ Loko lo amekuko nene, itó lekelisía nene nenikumú éahove liki liaká niave. ¹⁶^y Loko loká olimikago nene, Saimon Pitá nene láa loko limó: Geza gologí oletatane loko lo mololeta vema alévolé Ómasímini gipala nene noane. ¹⁷ Loko lokago, Izesú nene láa loko lo amimó: Zonani gipala Saimoga, geí gakó nene gelekugo gogoliza novizenimó geleaká noive. Vegenalite ma li gimikago lamane. Okulumakú améneho nene gelémo vávani igo lokanize. ¹⁸ Nenemú lo gimitoze, gelezo. Geza gugulizaka nene Pitá noane. Itó lelí gakokutí nene gasova gehanímó. Itó nénisi nene ámina gasova gehanimámini amupiló nene monó ali amegesa milina vejená

^x 16:9 Mat 14:17-21 ^w 16:10 Mat 15:34-38 ^x 16:14 Mat 14:1-2; Mak 6:14-15; Luk 9:7-8
^y 16:16 Zon 6:68-69

kelémo nupa okoko ahulokimikugo meikú hilatatímini zámuzáa nenémo ma kelémo amunauka aminogo ive. ¹⁹ Itó nénisi nene okulumalímini lapanatô vi hilatatímini kiiláa giminogo uve. Itó geza nene mikasiuka netá makokumú lo hoipa oketatanimó nene Ómasímo okulumakukagi ámina netakumú lo hoipa oketanogo ive. Itó mikasiuka netá makokumú lo hoipa oketamitanimó nene Ómasímo okulumakukagi ámina netakumú lo hoipa oketamitimó neve. ²⁰ Loko loake, izegipala zuhama nene lagata alike alévolé oko lo limimó: Neza gologí oleketative loko lo mololeketa vema noumóza, nene gakó nene vejená keké li kememilo, loko limó.

Izesú ezáa alika hiliti gamenamú lo kimimó
(*Mak 8:31–9:1; Luk 9:22-27*)

²¹ Gamena nene zupa Izesú nene apí oake minomo vike netá matá aitoka utó iti gakó nene izegipala zuha láa loko lo limimó: Zelusalega itekugo nene, monó gizapa ve itó guguni giziaká ve itó monó mogona apí ikimiaká vete miluma netá mukí nimiiki nipili hilikiko, gamena losive makole minokinake goha otinogo uve. ²² Nene gakó lo leme asú okago, Pitá nene Izesuni alémo apazá zeake géneka loko gahá amike láa loko limó: Guivahanínemaka, Ómasímo asega zegeto-loko novíko nenémini suni nene geí gumupiló utó aminogo ive. ²³ Loko lokago, Izesú viligoko Pitani láa loko lo amimó: Satani gakó lanitika, géisi nene mino olové amane. Není gapo hize lí itani gakó lokane. Gakó nene lokanimóza Ómasímini gakó lamanike ha vejenalitini kigikagutí gakó aleko lokane.

²⁴ ^a Loko loake, gamena nene zupa Izesú izegipala zuhama miní ameko láa loko lo limimó: Vegená makó nenete néné nemegetoko vitune liki nigilikima nene, kugupémo giliti netá gili ahuliiki zohota zaló kipili hilinigi miluma netá ali gihikitatakumú gili zagiiki némegetiki ataze. ²⁵ ^b Makó keza nene kigika kemeníni aliki amánapa iki minata vejená nene kigika kemeni gopa inogo ive. Itó makó keza nenikumule liki kigika kemeni vinasatamó nene alévolé kemetameni alinigave. ²⁶ Makó keza nene mikasi amupiló ne netá ali asú iiki itó kezáini kigika kemeni gopa okoko tolova itimó nene ámina mikasigú henoni nenémo nana oko kelémo lamaná itive. Itó kigika kemeni nene nana nana iki meina hiziki goha alitamó neve. Nenéminoko nomive. ²⁷ ^c Okulumakutí lumu ve gihila neza aménehini lapaná nenémo numupiló itekiko, agelova mukí nene kelémoko lemekinake vejená mukí mikasigú iki miliki iaká niamó nenémini ago helegáa lihima kimitomó neve. ²⁸ Neza lamaná lo likimitoze, gililo. Lekelisi ató nene nia vejená lekelikutí nene lugáa makó hili asú inamiki ha niko okulumakutí lumu ve gihila neza liminake

^a 16:19 Mat 18:18; Zon 20:23 ^a 16:24 Mat 10:38; Luk 14:27 ^b 16:25 Mat 10:39; Luk 17:33; Zon 12:25 ^c 16:27 Mat 25:31; Age 62:12; Lom 2:6

agulizaki vetini lol0 oleketatom0m0mini z0muza nene laman0 oko ut0 okiko lekelisi 0niganigave, loko lim0.

Izesuni agupe haitol0mini im0

(Mak 9:2-13; Luk 9:28-36)

17 ^{1d} Izes0 hoza gamena 6-a minomo noitike Pitani Zemusini it0 Zemusini agunala Zoninigi kel0moko kez0ik0 agoka h0na makok0 item0. ²Neneloka itiake kog0mulal0 nene Izes0 hait0 agupe ale luham0. Okulumak0 agupe ale luhoake nego, agoka agepa nen0mo ho silikak0na nen0minoko noigo, gol0a nen0mo gizopa vae vae loko minam0. ³L0 okago, 0mas0mini agepagut0 gak0 emane amunal0 liak0 asi ve Ilaizako Moseko nene ut0 i kimikasigo, keza Izesugegi gak0 ligili hagili am0. ⁴Ligili hagili ikago, 0nigiake, Pit0 nene Izesuni l0a loko lo amim0: Guivahanitemaka, imaneloka minuh0 laga okaze. Nenem0 gelekako nene imanel0 gaizopa losive makole gelek0tatunize, mak0 geile, mak0 Ilaizanive, mak0 Mosenive. ^{5e} Loko noli agepagi l0musi sahehev0a nene lemeko ze hitokimikago, l0musigut0 0mas0mo l0a loko lim0: Imane nigika amenou gip0ne noim0 nene 0nigo numu helekuze, lekeza nene gakol0a gili alilo. ⁶Loko lokago, izegipala zuha keza nene mikasig0 kogoka hiziki akiake kehelele vizekago, kigisa kigizakut0 nene guli guli oko minam0. ⁷L0 niago Izes0 nene voko kugupeloka ale nogilike l0a loko lim0: Lekeleges0 legemiko otemave. ⁸Loko lokago, otiki 0nigam0 nene Izes0 ez0ag0 noigo 0nigam0.

⁹0nigiake, Izesugegi agokagut0 nilemeke Izes0 l0a loko lo kimim0: Agokal0 lekeza net0 mat0 0nigam0 nene vejen0 lit0 iki avet0 iki li kememilo. N0nisi okulumakut0 lumu ve gihila heleneitokut0 iteko vokugo li kimitaze. ^{10f} Loko lokago keza l0a liki lok0 itake lam0: Golog0 oletati vema anitemigo Ilaiz0 gof0 oko anititive liki mon0 mogona ap0 ikimiak0 ve nenete nanam0 liak0 niave. ¹¹Liki likago nene eza l0a loko lim0: Ilaiz0 gof0 oko aniteko net0 mat0 muk0 ale vav0 itive liki laman0 linam0za, ^{12g} neza lo likimitoze, gililo. Ilaizakitana noi vema mota anitekam0za, 0nigi vevesamake kez0aini kagata gele net0 golesa lilf0 itiki minam0. Keza 0min0miniki okulumakut0 lumu ve gihila nen0 nene miluma net0 niminigave. ¹³Loko Ilaizakitana vem0 lim0 nene mon0 nagam0 holokimiak0 ve Zonikum0 nolinae liki gelem0.

Izes0 holosi golesagi mina gipa al0mo zokam0

(Mak 9:14-29; Luk 9:37-43)

¹⁴L0 iake, agokagut0 limiake vejen0 muk0 niatoka ikago nene, ve makol0mo ake Izesuni amatoka alapusa hizike l0a loko lim0:

^d 17:1 2 Pit 1:17-18 ^e 17:5 Ap0 22:2; Age 2:7; Isa 42:1; Mat 3:17, 12:18; Mak 1:11; Luk 3:22; Gapo 18:15 ^f 17:10 Mal 4:5 ^g 17:12 Mat 11:14

¹⁵Guivahanínemaka, gipánemú nene milumaváne gelemané. Eza negi hizeake sehovala veleake minake, lokú ahe itó nagamikú ahe lemeko pou loko akoaká noive. ¹⁶Izegipaka zuhate alími zokatahe loko keitoka alémoko vumóza, lá imi vaha vaha alími zokamave. ¹⁷Loko lokago, Izesú láa loko limó: Lekeza ató imane gili alévolé amake mulutikú amanapa iki minamó neneta lekelikumú goselé nepelekave. Lekezagi gamena gamena minoloko voko mininake nene lokogohí gehekogó minatohe. Loko loake nene, izegipama nene nénisi noutoka alímiki alo. ¹⁸Loko lokago, alímiki ikago, Izesú nene ámina holosi nene gahá amekago ahulomioko vimó. Vokago, izegipama ámina gamenalóisi lamaná okago nene, ¹⁹izegipala zuha lezategó Izesuki makó minunike loká otoko leza nene holosima nanamú apeleko amiselemuháma neve. ²⁰⁻²¹^h Loko lokuko, láa loko lo limimó: Lekelisi nene gele alévolé oakatini nene alínipa minokago lá amave. Lamaná lo likimitoze, gililo. Lekelisi gili alévolé niamó nenémo komá netá netimóza, masteti gihila komamámo goloko iteko napa napa oaká noimómáminoko amuzavagi netimó nene, agoka imane mino olové ozo liki litamó nene hanuva mino olové itimó neve. Itó lekelisi nene netá makó lilí amitatíminoko nomive, loko limó.

Izesú ezáa alika hiliti gamenamú goha lo kimimó
(*Mak 9:30-32; Luk 9:43-45*)

²²Koma minomo noiteko izegipala zuha lelémoko vike Galilaia mikasigú vo aniteake nene Izesú láa loko lo limimó: Okulumakutí lumu ve gihila neza nene mini hána amiki vegeñalitini kigizakú nilími milikiko, ²³nipili hilitamóza, gamena losive makole minokinake heleneitokutí goha otinogo uve. Loko lo lemekago, izegipala zuha leza mulute gitihiná imó.

Monó zagusavémini takisi moni ahuloaká gakó

²⁴ⁱ Minoko nene Kapanao numutoka atiginá oko vokuko, monó zagusavémini takisi aliaká a ve nenete Pitani amatoka vake loká itake láa liki lamó: Monó tisatini nenémo monó zagusavémini takisi moni ahuloaká noihe. ²⁵Liki likago, Pitá nene nana ive. Moloaká noimole. Láa loake, numunagú iteko gakó nene Izesuni velesá lo amenamigo, Izesú loká otake láa loko limó: Saimoga, geza nanave loko nogelene. Imane mikasigú kugulizaki véinite hí vegeñatokatí takisi moni aliaká niave. Kezáini vegeñáini zuhalokatí aliaká niahe itó gutá a vegeñatokatí aliaká niave. ²⁶Loko lokago, Pitá nene gutá a vegeñatokatí aliaká niave loko lokago nene, Izesú láa loko lo amimó: Láa lokoma mikasi amelage kugupe meina hizemiki hanuva minataze. ²⁷Itó neza ámina monó

^h 17:20 Mat 21:21; Mak 11:23; 1 Koli 13:2 ⁱ 17:24 Gá 30:13, 38:26

numuni napámini amelaho nounazo, ámina takisi moni ahulamoko ha minatomóza, keza nene lelikumú gilikiko golesa okatize. Nenemú geza nonohulukú lemeko lagaha aleaká nagá nene nagamí nonohulukú ahulo molokoko lagaha ganá alitanimoláa nene gelelehá o veletoka okoko agepa ale á oko ánígozo. Lagahamámini agepagú nene moni neko ánígoko alekokoma gezagi nezagi lugupe meina hizití moni aleko voko kemezo, loko limó.

Vegená mukikutí éaho livilegeko noive

(Mak 9:33-37; Luk 9:46-48)

18 ^{1j} Gakó láa loko lo limi zupahé nene izegipala zuha leza Izesutoka vunike láa loko loká otunimó: Ómasímo agulizaki ve napa ale utó o limikiko nene lelikutí éaho livilegeko agulizaki ve loló itimó neve. ²Loko lokuko, Izesú izegipa koma makó sele loko alémoko ake holutegú hize otemiake ^{3k} láa loko limó: Neza lamaná lo likimitoze, gililo. Lekelisi nene likigika ali viligiiki aliliki limiki izegipa koma imanéminiki minamitamó nene Ómasímini avogisaló nene keké ma vaminigave. ⁴Makó keza nene izegipa koma imanéminiki kezáinimú gilikiko lemeko minatimó nenete Ómasímini avogisaló viki kugulizaki ve lilí itamó neve. ⁵Ve makó nenete nenikumule liki izegipa koma áimanéminiki nasahilí itatamó nenete není nasahilí inimiaká niamó gelekave.

Golesa netakumú gala vizeaká gakó

(Mak 9:42-48; Luk 17:1-2)

⁶Itó nenikumú gili alévolé i mina izegipáne limiki minamoki keikutí hamó nene ve makolímo golesa netá alitive loko gala vizeko litimó nene, agae, Ómasímo loló otati netá nene genavagi golesa neve. Ámina vémini luvanaló gehani napa nagá ziiki age nagamikú ahelú i ahulatatímini avilegeko genavagi netá golesa loló otanogo ive. ⁷Itó agae, golesa netá alitave loko gala vizeko loaká suni haitopaitolímini nene mikasiuka neve. Ámina netá golesa nene hanuva utó inogo imóza, ve makolímo golesa netá alitave loko gala vizeko lomo mohona itimó nene Ómasímo nana otative. Agae, netá golivagi loló otanogo ive.

^{8l} Nenemú nene gigizánimohe itó gigisámohe lihima aleaká gapogú gelémo nomilikoma, hukoko nene ale ahulozo. Gigizani hamokó neiko itó gigisa hámakó neiko alévolé oko minoakalímini apakú ititaninazo. Gigizani losigi itó gigisa losigi minokoko lihima alitanitímo ló apakú gelémo molokiko, ló nene lihاميke lova lova oko nomina lokú vokatanize. ^{9m} Itó gogómulámo lihima aleaká gapogú gelémo

^j 18:1 Luk 22:24 ^k 18:3 Mak 10:15; Luk 18:17 ^l 18:8 Mat 5:30 ^m 18:9 Mat 5:29

nomilikoma, geza hanuva hize lí okoko ale ahulozo. Gogómula hamó neiko minoko alévolé oko minoaká apakú ititaninazo. Gogómula losigi minokoko lihima alitanitímo milumámini lokú gelémo molokatize.

Sipsip iza tolova imó nenémini anoza gakola

(Luk 15:3-7)

¹⁰⁻¹¹ Lekeza ehe tináneve. Lekeza izegipa nugunamotamónemú gilikiko lememino. Neza nenemú lo likimitoze, gililo. Ageloninite okulumakú miniaká niamó keza nene okulumakú gamena gamena aménehini avogisaló minake gizapa ikimiaká niave.

¹² Nenemú lekeza nene nanave liki nigeleve. Ve makó nenémo sipsip izava nene 100-a niakutí sipsip hamokó tolova itimó nene, vitagá amitihe. Lá oko nomive. Sipsip lugáa 99-a nene agokaú ahuloketonoko hamó legesó imolamú amuza moloko vitagá oloko vinogo ive. ¹³ Lamaná lo nolukumuve. Eza vitagá ova ova oko sipsip iza hamóma ale utó okoko agoliza vizinogo ive. Agoliza vizitimó nene sipsip iza 99 hanuva niamoláamú agoliza vizeminogo ive. ¹⁴ Itó ámináminoko lekelí ametipo okulumakú noimó nenémo izegipa nugunamotamóne lekelikutí makó nene legesó itikumú ma amu helemive.

Gigivekaho lihima suni alegetati gakó

¹⁵ ⁿ Gigivekaho makolímo geitoka lihima suni alegimikikoma, geza voko lekezatikó miniki lihimala alapizezo. Lá noako, geí gakó gelekikoma nene, goha gigivekahini alémo geitoka itanize. ¹⁶ ^o Lá onoimóza, geí gakó gelemikoma, ve hamó ahe lositá ahe kelémoko lekeza ámina lihimagi ve noitoka makó vilo. Lá ikiko, monó gotolaú gakó makó láa liki luhuva gizinamó nenémo gihila zitive:

Gakó hoza alitató nene vejená losihe losive makolehe ve makolímini mognamú gakó hoza alitamó nene voko hee hee linogo ive.

¹⁷ Lá onoimóza, keí gakó gelemikoma nene, geza monó gilina vejená lo kemezo. Itó eza nene monó gele vejenalitini gakó gele ahulokikoma, aikumú gelekako eza nene mota lihimalagi ve ánihi goselé iaká nia ve loló ino.

Lo hoipa oaká itó amoaká gakó

¹⁸ ^p Neza lamaná lo likimitoze, gililo. Lekeza mikasiuka netá makokumú li hoipa ikitatamó nene Ómasímo okulumakuka ámina netakumú lo hoipa oketatimó neve. Itó lekeza netá makokumú mikasiuka li hoipa ikitamitamó nene Ómasímo okulumakukagi ámina netakumú lo hoipa oketamitamó neve.

ⁿ 18:15 Luk 17:3 ^o 18:16 Gapo 19:15 ^p 18:18 Mat 16:19; Zon 20:23

¹⁹Makó miní ameko lo likimitoze. Lekelikutí vejená makolitehe itó lositakó ahe keza netá makokumú nene ligika mili nupa iiki hamokó loló okiko Ómasiloka litáimó nene okulumakú améneho gele kiminogo ive. ²⁰Itó vejená makolitehe itó losive makolehe itó lositakó ahe keza apá makotoka neni nugulizakumú ali nupa itamó nene nénisi holúikú minanogo uve.

Lihima ahulamoaká nenémini anoza gakola

²¹^q Loko lokago, Pitá nene Izesuni amatoka mino molake láa loko loká otake limó: Guivahaníemaka, nigivéneho makolímó gamena nanakí zupa lihima netá alenimikiko ahulotatove. Gamena 7 ahe. ²²Loko lokago, Izesú láa loko lo amimó: Gamena 7 nomive. Gamena 7 ahuloto-loko vova vova noako gamena 700 loló ino. ²³Nenemú nene Ómasímuni avogisaló minoakalímuni ago helegáa lekelepizeko gakó makó litoze. Agulizaki ve napa makolímó gelekelé izegipalatini lihimáini netimoláamú ale hehe linogo gilimó. ²⁴Lihima milikitinitamó ale hehe linogo apí oko hozaváa naligo, ve makó nene aitoka alímiki amó. Aitoka lihima 10 milioni kina minamó. ²⁵Lá imóza, eza nene ámina lihima apasati moni nene ma nomimó. Lá okago nene, agulizaki ve nenémo láa loko limó: Galanava apasatikumú ezáagi itó vená izegipala izava galava itó henokanonagi nene mota vejenalite meinava hizi asú iki alikiko megusa lilí iki minatave. ²⁶Loko lokago, gelekelé izegipa nenémo voko agulizaki vemámini agisauka alapusa hizeko láa loko limó: Asene zenetoloko voko noako, neza voko mininake moni ale utó okinake apaso asú oko gimitove. ²⁷Loko lokago, eza ámina hozaló vémini agulizaki ve nenémo hozaló vevamú miluma gelemiake ahulotamó. Itó lihimalagi nene hanuva ahulotamó.

²⁸Ahulomikago, ámina gelekelé izegipama numukutí olío lemeake vike hozaló ve agivelahini makó nene moni 100 kina amunaloka emane ameneitó nenazo, ániagoake luvana aleko poló noike láa loko lo ameko limó: Geza moni gumumóma nene mukí apasoko aló nememane. ²⁹Loko lokago, agivelaho nene agisauka alapusa hizike negénegeka nolike láa loko lo amike limó: Geza asene zeneto-loko voko noako, moni alika ániogokinake apasoko gimitove. ³⁰Loko limóza, eza gele ahuloake agivelahinima nene goní omikago nagá numukú ahulitamó. Nenegú minoko lihima asú itive loko kalapusi amimó. ³¹Lá okago, keza agivelage lugáa nenete ámina suni ániagiake mulúikú golesa gelemó. Golesa giliake keza nene viki agulizaki veninima aveté iki li amemó. ³²Lá ikago, agulizaki ve nenémo ámina gelekelé izegipa nene sele lo amekago, okago, láa loko lo amimó: Gelekelé izegipa golesa neneka, geza negénegeka lako

^q 18:21 Luk 17:3-4

lako lihimaka mukí nene hanuva ahulogetumóma neve. ³³Neza geikumú miluma geleetumóma nenazo, geza ámináminoko gigivekahikumú miluma geleko lihimava nene ahulutataninazo. ³⁴Loko loake, agulizaki veva nenémo izapaló golesa molokago miluma netá aliti-liki niviko minoko lihimavala mukí apasative loko pilisí vetini kigizakú molamó. ³⁵Loko Izesú loake, miní ameko láa loko limó: Lekeza mukitó nene likigikagú likigivetikini lihima ahulikitamitamó nene, není améneho okulumakú noimó nenémo áminagó oko lekelitoka loló oleketanogo ive.

Izesú vená kimisele ahuloakakumú gakó lo kimimó

(Mak 10:1-12; Luk 16:18)

19 ¹Izesú nene gakó lo asú oake, Galilaila mikasi ahuloake Zutaia mikasiloka Zota nagamí vola helegaloka vimó. ²Novigo, vejená mukí ámegetiki vamó. Neneloka kivisi vejená nene kelémo zoka zoka oko minamó.

³Lá noigo, Palisaio monó ve lugáa aitoka ake amekú miliki láa liki lamó: Mosé lo hukoko li gajokú nene ve makolímo netá nemú manamú venala amisele ahulosá neve loko gizononimóza, nene etahe etamive. ⁴Liki likago nene, Izesú láa loko lo kimimó: Lekeza nene monokú gakó láa loko nemó nene gatiki gilinamóma lakagatí molokahe:

Gozapá Ómasímo ale utó ikú emane nene vegi venaki kelémo utó ononimóma neve.

⁵ Itó kelémo utó oake láa loko limó:

Nenemú ve makolímohe makolímohe izolahini amelahini ahulokimioko venalagi nene kugupe kigika hamokó loló okiko apiziki minatáive.

⁶Loko gakó imane limó nenazo, ve aleve keza lositá hoú liki nene minaminigasive. Hamó kugupe loló ononimó gelekave. Nenemú Ómasi nenémo kelémo apizimó nenazo vejenalita nene kelémo hotopotó oakaláa nomive. ⁷Loko lo kemekago, Palisaio monó vete láa liki lamó: Mosé nene vená kimisilinigima nene luhuva netá giziki kimiiki kimisililo loko limó nene nanamú live. ⁸Liki likago, Izesú nene láa loko limó: Mosé nene hanuvamú lamive. Lekelisi ánuvane negi nagi hiziki likigika gopa ovikumule loko vená kimisilitave loko gele likimimóma neve. Lá ononimóza, netá matá apí oko kelémo utó i gamenaló emane nene nenéminoko nomimóma nena. ⁹Nenemú nénisi nene láa loko lo nolukumuze, gililo. Ve makolímohe makolímohe nene venala mokoló netató negopa ha netakumú amisele ahulokoko haitó vená alitimó nene, lihima napa alinogo ive.

¹ 19:4 Apí 1:27, 5:2 ⁵ 19:5 Apí 2:24 ¹ 19:7 Gapo 24:1-4; Mat 5:31 ^u 19:9 Mat 5:32; 1 Koli 7:10-11

¹⁰Loko lokago, izegipala zuha leza Íi, vegi venaki nene mogona lá oko minokanazo, vená ma aleminake hanuva gohuna minatuninazo.
¹¹Loko lokuko, Izesú láa loko lo limimó: Ve vená mukilite gakó imane aleminigave. Ómasímo zámuzá kemeneimoláa kéisigó nene alitamó neve.
¹²Ve lugáa nene izóikini kagatupagutí vená alemoakalímíni utó inamó neve. Itó vejená lugáa nene gohana netá kimiká itó sihana gakó li kimiká iaká ikago hanuva miniaká niave. Itó ve lugáate Ómasímíni luhuva hutilí oko vitikumú giliake vená aleakakumú nene kezáini óe liaká niave. Makó keza nenemú nene zámuzá alinitatite gakó imane gili alitamó neve, loko limó.

Izesú izegipa komakama nónohá zeketamó
(Mak 10:13-16; Luk 18:15-17)

¹³Ámina gamenaló nene izegipa koma koma Izesutoka kilímiki vamó. Eza agizani lutoko gotóitó molonoko nónohá zeketative liki kilímiki nivago, izegipala zuha leza gahá kemehá. ¹⁴Gahá noluko, Izesú nene láa loko lo limimó: Lekeza izegipa koma nene ahulikimikalo. Nenitoka ataze. Ánémináate Ómasímíni avogisalo viakalímíni mututoni nianazo, lekeza li hoipa ikitamilo. ¹⁵Loko loake nene, agizanitunú ale nogilike nónohá zeketamó. Lá oake ámina apá ahuloake vimó.

Henonavagi ve
(Mak 10:17-31; Luk 18:18-30)

¹⁶Ve makó Izesú noitoka ake láa loko loká otake limó: Tisánemaka, neza nana netá lamaná alekinake alévolé nemetameni alitomó neve.
¹⁷Loko lokago, Izesú láa loko lo amimó: Geza netá lamanakumú nanamú loká nonetane. Lamanalímíni amelaho Ómasi hámakó noinazo, mogonáne gele hee noloko netá lamanakumú loká nonetape. Itó alévolé gemetameni alitove lokoma gapo lota gakó gele alekoko mukí ámegetozo.
¹⁸^v Loko lokago, ámina vémo gapo lota gakokutí hí gakokumú nolane loko lokago, Izesú láa loko limó: Gapo lota gakó lá oko neve: Vegená kepele helemo. Ve aleve suni ale gopa oko huko ezega emega amo. Gumina amo. Soza hakupá gakó lamo. ¹⁹^w Geza nene izokahiko amekahiko kugulizá ale otezo. Gezakamú geleaká noanimómáminoko gigivekaginimú geleko gigika kemezo. ²⁰Loko lokago, gosohá vemámo láa loko lo amimó: Ámina lo huka gakó mukí nene ámegetoaká noumóma nena. Makó hí netakumú ligitagani okuke alemuve. ²¹Loko lokago, Izesú láa loko lo amimó: Geza gigika avasavagi minative loko geleokoma, voko henonika mukí meinavaló moloko moni aleoko gohogó vejená kemekoko oko némegetozo. Lá okako, okulumakú alévolé helisa henoni nene geitoka

^v 19:18 Gá 20:13-16; Gapo 5:17-20 ^w 19:19 Gá 20:12; Gapo 5:16; Liv 19:18

ut6 inogo ive. Loko lokago, ²² gosoh6 ve nen6mo 6mina gak6 geleake henona va6 oko minam6 nenazo, gona moloko kimitohe loko agata gilitimo mulunag6 gena avisekago vim6.

²³Novigo, Izes6 nene izegipala zuha lo limike l6a loko lim6: Neza laman6 lo likimitoze, gililo. Hen6iki ve nenete okulum6 lapanat6 silipa iki ititam6 neve. ²⁴Goha mak6 lo likimitoze. Kamele iza nen6mo nakasi vov6nag6 voakal6a nene v6vani oko nomim6za, henonavagi v6mo 6mas6mini lapanat6 voakal6a nene genavagi golesa neve. ²⁵Loko lokago, leza gelekunike inin6 goha unim6. Inin6 unike lok6 otunike l6a lokoma 6aho agut6 vizekiko minoloko voko minative. ²⁶Loko lokuko, Izes6 gon6 lepele hee lonoike l6a loko lo limim6: Vegenalite nen6mini itamol6a nomim6za, 6masi nen6mo lol6 itove loko i net6 muk6 hanuva lol6 inogo ive. ²⁷Loko lokago, Pit6 l6a loko lo amim6: Gelenape. Leza muk6 net6 matate ahulokunike ge6 ge6metokune. L6 onomim6 nenazo, leza alika net6 mak6 ales6 nehe. ²⁸^x Loko lokago, Izes6 l6a loko lo limim6: Neza laman6 lo likimitoze. Alika net6 mat6 muk6 gosoh6 ut6 iti gamenal6 nene okulumakut6 lumu ve gihila neza lapan6negi noinake gizapa okimiak6 siat6 nougo, n6megetiak6 nia ve 12-a lekeza 6min6miniki lapanatiki miniki gonanalivagi si6 12-a nenel6 miniki Isilae vegenalitini mulusi 12-a gizapa ikitiki gona milikitanigave. ²⁹Ve ven6 muk6 nen6 nugulizakumule liki num6inihe it6 gouna zuhahe iz6ikinihe am66ikinihe it6 izegip6inihe m66inihe ahulatam6 nene ahulatat6mini meinava aliliki itiki alitaze. It6 minova minova oak6 kemetameni alinigave. ³⁰It6na go6 ina vegenakut6 mukilite alika milanigave. It6 alika milina vegenakut6 mukilite alika go6 inigave, loko lim6.

Vain mik6 hozal6 vem6 anoza gakola

20 ¹6mas6mini luhuva hutil6 oko vitikum6 hoza aleakal6mini meinav6a nene ham6 lelegit6 minatit6mini mogona l6 oko neve. Ve makol6mini mikasi napa minam6 nen6mo netek6 holug6 otekoko vain minag6 hoza alitave loko hozal6 vem6 vitag6 oko vim6. ²Vike hozal6 vete aliak6 am6m6miniki gamena hamot6 nene 1 kina alitave loko lokago gili amikago vain minag6 kimiselekago hoza alitam6. ³Hoza nalego, netek6 ho itekago 9 kilokumal6 nene vike 6nigam6 nene maketiloka ve mak6 hanuva niago 6nigam6. ⁴6nigoake lekezagi nene vain mik6 hoza alitam6 nene moni nene hoza alita avotigila oko likiminogo uve. ⁵Loko lokago, keza nene viki hoza alem6. Holisakaki it6 6nakaki 3 kilokumagi voko 6nigam6 nene 6min6minig6 im6. ⁶6nak6 5 kilokul6 nene maketiloka voko 6nigam6 nene ve mak6 lug6a nene hanuva otinago 6nigam6. 6nigoake lekeza netek6 6nak6 imane gamenal6 nana okago

^x 19:28 Mat 25:31; Luk 22:30

hanuva otinave. ⁷Loko lokago, ve makol0mo hoza lememive, liki likago, eza l0a loko lo kimim0: Lekezagi nen0 vain mik0 viki hoza alilo.

⁸^y Loko loake 0nak0 molokago, vain mini amelaho nene hozal0 gizapa veva l0a loko lo amike lim0: Hozal0 ve sele lo kemekako, ikiko, meinav0a kemezo. Alika hozal0 a ve nene moni kemeloko novoko go0 iki iki hoza alemol0a nene keme lutegezo. ⁹Loko lokago, gele amekago, 0nak0 5 kilokul0 hoza ale vema nene 1 kina alikago, ¹⁰keza go0 iki hoza ale ve nene meinava napa alitupe liki gelem0za, ma nomim0. Kezagi nene 1 kinas0 alimi vam0. ¹¹Naleke vain mini amelahini nene gah0 amiki ¹²l0a liki lam0: Keza alika a ve nene hoza gamena koma alet0 meinava kezagi hamol0minokog0 lemekane. L0 onoim0za, leza nene genavagi hoza ho napa lat0 it0 h0mo lugupel0 lake govisi lipiligo miluma geleko alekunim0mave. ¹³Liki likago, mini amelaho nene ke0 hol0iikut0 ve mak0 l0a loko lo amim0: Nigiv0nega, neza gel0mo golesa amuve. Leza ligika molo ham0 okusike 1 kina alitane loko lokusim0ma neve. ¹⁴Geza meinavaka alekoko vozo. Meina gumum0 nene hamol0minokog0 alika a ve nene kimitove loko gelenouve. ¹⁵Nana onoive. Neza 0mina mon0netun0 net0 mak0 lol0 itove loko gelenoum0za, nene ma akohenamihe. Neza net0 laman0 alegetum0za, geza nenem0 gelekako golesa onoihe, loko mini amelaho lim0. ¹⁶^z Loko Izes0 loake min0 ameko l0a loko lim0: 0min0miniki it0nasa alika milina vege n0 nene alika go0 inigave. It0 it0nasa go0 ina vege nakut0 mukilite alika milanigave, loko lim0.

Izes0 ez0a alika hilitikum0 gak0 ligo losive makole im0
(*Mak 10:32-34; Luk 18:31-34*)

¹⁷Izesugegi nene Zelusale numutoka tivinigi niake gapol0 nivake izegipala zuha 12-a nene lel0mo apaz0 zeake l0a loko lo limike lim0: ¹⁸Gililo. It0na nene Zelusalega notune. Nenel0 okulumakut0 lumu ve gihila nen0 nene guguni gizia k0 ve napagi it0 mon0 mogona ap0 ikimiak0 a vegi ke0 kigizak0 milikiko, nenel0 gon0 initiki nipili hilita gak0 li hukanigave. ¹⁹L0 iiki, hetoka vetini kigizak0 nil0mi milikiko, gopoguka linitiki segi nogosanitun0 nipiliiki zohota zal0 nipili hilinigave. L0 ikiko, gamena losive makole minokinake goha otinogo uve, loko lim0.

Zemusiko Zoniko lok0 itasi net0
(*Mak 10:35-45*)

²⁰Gamena nene zupa Zepetaioni venala nen0mo gipala losit0 nene Izesutoka kel0moko vike gup0 ze amike net0 makokum0 gele nimitane loko nouve, loko lim0. ²¹Loko lokago, Izes0 nene nanetakum0 givisekago

^y 20:8 Liv 19:13; Gapo 24:15 ^z 20:16 Mat 19:30; Mak 10:31; Luk 13:30

nolane. Loko lokago, eza láa loko limó: Gele nemekako, gugulizaki ve napa loló okako geí gizapaló nene gipáne losi imane nene gonanalivagi siat0 gigilika luga luga minatáive loko noluve. ²²Loko lokago Izesú nene ámina ve lositá láa loko lo kimimó: Lekeza loká initasi netalímuni mogona gili gopa ikasike nilasive. Nénisi nene ekesá netá natomó nene lekelisi nene áminagutí hanuva natáimó nehe. Loko lokago, keza nana ive. Hanuva natíimóma nena. ²³Liki likasigo Izesú láa loko lo kimimó: Ekesá netá natomó nene lamaná lekezagi natáimóza, není nigilika luga luga minoakaláa není netá nego likimitohe. Améneho ale vavá oketa vegegalitini siakumú nilasive.

²⁴Loko lokago, izegipala zuha lugáa 10-a leza ámina gakó gelekunike ligiveteginimú mukahá kepelekuko, ²⁵^a Izesú nene sele lo limike láa loko limó: Mikasigú kugulizaki ve keza mukí nene gelekelé izegipáini nene kagahaisiuka limitigí iki niago gizapa ikimiaká niave. Itó guivahani keza nene vegeá ámemenáa kiviligiki miniaká niave. Nene lekeza mota gilinamóza, ²⁶^b lekelitoka nene lá oko minamitize. Lekelitokatí makó nenémo nugulizaki ve minatove loko nolokoma hanuva lemetigí oko gelekelé oleketoko minative. ²⁷Itó vegeá mukí kivilegeko minatove loko nolokoma lemeko lekelf megusa izegipa loló oleketanogo ive. ²⁸Okulumakutí lumu ve gihila nénisi nene lekeza gelekelé initatave loko lememuve. Vegeá mukitoka gelekelé oketoko meina hizeko gologí oketatove loko minoko aleko nugupe ahulanogo lumumóma neve, loko limó.

Izesú kogómula lika ve lositá ale goloutoketamó

(Mak 10:46-52; Luk 18:35-43)

²⁹Izesuki makó vunike Zeliko apá ahulunimó. Ahulokunike novuko, vegeá mukí nenete sii sii liki lémegetiki vamó. ³⁰Lá niago nene, ve lositá kogómualaló alimó nenetosa gapoló minasike, Izesú noave liki nilago gilikasike, Izesuni gamoga giki sele lasike láa liki lasimó: Guivahani geza agulizaki ve Tevitini agávolagamaka gologí oletatane loko lo mololeta vetemaka, lelikumú milumate geleetamane. ³¹Liki nilasigo, vegeá mukí nenete legesó iki minatáive liki gahá kememó. Lá amóza, keza gili ahulikasike pigi viziki sele lasike láa liki lasimó: Guivahani geza Tevitini agávolagamaka, lelikumú milumate geleetamane. ³²Liki nilasigo, Izesú nene vike gapoló noike sele lo kemekago, ikasigo láa loko limó: Lekeza nana netá aleketatokumú nilasive. ³³Loko lokago, logómula imane ale panava zeletatane loko nolusive. ³⁴Liki likasigo, Izesú nene milumaváini gelekimiake kogómualaló ale nogiligo, ámina gamenaló kogómula goloutokago ánikikasike Izesuni ámegetiki vasimó.

^a 20:25 Luk 22:25-26 ^b 20:26 Mat 23:11; Mak 9:35

Sigaga litanigi ago Izesú Zelusalega vimó
(*Mak 11:1-11; Luk 19:28-40; Zon 12:12-19*)

21 ¹Lá okago, keza vake Zelusale apá ali alitiake Petepage numutoka Olivi agoka agisauka nene vi anitemó. Neneloka vi anitiake, Izesú nene izegipala zuhagutí ve lositá nokimisilike ²láa loko limó: Lekeza viki helegaloka apá komaló vi anitiiki nene, toki iza izolahiko gipalago nene nagá zikitinamó nene ániigiiki vinasiki imaneló kilímiki alizo. ³Itó vinasiki aliki nisiko nene, ve makolímó loká noleketikoma Guivahanitémo hoza nego imane izamú lokago nousive liki lilizo. Láa likisiko litá oko gele lekemekiko vinasiki aliki anigasive. ⁴Loko lokago, vasimó nene hanuva lá amasimó. Ómasímini agepagutí gakó loaká ve makolímó anoza gakó luhuva gizamó nene haha okative loko lá asimó. ⁵^c Nene láa loko luhuva gizamóma neve:

Zaion agokaló vejená láa liki li kimilo: Gilinahe. Agulizaki velini nenémo lekelitoka novive. Eza lemetigí oko noike nene toki izámini amupiló iteake noave. Toki izámini akaleva nenémo agohí gigo húane novive.

⁶Itó izegipala zuhamate keza vasike Izesú li gakó nene gili alikasike, ⁷toki iza izolahiko gipalago nene kilímiki asimó. Kilímiki ikasike nene, luhoaká góini nene gololohá ikasike toki iza amegesamaló milikasigo, Izesú neneló iteko minamó. ⁸Noigo, mukí vejená nenete góini nene gololohá iake gapogú nene avilisá itamó. Itó lugáa nenete kokonasí agila letiake gapogú nene avilisá itiliki vamó. ⁹^d Lá niago, vejená mukí goí iká alika miliká amó nenete gakó napagutí láa liki lamó: Agae, Tevitini agávolagamaka, gegepoka litune. Guivahanitémini gakotó anitelimikane. Ómasímo lusa gegetative. Agae, veletoka okulumakú Ómasi agepoka litune. ¹⁰Liki likago, Zelusalega ite anitekago, apá amelage keza nene mulúini itimó. Mulúini iteko séna gekago nene, éaho noago nilave liki likago, ¹¹Ómasímini agepagutí gakó loaká ve Izesúma Galilaia mikasigutí Nasalete numutotí ve nene noave, liki lamó.

Monó zagusavemú lo hukoketamó
(*Mak 11:15-19; Luk 19:45-48; Zon 2:13-22*)

¹²Izesú nene vike monó zagusave napagú nene iteko ániagoake, áminagú moni meina kona ali volaló imaló a vejenáma kimisele ahuloake, haitó mikasigutí moniló ámina mikasigú moni kimiaká a vetini holoma aleko gululupa soake, itó Ómasímini guguni gizi aminigi nama luhusi miliaká a vegenalitini holoma aleko gululupa soake, ¹³^e láa loko lo kimimó: Ómasímo li gakó makó nene monó gotolaú láa liki luhuva

^c 21:5 Zak 9:9 ^d 21:9 Age 118:26 ^e 21:13 Isa 56:7; Zel 7:11

gizinaomoma neve: Není numunimú nene Ómasiloka loaká numunive liki litave liki luhuva gizinaomoma neve. Láa onoimóza, lekeza nene alími maketi numuni lilí inamó nene guminaló vete halá giki miniaká geha mulí lilí ikamó geleaká noive, loko limó.

¹⁴Lá oko monó zagusaveú noigo, vegená kogómula likamó itó kigisa kigizató alimó nene aitoka ikago kelémo lamaná oko minamó. ¹⁵Lá noigo guguni giziaaká a ve napa itó monó mogona apí ikimiaká ve nene golivagi netá oko moloko imó nene ániagiake, itó izegipa koma nenete monó zagusaveú minake gopaga lake sigaga sagaga litiki, Tevitini agávohove gegepoka litune liki nilago giliake, kizapaló molokago, ^{16f}gakó nilamó nene gelemape liki likago, Izesú láa loko lo kimimó: Imane vegenalite sigaga nilinitamó nene gelenoumóza, lekeza nene monó gotolaú gakó makó lá oko nemó nene gatinamóza, lakagatí molahe:

Geza lokako namuni keza aminí ninamó nenete sigaga ligitiki gegepoka linigave.

¹⁷Láa loko lo kemeake, Zelusalega ahuloake Petania numutoka vike límugusi zekago neneloka akamó.

Gohuna za usí vizimó
(Mak 11:12-14,20-24)

¹⁸Akoake gó lokago, neteká Izesú nene nene Zelusalega goha novike gaúna olamó. ¹⁹Gaúna olokago, gohuna za makó nene gapo gohalaló nego ániagoake mogonagú noike gihila zeneihe loko ániagamó. Ániagamó nene agilagó minokago ániagoake gohuna za nene láa loko lo amimó: Geza nene gihila makó zemoko gohuna loloko voko minataniize. Loko noli agepagi ámina za nene osagava vizimó. ²⁰Osagava vizekago, izegipala zuha leza áni gokunike sigaga loko za imane nana okago litá oko osagava vizive. ²¹ Loko lokuko, Izesú nene láa loko lo limimó: Neza lamaná lo likimitoze, gililo. Lekeza nene lakagata losi gelemilo. Gili alévolé iki minatamó nene imane gohuna zamú lumó nenéminiki lekeza alika lilí inigave. Itó nenegó nomive. Lekelisi gili alévolé iminiki agoka makó nene vozane agoka litá oko zeko akutooko age nagamikú holamane liki litamó nene gaktotini gele alitimó neve. ²²Itó Ómasiloka netá makokumú voká linigi nene, gili alévolé inikigó litamó nene ámina netá alinigave, loko limó.

Zámuzamú Izesuni loká itamó
(Mak 11:27-33; Luk 20:1-8)

²³Lá oake nene vike monó zagusaveú goha itike monó lo kemeko minamó. Lo kemeko noigo, guguni giziaaká ve napa itó monó gizapa ve keza Izesutoka ake gimivagú miliki láa liki lamó: Geza imaneloka netá

^f 21:16 Age 8:2 ^g 21:21 Mat 17:20; 1 Koli 13:2

matá azozá alenimó nene éahini gakotó alene. Itó éaho lokago alenimó neve. ²⁴Liki likago, Izesú nene láa loko lo kimimó: Nezagi gakó makó loká oleketatoze. Li nimikiko nénisi nene éahini gakotó imane netá lá oaká nouhe nenéa nene lo likimitove. ²⁵Zoní nene monó nagamí holokimiaká hoza alimó nene hikutí ale utó ive. Ómasímini gakotó alihe itó mikasiuka vegealitiní gakotó alimó neve. Loko loká okimikago kezáitoka ligili hagili niake ámina gakotó nana oko ale viligoko lo amitune liki gelemó nene gopa okago, láa liki gelemó: Leza Ómasímini gakotó ale utó imole losá nene, eé, lekeza nanamú aí gakó nene gili alévolé amave, loko linogo inae. ²⁶Itó vegená mukí nenete Zonikumú nene Ómasímini agepagutí gakó loaká veve liki linamóma nenazo, hanuva vegealitikutí ámina hoza ale utó imole losá nene vegealite nana ilitatahe loko lehelele vizekave. ²⁷Liki kezáitoka liake láa liki lamó: Zonini mogona ma gelemune. Liki likago, Izesú láa loko lo kimimó: Láa likima neza netá matá imane aleaká noumó nene, éahini gakotó lá oaká nouhe nenegi ámina oko lo lekememinogo uve.

Gipa lositalitini anoza gakola

²⁸Gakó makó láa loko lo likimitoze, giliki ánigalo. Ve makolímini gipala lositá minasimó. Améipo nene ganá gipala nene láa loko lo amimó: Geza gipánemaka, itínasa nene voko vain mikú nene hoza alezo. ²⁹Loko lokago eza alemitove loko loake alika nene genezala ale viligoake gopa voko alimó. ³⁰Lá okago, alika gipala nenémo amelaho nene ámina gakokó lo amekago, alitove loko loake vike hoza alemoko zozozogo vizeko minamó. ³¹Itó lekeza nene amelahini gakó éaho gele alimole liki nigeleve. Loko lokago, keza ganá gipala nenémo gele amimole. Liki likago, Izesú nene láa loko lo kimimó: Neza lamaná lo likimitoze, gililo. Takisi moni aliaká vema lekeza ánigi goselé iaká nia vegi itó gapoló vená keza nene Ómasímini avogisaló nene goí i likimiki vinigave. ^{32^h}Zoní lekelitoka aniteko hehe loko minoaká gapo nene lekelepizekago, lekeza nene monolagi gili ahulikamóma neve. Gili ahulikago, takisi aliaká a vegi itó gapoló venaki nene iki Zonini gakola nene gili alévolé ikamóma nemóza, lekelisi nene aí monó gili alévolé amake likigika ali viligamamóma neve.

Vain nagá minimú anoza gakó

(Mak 12:1-12; Luk 20:9-19)

^{33ⁱ}Loko Izesú loake makó láa loko limó: Neza anoza gakó makó litoze, gililo. Ve makó nenémo mikasiva napa minokago, makotoka vain nagá zuhá o asú oake vego vego oko geisa hize asú oake, gihila mí zeko liliká ziti gale

^h 21:32 Luk 3:12, 7:29-30 ⁱ 21:33 Isa 5:1-2

legeake, gizapa numuni hána geake, gizapa iki niko meinava likimitove loake vejená makó nene gutá kemeake, mikasi makotoka venoni vimó. ³⁴Voko noigo, gihiláa guzá loaká gamena alitokago, gihiláa makó alinitiki atave loko agulizaki ve nenémo gelekelé izegipala nene kimisilimó. ³⁵Kimiselekago, vi anitikago, mitó gizapa iki mina ve nenete kigizató aliake, makó nene kigizanitunú apelemó, makó nene apili helemó, makó nene gehanitunú apelemó. Lá ikago, gelekelé izegipa makolite viki agulizaki véinima avetó iki li amemó. ³⁶Li amikago, geleake, gelekelé izegipa mukí goha kimiselekago vamó nene ámináminiki kimisiliki kepelemó. ³⁷Kimisilikago, vikago nene, agulizaki ve nenémo lá ikave loko ahulamike gipala hámakó nene láa loko geleake amisilimó: Není gipa gihila imane amiselekugo, agulizaki vemámini gipalama okaze liki ángiiki nene alími lamaná itamole, loko geleneike amiselekago nene, vo anitekago, ³⁸mitó gizapa ve keza ángiiake kezáitoka láa liki ligili hagili amó: Imanémo nene mikasi amelahini gipala noinazo, minokoko imane hoza nene ale lá inogo ive. Nenemú nene lélisi apele helekuko helisa henoni nene lelí loló itive, ³⁹liake nene agizató aliake vain mikutí nene ahelú iliki vake apili helemó. Lá ikamó nenazo, ⁴⁰nenemú nene mini amelaho aniteoko nagá mini gizapa ve nene nana oketatimó neve. ⁴¹Loko Izesú nene loká okago, keza láa liki li amemó: Áisi lamaná ámina ve golesa kepele gesá itimóma nena. Itó vain mini nene haitó gizapa ve gutá kemekiko, keza nene guzá lati gamenaló nene gihiláa gona miliki amitave. ^{42j}Liki likago, Izesú nene láa loko miní ameko lo kimimó: Monó gotolaú gakó makó lá oko neve:

Numuni giaká vete gehani napa makó ángi ahulamó nenémo geha lapusa alévoleláa loló oake noive. Ámina netá nene Guivahanímini gakotó utó okaze. Vegená neneta ángiokuko nene lamaná okave.

Liki luhuva gizina gakó nene lekeza gatinamóza, lakagatí molahe.

⁴³⁻⁴⁴Nenemú lo likimitoze, gililo: Ómasímini gizapa olikimiakalímini lusa nene Zuta ve lekelitotí ipá okoko haitó vejená kiminogo ive. Lá okiko lusámini gihiláa ámina vejenalite ali utó inigave, loko lo kimimó.

⁴⁵Ámina anoza gakó nene lo asú oko lokago, guguni giziaká ve napa itó Palisaio monó vema keza giliake láa liki lamó: Agae, anoza gakokutí gehanimú limó nene Izesuni ángi ahulunikumú lokave, liki giliake nene ⁴⁶agizató alekinake nagá amitune liki lamóza, Izesukumú nene vejená mukilite Ómasímini agepagutí gakó loaká veve liki likamó nenazo, vejenalite lipilikatave liki kelegesá legekago ahulamó.

Vená ale kemeaká nosakumú anoza gakó

(Luk 14:15-24)

22

¹Izesú goha miní ameko anoza gakó láa loko limó:

²Okulumalímini lapanalímini mututoni lilí itakumú nene

^j 21:42 Age 118:22-23

agulizaki ve makolimo netá matá oko moloko imó neneloka lo moloko aveté oko lo likimitoze, gililo. Agulizaki ve makolimo gipalaló vená alemo molanogo noiike nosánetá ale vavá imó. ³Ale vavá noiike gelekelé izegipala kimiselekago, goí oko alesa molo kimi vejená nene iki nosánetá natave liki viki li kememó. Li kimikago, keza nene amánapa ikago, ⁴gelekelé izegipalama goha nokimisilike láa loko limó: Neza alesa molo kumu vejená nene viki láa liki li kimilo: Nosánetá nene mota ale vavá okaze. Pulumaká iza gehato minamoláama itó nosánetá haitopaitolímuni nene mota ale vavá okave. Lekeza vená ale kemeaká nosató nene alo. ⁵Loko lokago, keza gelekelé izegipa nenete viki ámina gako li kememóza, keza gilikago goselé kipilimó. Gili ahuliake ha-gelegele amó. Makó nene míniuka vamó. Itó makó lugáa nene hozagazanikú vamó. ⁶Itó lugáa nenete agulizaki vemámini gelekelé izegipa nene kigizató alinake ali golesa iki kepelemó. Makó lugáa nene kipili helemó. ⁷Lá ikago, eza agulizaki ve nenémo gele golesa oake, izapaló golesa molokago, pilisi veva kimiselekago, vake ámina gelekelé izegipala kipili hele vejenáma kipili gesá iake numuni apáini nene vitú vitú iki ali golesa amó. ⁸Lá ikago, agulizaki ve nenémo gelekelé izegipalama láa loko lo kimike limó: Vená ale kemeaká nosá nene mota ale vavá okumóza, alesa molo kumu vejenalítini kemetameni nenémo ámina nosá nata avotigila oko minamive. ⁹Nenemú lekeza gapo izana koma komagú viki vejená nánigikima alesa mili kimikiko vená ale kemeakató nosá ale vavá uhá nene iki natave. ¹⁰Loko lo kemekago, gelekelé izegipama nene viki gapo koma komagú mihina ake vejená vóvotiki golesa lamaná mukí nene kilímiki ake nosá ale vavá i numukú nene iki vaí i lamaná amó.

¹¹Vejená mukí iki niago, agulizaki ve nenémo ánigoketanogo itimó. Itike ve makó ánigamó nene vená ali keme gamenámini luhiaká nia gó lamaná luhamike noigo, ánigoake, ¹²agulizaki vémo láa loko lo amimó: Nigivénega, nana okago vená ali kiminigi niamómámini luhoaká gó luhamanike imanegú iteko noane. Loko ligo, eza gako litimoláa nomimó. ¹³^k Lá okago, agulizaki ve nenémo gelekelé izegipalama láa loko lo kimimó: Lekeza agisa agizató nagá aliiki ali hetó iiki límugusi apakú ahulimikiko lemeko minino. Neneló minoko ive nama oko miluma maluma geleko agepa atalá oko minanogo ive. ¹⁴Loko Izesú lo kemeake makó láa loko limó: Ómasímo vejená mukí alesa molo kemeneimóza, vejená lughakó kelémo etó okago itiaká niave.

Lugupe meina hizeaká gako
(*Mak 12:13-17; Luk 20:20-26*)

¹⁵Izesú láa loko lo kemekago, Palisaio monó ve keza vake láa liki lamó: Nana gakotunú gelehusi gekuko nenegú apilitive. Liake nene gako

^k 22:13 Mat 8:12, 25:30; Luk 13:28

gona giziki minake, ¹⁶kezáini izegipáini zuhagutí itó Heloteni izegipala zuhagutí lugáa nene kimisilikago, Izesú noitoka viake láa liki li amemô: Tisalemaka, geí mogonaka gelenoune. Geza gakó gihilagó loaká noane. Gakó lamanakó lanike vejená Ómasímini gapováa vevesoko kelepizeaká noane. Vegenakumú gonukonú osá amane. Vegená iti minamó limi minamó mukí nene lelegí okogó lainim-okimiaká noane. ¹⁷Lá onoinazo, geza hanuva lo limitanize. Nanave loko nogelene. Loma gamanímini agulizaki ve napa Sisani nene takisi moni ameká nounimó nene etahe etamive. ¹⁸Liki lamó nene amemitune loko lokikoma gamaniloka alémoko voko goní otatune. Itó hanuva amitune loko lokikoma Zuta vegenalite gili golesa itave loko Izesú nene keí gakoínímini mogona golesa hanuva geleake, láa loko lo kimimó: Genezatini lositaki neneta, nanamú giminegú milanigi nilave. ¹⁹Takisi monigutí makó nelepipizo. Loko lokago, moni makó aliki aitoka vamó. ²⁰Vikago, loká oketake vogunahana imanegi itó imane luhuvagi nene éahini neve. ²¹Loko loká okimikago, keza gamanímini agulizaki ve napa Sisanive liki lamó. Liki likago eza nene láa likima nene gamanímo voká loaká noi netá nene gamani amilo. Itó Ómasímo voká loaká noi netá nene Ómasi amilo. ²²Loko lokago, keza nene gakó giliake sigaga limiake ahulimiake vamó.

Hilinitakutí otiakakumú loká itamó

(Mak 12:18-27; Luk 20:27-40)

²³^l Ámina gamenaló Satukaio monó vejená lugáa Izesutoka amó. Keza vejená hilinakutí otisá amave liki liaká a vejená nene Izesú noitoka ake, ²⁴^m láa liki lamó: Tisalemaka, Mosé láa loko limó: Ve makó izegipala getamoko minoko helekikoma agunalámo ámina gevoná vená nene alekoko uvolaho hili vemú izegipala geto molative. ²⁵Láa lokamó nenazo, gozapá uvolaho agunala 7-a nene lelitoka minamó. Lá iki minake, ganá ve nenémo vená aleake, izegipa getamike helekago, agunala nenémo ámina vená alimó. ²⁶Alekago ámina sunímo utó o amekago, lá imi imi vake vake keza ve 7-a nene ámináminigó amó. ²⁷Keza hili asú ikago, venáini nene alika hilimó. ²⁸Ámina ve 7-a nenete aí vanagó minikamó nenazo, nenemú hilinakutí goha otita gamena nene ámina venáma éahini venala loló itimó neve.

²⁹Liki galegutí oteaká gakokumú amé ziki giza itanigi likago, Izesú nene konotó aleko láa loko limó: Lekeza monó gotolaú gakó makó nemóma nene gatinamóza, mogonáa gelemake itó Ómasímo galegutí kelémo oteaká zámuzamú nene ma gelemake gili gopa iki nilahe. ³⁰Keza hele vejená otita gamena nene vená aleakaláa nene nomive. Itó vená aleme kemeakaláa nomive. Okulumakú ageló nenéminiki

^l 22:23 Apo 23:8 ^m 22:24 Gapo 25:5

gohuna minanigave. ³¹Lá onoimóza, hele vejená goha otitakumú nene gohakú loká oleketatoze. Lekeza imane gakó Ómasímo lo likimimó nene gatinamóza, mogonáa gilinamahe. Emaneloka miniliki ite vemú láa loko lonoimóma neve: ³²ⁿ Neza Avalahani Isakani itó Zakoponi Ómasi minutímína mino loko voko nominuve. Láa loko limó nenazo, nenemú kemeni helenei vejenalitini Ómasi negopa, kemenía hanuva ne vejenalitini Ómasi noinazo, Ómasimú gili zaginake hele vejenaki hanuva mina vejenalitini Ómasi noive. ³³Loko lokago, vejená mukí keza gakoláa lo kimikumú nene sigaga sagaga lake agae, vatí oko ale viligoko lo kimive, liki lamó.

Li mila gakokutí napáa
(*Mak 12:28-34; Luk 10:25-28*)

³⁴Izesú nene gakotunú Satukaio monó vetini kegepa ze letoko lokago, Palisaio monó ve keza nene gakó nigeleke aitoka iki alegesá iake, ³⁵keí holúikutí ve makó gakó mogona geleaká i ve nenémo Izesuni amekú molanogo láa loko limó: ³⁶Tisalemaka, Mosé lo hukoko li gakokutí nene hilímo kivilegeko napa neve. ³⁷^o Loko lokago, Izesú láa loko lo ameko limó: Gigika itó gemeni itó geleakaka mukí nene Guivahani geí Ómasi lehizetozo. ³⁸Nene gakó nenémo napa iteko neve. ³⁹^p Itó napa otigí nenémo hamolímínigó oko nemó nene lá oko neve: Gezacamú geleaká noanimómáminoko gígivekagimimú geleko gigika kemezo. ⁴⁰Ámina lo hukoko li gakó losi nenémo Mosé lo mola gakó itó Ómasímíni agepagutí gakó liaká a vete li mila gakolímíni gotoláa loló onoive, loko limó.

Gologí oketative loko lo moloketa vemú loká oketamó
(*Mak 12:35-37; Luk 20:41-44*)

⁴¹Itó Palisaio monó ve keza alegesá iki niago, Izesú loká oketake láa loko limó: ⁴²Lekeza Ómasímo gologí oleketative loko lo mololeketa vemamú nanave liki nigeleve. Éahini agávolaho noitive. Loko lokago, keza agulizaki ve napate Tevitini agávolahove. ⁴³Liki likago, eza láa loko lo kimimó: Láa likima Sikalahulímo nanamú Tevitini alémo vávani okago Tevití nene ámina vemú nene Guivahaníneve loko live. Tevití láa loko limó neve:

⁴⁴^a Mezaú ve nenémo není Guivahani nene není nigizani zamagaloka mino-loko voko noako, gala vega nene geí gigisa lapuvauka ahuloketanogo uve loko lo amimóma neve.

⁴⁵Tevití nene gologí oleketative loko lo mololeketa vemú nene Guivahaníne ve loko limó nenazo, ámina ve nenémo nana igo Tevitini agávolahogó noitive. ⁴⁶Tevitini agapilamola noitimóza, Tevitini ve napagi

ⁿ 22:32 Gá 3:6 ^o 22:37 Gapo 6:5 ^p 22:39 Liv 19:18 ^a 22:44 Age 110:1

nene noitive. Loko lokago, ve makolite Izesuni anotó aliki li amemitamó onoive. Keza ámina gamenámini veletó nene gakó makó loká itatakumú gelego gena okago, gimivagú miliki loká itamisá amó.

Monó mogona apí ikimiaká a vemuki Palisaio monó vemuki alévolé oko lo hukonoimole

(Mak 12:38-39; Luk 11:43-46; 20:45-46)

23 ¹Izesú koma nominake izegipala zuhagi itó vejená mukiki gakó lo limike láa loko limó: ²Keza monó mogona apí ikimiaká vegi itó Palisaio monó vegi Moseni akilí ali hitinake lo mola gakó mukí apí ilikimiaká niave. ³Lá inake gakó mukí li likimiaká niave. Nene giliki ámina gakotó ámegetalo. Lá onoimóza, keza iki miliki nia kemetameni nene lekezagi lá amilo. Keza gakó mukí liaká niamóza, kezáini nene ámina gakó ma ámegetisá amave. ⁴Mosé lo mola gakó nenémo genavagi loló okago vetini kigínagú gihikimikago, gihinago, kezáini nene ámina genavagi netá ma kigizani hisúinitunú kilími vatí itigí iki ma alisá amave. ⁵ Netá mukí aliaká niamó nene vejenalite ániagi kumu hilitive lokogó neve. Monó gotola pepa nene pokisi komagú miliake golihító miliake nagá ziaká niave. Itó kigizatoki ámina iaká niave. Luhiaká gó napaló nene gonanalisivagi luhuva hána miní amiki akotiake luhiaká niave. ⁶Lá inake nosánetá napa ninató nene agepaló siakumukó giliaká niave. Itó monó numukú numukú nene kovogisalo minoaká holomamú kumu heleaká noive. ⁷Itó vejenalite maketiloka geké lilitatave likigó, itó Tisale liki lilitatave likigó giliaká niave. ⁸Lá onoimóza, vejenalite lekelikumú Tisale liki li likiminigi niko gili kememilo. Ómasi hamokó nene lekélí tisá noigo, lekeza áf izegipala niake hamó lelegitó niave. ⁹Imane mikasiuka ve makokumú nene ametehove liki lamilo. Ametipo hámakó okulumakú noive. ¹⁰ Itó lekelikumú nene lukugulizaki veve liki li likimikatave loko noluve. Lekelí guivahani hamó nene Ómasímo gologí oleketative loko lo mololeketa ve nove. ¹¹Ve makolímo ve napatini loló itove lokoma nene hanuva lemetigí oko gelekelé oleketoko minative. ¹² ^t Lekelikutí ve makolímohe makolímohe ezáa agulizala ale otitimó nene, ezáa agulizala liminogo ive. Itó ve makolímo ezáa agulizala aleko lemeko molatimó nene, Ómasímo agulizala ale napa inogo ive.

Genezáini losigi minakumú gakó lo hukoko limó

(Mak 12:40; Luk 11:39-42,44,52; 20:47)

¹³⁻¹⁴Lekeza Palisaio monó ve itó monó mogona apí ikimiaká nia ve ehe tináneve. Lekeza genezatini losigi niamó neneta Ómasímini lapanató

^r 23:5 Mat 6:1; Gapo 6:8; Nam 15:38 ^s 23:10 Mat 20:26-27; Mak 9:35, 10:43-44; Luk 22:26 ^t 23:12 Luk 14:11, 18:14

voaká gapo nene vegeñalitini kovogisalo hizi lí iaká niave. Lekezatini áminagú itisá amave. Itó vegeñá makó itinigi niago, hanuva itikatave liki áñigi ahulikitisá amave.

¹⁵Lekeza monó mogona apí ikimiaká vegi itó Palisaio monó ve lekezagi genezatini losigi neneta, ehe tináneve. Lekeza age nagamitokagi itó mikasiukagi mihina niake vegeñá makó lekeli izegipatini zuha lilí itave liki kilími miliaká niave. Izegipatini zuha lilí ikago, lekezatini míni iki kilími miluma apakú miliaká niago, kéisi likivilegetigí iki meinímini mututoni lilí iaká niave.

¹⁶Lekeza kigikámini agómula likonoiti vema gapo kelepipizini niamó neneta, lekeza ehe tináneve. Lekeza nene makolímohé makolímohé monó zagusave agulizá oko agizani iteko litimó nene nagamí pizekikoma ha netá nemóza, makolímó monó zagusaveú goli gehani agulizá oko agizani ale oteko litimó nene nagamí pizemoko litímini inogo ive liki liaká niave.

¹⁷Lekeza negi nagi likigikámini agómula likamó neneta, nana netalímó iteko neve. Goli gehani iteko nehe itó goli gehani ale etó oko moloaká monó numuni nenémó iteko neve. ¹⁸Itó ve makolímohé makolímohé guguni gizoaká ita veletó neti netá agulizá oko agizani noiteko litimó nene nagamí pizekikoma ha netá nemóza, ita amupiló neti netá agulizá oko agizani noiteko litimó nene nagamí pizemoko litímini inogo ive liki liaká niave. ¹⁹Lekeza likigikámini agómula lika ve neneta, guguni gizoaká nenémó iteko nehe, itó guguni ale etó oko moloaká ita nenémó iteko neve. ²⁰Nenemú ve makolímó guguni gizoaká italo agulizá oko agizani noiteko litimó nenémó ita veletó neti netaki agulizá oko agizani noiteko litimó geleká noive. ²¹Itó ve makolímohé makolímohé monó zagusave agulizá oko agizani noiteko litimó nenémó monó zagusavegi monó zagusaveú minoko oaká noi Ómasigi kugulizá oko agizani noiteko litimó geleká noive. ²²^u Ve makolímohé makolímohé okulumá agulizá oko agizani iteko litimó nene, Ómasi minoaká noi holomagi holomaló minoaká noi Ómasigi kugulizá oko litimó geleká noive.

²³^v Lekeza monó mogona apí ikimiaká vegi itó Palisaio monó vegi ehe tináneve. Lekeza genezatini losigi vese, mikú noguni mupanuha itó za silogehenigitana oko anuva oaká netá haitopaitolímini nene aliake netá 10 10 minakutí hamopamó nene Ómasíminive liki amiaká niave. Lá iaká niamóza, lo huka gakokutí iteko minamoláa napa nene hehe loko minoko vegeñá gona moloaká itó likigika hize kemeaká itó Ómasimú gele alévolé oaká netá nene ahulikave. Netá matá 10 10 nekutí hamopamó Ómasi ameká netá nene ahuloakaláa nomimóza, nolu netá napa nenegi hanuva loló oaká netá neve. ²⁴Lekeza kigikámini agómula likonoi vema gapo kelepipizini niamó neneta, netá koma likigika ale gopa amoaká netá nene

^u 23:22 Isa 66:1; Mat 5:34 ^v 23:23 Liv 27:30

gizaká iki ali ahuliake lekelémo gopa oaká netá napa nene hanuva gopa niki mikilí iaká niave.

²⁵Lekeza monó gako apí ikimiaká nia vegi Palisaio monó vegi, lekeza ehe tináneve. Lekeza genezatini losigi nego nagamí goni itó lape hetoláa nagamí zinake agikáagú nene guminaló suni itó lukugupémo ángo amu hili netá nene goni vizi vaí iaká niave. ²⁶Palisaio monó ve gigikámini agómula likonoimó neneka, geza gigikaka nagamí zeko ale guni onako hetokagi nene guluvitanogo ive.

²⁷^w Lekeza monó mogona apí ikimiaká vegi itó Palisaio monó ve neneta, ehe tináneve. Genezatini losi nego gako losi liaká niave. Lekeza nene gonosi milimililó vegealite ángigikiko kumu hilitive liki simeniló gonanalisi iki guhí hiliaká niamó nenéminiki niave. Hetoláaloka ángi lamaná iaká niamóza, gale agikagú nene hele vegealitiní gonosi zámuza neike anuva oaká netá áminagú vaí onoive. ²⁸Lekezagi lá ikigó niave. Vegealite hanuva lukugupeló nánigake lekeza hehe liki niave liki giliaká niave. Likigikagú nene soza loaká gakoímo itó li huka gako pelevesava ziaká netalímo vaí oko neve.

Lihima alika kumupiló ititikumú gako lo kimimó

(Luk 11:47-51)

²⁹Lekeza monó mogona apí ikimiaká vegi itó Palisaio monó ve neneta, ehe tináneve. Lekeza genezatini losigi ve neneta, Ómasímini agepagutí gako liaká a vetini gonosi milimili numuni lamaná lilí iake hee liki iki miliki a vetini gonosi milimili nene gonanalisi ikimiake, ³⁰leza gozapá avotegini gamenaló minutilina, Ómasímini agepagutí gako liaká a ve makó kepele hele vegeaná nene kelémo vatí amutiline liki liaká niave. ³¹Nene gako li utó iaká niamó nene lekezatini mogonatinimú nilave. Lekeza Ómasímini agepagutí gako liaká a ve kipili hele vetini kagapilamó zuha niave. ³²Avotikini mogona golesa nene lekelitoka vo aleko neve. ³³^x Lekeza gosihalímini agapilamó zuha neneta Ómasímini goní nenémo lekelémo ló apakú molanogo ive. Lekeza keé liki golisi aminigave. ³⁴Nenemú gililo. Neza Ómasímini agepagutí gako liaká a vegi itó monolímini mogona apí ikimiaká nia vegi itó monó pukugutí giliaká nia vegi kimiselekugo lekelitoka vinigave. Keí holúikutí nene lekeza lugáa kipili hiliiki lugáa nene zohota zaló gánava ziki apatiiki lugáa nene monó numutikú segi nogosanitunú kipiliiki apá napa makokutí nene gímiziliki viki haitó apakú ahulikitanigave. ³⁵^y Lá ikiko, mukí hee liki nia vegeaná kipili helemómámini lihima nene lekelí lukumupiló iteko minanogo ive. Hehe loko mina ve Epoloni apele nohiligo golani leki gamenalotí nene ve lugáa kipili hililiki nivago, Palakiani gipala Zakaliá nene monó zavusave

^w 23:27 Apo 23:3 ^x 23:33 Mat 3:7, 12:34; Luk 3:7 ^y 23:35 Apí 4:8; 2 Iki 24:20-21

itó guguni giziakató nenémini holutó noigo lekeza napelego golani lekimó keí golanímini lihima mukí nene lekelí lukumupiló itinogo ive. ³⁶Neza lamaná lo likimitoze, gililo. Ámina mogonámini lihimalaváa nene imane oko moloko nou netá ániagiaká nia veenalitini kumupiló ite asú inogo ive.

Izesú Zelusale vejenakumú ive imó

(Luk 13:34-35)

³⁷Kee, Zelusale vejenáise, lekeza Ómasímini agepagutí gakó liaká a ve kipili hiliká itó Ómasímo hozaló kimiselekago lekelitoka a ve gehanitunú ahuli miliki kipili hiliká iaká niave. Neza nene lekelí izegipatini zuha nene okolohómo izegipala ale amakuka moloaká noimómáminoko kelémo mulúneuka molanogo oaká noumóza, lekeza gili nimisá amave. ³⁸Lekeza gililo. Ómasímo viselelikimikiko, apatini nene gámé pizinogo ive. ³⁹^zLáa loko lo nolukumuve. Není nene goha áninagamiki miniliki viki alika Guivahanímini gakotó anitelimikane, Ómasímini lusaló okane liki li niminigave, loko limó.

Alika monó zagusave ali golesa itakumú lo kimimó

(Mak 13:1-2; Luk 21:5-6)

24 ¹Izesú eza monó zagusave ahuloake novigo, izegipala zuha leza monó numunima alapizinogo aitoka unimó. ²Lá unimóza, eza láa loko lo limimó: Lekeza numuni mukí imane nánigahe. Agae, neza lamaná lo likimitoze, gililo. Monó numuni napámini gehani mukí nene apiliki tele vizikiko gehani nene amupiló amupiló iki mililiki itekutí zeko gululupa so asú inogo ive. Itó ziki lana iiki ali hutilikatilí inigave.

Miluma gilituni gamenámini ganá netá

(Mak 13:3-13; Luk 21:7-19)

³Loko loake, koma minake, Izesú eza Olivi agokaú mitó noigo, izegipala zuha lezagó aitoka itekunike láa loko loká otoko lunimó: Geza lo lemezo. Itína utó iti netakumú lanimó nene nanahé utó itive, itó mikasiuka netá matá asú iti gamena itó geza atiginá itani gamena alitokiko nana anosa utó okiko ániogokinake gele hee litune. ⁴Loko lokuko, Izesú nene lonotó aleko láa loko limó: Ehe, gizapa ilo. Ve makolímo atiginá oko ato gamenamú lokogoka vizekatize. ⁵Ve mukilite nanitiki není nugulizató liki neza Ómasímo gologí oleketative loko lo mololeketa vema nouve liki vejená mukí kogoka vizinigave. ⁶Lekeza haitopaitó lovámini gakoláa giliiki itó lova hizinigi niko nenémini gakoláa gilinigave. Lekeza ehe tináneve. Lekeza mulutini itemino.

^z 23:39 Age 118:26

7 Ómasímo netá nenémináa utó itive loko lonoimóza, mukí netá matá velesá asú aminogo ive. Numutó namató vejená makolite gala véini lova ali nikimiko, itó numutó namató agulizaki ve napa makolímini zuhagi itó makolímini zuhagi lova hizinigave. Itó haitopaitó mikasiuka gaúna gamena utó oko mino-loko noitiko mukí mikasiuka nene imimá napa omo noviko, 8 miluma netá nenémináa utó itimó nene venalite izegipa getanigi miluma giliaká niamó nenéminoko utó inogo ive.

9^a Ámina gamenaló nene likigizató aliki viki goní ilikitiki miluma netá alilikitanigave. Itó lá niiki lekelikutí makó likipili hilinigave. Není nugulizá lekelitoka minakumule liki vejená mukí nenete mukahá likipilinigave. 10 Ámina gamenaló nene vejená mukilite Ómasimú gili alévolé iakáini nene ahulanigave. Keza nene eza amimí iko eza amimí iko iki gasó eza amiko eza amiko inigave. 11 Lá niko, mukí Ómasímini agepagutí gakó liaká ve sozámimi utó iiki vejená mukí kogoka vizinigave. 12 Golesa mogona nenémo hutilí noiko, vejená mukí nenete kigika kemeaká netá nene geha zinogo ive. 13^b Lá onoimóza, makó keza gamenaváini asú ititó monó ahulamiki alévolé iki minatamó nene, Ómasímo kugutó vizinogo ive. 14 Itó Ómasímini gasovaló minoakalímimi gakó lamaná nene mikasi nekisa vokisauka numutó namató vejená mukitoka giliiki gili alitahe liki nene li hutilí i asú inigave. Lá ikiko gamena asú inogo ive.

Miluma geleaká gamena napámimi gakola

(Mak 13:14-23; Luk 21:20-24)

15^c Lekeza nene mulikizapa iti netá golesa nene apá ale golesa oaká netá gozapá Ómasímini agepagutí gakó loaká ve Tanielé nenemú limó nenémo etó o mina numukú oteneiko ániganigave. (Imane gakó gatatanimó neneka nene gakokumú gele guni ozo.) 16 Ámina gamenaló Zutaia mikasiuka nita vejená nene golisi iliki agokaloka ititakumule. 17^d Keza makó numuni numupitó nita vejená nene golisi iliki limiki henoníini nene numúikutí ma aliki vamitakumule. 18 Vejená makó mikuka nitakutí nene numukuka luhoaká góini alitune liki atiginá iki vamitakumule. 19 Kee, izegipa kagatupagi nita vená itó izegipa namuni aminí nikimita vená nene nana itamó neve. 20 Lekeza nene nolu netakutí golisi ita zupa nene golini gamenagú ahe itó Ómasímo lo mololeketa holisi gamenagú ahe utó amitive liki Ómasiloka likigó minalo. 21^e Ámina gamenaló nene genavagi netá napa utó itimó nenémo mikasi nene gosohá nego nenéminoko utó amigo minoloko iteko imane gamenaló utó amive. Nolu gamenaló nene utó okoko, nenémini veletoka goha utó aminogo

^a 24:9 Mat 10:22 ^b 24:13 Mat 10:22 ^c 24:15 Tan 9:27, 11:31, 12:11 ^d 24:17 Luk 17:31
^e 24:21 Tan 12:1; Ali 7:14

ive. ²²Lá onoimóza, Ómasímo ámina miluma gilita gamena ale atuhá amitimó nene vejená makó ma kavasavagi minamitamóza, Ómasímo kelémo etó i vejenakumule loko ámina gamena ale atuhá inogo ive.

Okulumakutí limi ve gihila atiginá iti gakó
(*Mak 13:24-27; Luk 21:25-28*)

²³Ámina gamenaló ve makolímó ánígalo, gologí oletati vema imaneloka utó okave, itó volane noive loko lo nolikimikoma lekeza gili zagemilo. ²⁴Ámina gamenaló gologí oleketati ve sozámíni itó soza saza Ómasímíni agepagutí gakó liaká ve utó iiki Ómasímo kelémo etó onoi vejená kogoka vizitupe liki vejenalite sigaga lita netaki soza alévolé sunigi lilí iki avevezaha inigave. ²⁵Gililo. Imane nolu netá utó onamigo mota lo lekemekuve.

²⁶^f Itó ve makolímó ánígalo, Ómasímo gologí oleketati vema nene mikasi gomopalaló noive loko lo nolikimikoma, lekeza neneloka vamiló. Itó ánígalo, eza nene vozane numukú halá geko noive liki nilikoma, lekeza gili zagemilo. ²⁷Okulumató gó melevezá itimó nene ho noitikukatí ho nolimitoka vinogo ive. Okulumakutí lumu ve gihila neza nenéminoko omo nougo lekeza není ániagi asú inigave. ²⁸^s Netá helemó gonosiváa nekú nene nama gosúveha mukilite litá iki ániagiiki alegesá iaká niave. Ámináminoko okulumakutí nolumugo mukí vejenalite ániagi asú inigave.

²⁹^h Nene gamenaló ámina genavagi netá nene asú okiko, ho nene noitiko litá oko límugusi zekiko, ikanímó hize sata amiko, itó sonohí nene okulumatotí atohimí niziko, okulumató amuzavagi netá nene mómoká i asú inigave. ³⁰ⁱ Lá ikiko, okulumakutí lumu ve gihila goha ato anosa nene okulumató utó noiko, imane mikasiuka není gakó gelema vejená mulusi mukí nene ive nama inigave. Lá niiki okulumakutí lumu ve gihila neza alévolé zámuzánegi itó lapanánegi nene okulumalímíni límusi amupiló nolumugo ániaganigave. ³¹Agelóne kimiselekugo, pikuli nene anó napa nomiliko kelémo etó u vejená ezega emegatí ho noititokatí ho nolimitokatí itó mikasi nekisa vokisalokatí kilími nupa inigave.

Gohuna zámíni anoza gakola
(*Mak 13:28-31; Luk 21:29-33*)

³²Lekeza za gohunámíni anoza gakola gili vevesiki gililo. Izanámo nene nagamila nego agila guluma sekago, lekeza ániagiake hogaí gamena mota alitokave liki liaká niave. ³³Ámináminoko lekeza imane nolu netá mukí utó noiko ániagiiki guivahanite anogo gatekú omo alitokave liki gilitaze. ³⁴Neza lamaná lo likimitoze, gililo. Oko moloko oaká nou netá

^f 24:26 Luk 17:23-24 ^s 24:28 Luk 17:37 ^h 24:29 Isa 13:10; Zoe 2:10,31, 3:15; Ali 6:12,13; Izi 32:7; Isa 34:4 ⁱ 24:30 Tan 7:13; Ali 1:7

ánigina vejená velesá hili asú inamiko imane nolu netá mukí utó inogo ive. ³⁵Mikasigi itó okulumaki tolova itáiha, imane lonou gako nene ma gopa oko tolova aminogo ive.

Gamena napamú gelemune

(Mak 13:32-37; Luk 17:26-30,34-36)

³⁶Lá onoimóza, ámina gamenamú ve hamoláate keké gelemave. Okulumakú agelogegegi nene ma gelemave. Gipala nezánegi ma gelemuve. Améneho hamokó ási geleneive. ³⁷^j Okulumakutí lumu ve gihila není gamena alí noliko Noá mina gamenaló lilí a mogona áminagó oko utó inogo ive. ³⁸Gozapá nagamí napa velesá velenamigo, nene gamenaló zahí nagamí niki minake vená meinakona ake zuguzugu zezezege viziki miniliki niago, Noage sipigú itemó. ³⁹^k Ámina vejenalite Noani nagamí viliti gako gili ahuliake gopa niago, nagamí napa vilike vejená mukí kepele gesá imó. Okulumakutí lumu ve gihila neza ato gamena nene lá oko utó inogo ive. ⁴⁰Ámina gamenaló ve lositá nene makó mikú hoza nalisiko, Ómasímo maga ve alémokoko maga ve ahulotanogo ive. ⁴¹Vená lositalitosa nosá isiki nisiko, Ómasímo vená magáa alémokoko magáa ahulomikiko minanogo ive.

⁴²Nenemú Guivahanitini ati gamena nene lekeza ma gilinamamó nenazo, lekeza gizapa keké viziki minalo. ⁴³^l Lekeza gako imane gili minalo: Numuni amelaho nene guminaló ve atikumú gilitimó nene, gizapa noiko guminaló ve oko numuni zeko epetooko henoni nene aleminogo ive. ⁴⁴Ámináminoko okulumakutí lumu ve gihila neza atokumú negeva iki minamita gamena atomó nenazo, lekezagi ali vavá iki minalo.

Litokó alévolé oko Ómasi gelekelé otatuni gako

(Luk 12:41-48)

⁴⁵Není gelekelé izegipa makó nene gele vevesiniki gili minatamó itó hozaváini nene litokó aliki minatamó nene mogonamú anoza gako lo likimitoze. Gelekelé izegipa makolímo gizapa vevámo aí numukú netá matató gizapa oko minoko hozaló izegipa lugáa gizapa oketative loko lomikiko nosánetá nata gamenaló gona moloko kimitive. ⁴⁶Gizapa veva nene okoko ámina gelekelé izegipa nene goí oko lotatíminoko hoza nalikoma ánigatimó nene ámina gelekelé izegipamú gulugo agoliza vizitimó neve. ⁴⁷Neza lamaná lo nolukumuve. Gizapa vevámo gizapa lamaná i izegipama mukí netató gizapa ve loló otanogo ive. ⁴⁸Lá onoimóza, ámina izegipama gelekelé izegipa golesa noitimó nene není gizapa ve nene litá oko aminogo ive loko mulunagú gelekoko ⁴⁹hozaló

^j 24:37 Apí 6:5-8 ^k 24:39 Apí 7:6-24 ^l 24:43 Luk 12:39-40

izegipa lugáa nene nokepeleko itó piá nagamitó ve kezagi niki minatamó neve. ⁵⁰Lá iki niko, ámina izegipámini gizapa veva nene ámina izegipama ageva oko minamiti gamenahe itó gatizá minati gamenahe okoko ⁵¹ámina gelekelé izegipa nene agupe apelevo hukovo okoko soza liaká ve genezáini losigi mina ve niakú alémo molanogo ive. Lá okiko ámina apakuka minoko ive nama oko miluma maluma geleke agepa atalá oko minanogo ive.

Zaha vená 10 keí anoza gakola

25 ^{1m} Ato gamenaló nene okulumalímimi gasovaló vita mogona nenémimi oko neve. Vená goliló ve anogo noigo, zaha vená 10-a nenete alími vatí inigi lamu lóini aliiki viki gapoló hotu lokinake zaha venáma noitoka alemoko atune liki vamó. ²Keikutí vená 5 nene negi vená minamó. Itó vená 5 nene kagata koló onomó. ³Keza negi vená nenete lamu lóini aliki vamó nene nagamalagi aliki vamamó. ⁴Keza kagatagi vená nenete hela nagamí nene gonigú leki miliake lamu loki nene aliki vamó. ⁵Vená goliló ve nene litá oko amigo, keza zaha venáma nene kogómula ahihí okago aki minamó. ⁶Lá iki akinago, holugú akovevé nene sele makó láa loko utó imó: Vená goliló vema mota okave. Lekeza viki gapolotí alímiki ataze, vilo. ⁷Liki likago, keza vená nenete otiake lamu lóini nene levonaha ali ahuliake ló ligi milamó. ⁸Lá iake, keza negi vená nenete kagatagi mina venáma láa liki li kememó: Lekeza kalasini makó limilo. Lelí lamutegú nene nagamíma asú okago mota lihanogo noive. ⁹Liki likago, keza kagatagi mina vená nenete láa liki li kememó: Óe, lekeza viki situakutí meina hizemave. Lekelitokagi lelitokagi vo alemiti avotigila oko minokave. ¹⁰Liki likago, keza negi venáma situakú kalasini meina hizinigi viki niago, eza vená goliló vema anitimó. Lá okago, keza ali vavá iki mina venámagi makó itiki numukú minake vená ali kimiaká nosakutí namó. Itó gahe nene giki etoha amó. ¹¹Lá ikago vená lugáama alika ake láa liki sele lamó: Guivahanitemaka, guivahanitemeka, gahe segeletozo. ¹²ⁿ Liki likago, eza láa loko lo kimimó: Neza lamaná lo likimitoze, gililo. Lekelí nene ma ánigo hee lamu vená niaze, vilo. ¹³Loko Izesú nene loake, miní ameko láa loko limó: Nenemú lekeza ato gamenamú ma gilinamamó nenazo, gizapa i guni iki minalo.

Gelekelé ve losive makolemú anoza gakó

(Luk 19:11-27)

¹⁴Atiginá inake neni gizapaló mina vegenalite iki miliki inakumú goní oketatomó nenémimi mogonamú anoza gakó makó lá onoive. Ve makolímó venoni vinogo noko gelekelé izegipala sele lo kemekago, ikago, aí netá

^m 25:1 Luk 12:35 ⁿ 25:12 Luk 13:25

mukí nene gizapa initatave loko kigizakú molamó. ¹⁵Eza nene gelekelé izegipalatini mogonamú itó zámuzáinimú hamopamó geleneike nenémini avotigila oko moni nene gona moloko kimimó. Ve makó nene 5 tausen kina amimó. Ve makó nene 2 tausen kina amimó. Ve makó nene 1 tausen kina amimó. Lá oake nene, gapo hána venoni vimó. ¹⁶Vokago, ámina 5 tausen kina ami vemámo vike pisinisi ike polopeti moni 5 tausen kina makó ale utó imó. ¹⁷Itó eza 2 tausen kina ami vemámo ámináminoko pisinisi ike 2 tausen kina ale utó imó. ¹⁸Itó 1 tausen kina ali vemámo agulizaki vemámini moni nene aleko vike mikasigú gale legeake gale zimó.

¹⁹Gamena hána oko vokago, gelekelé izegipatini kugulizaki vema atiginá oake ámina moni gozapá kemeneikumú nene gakó hoza aliki ali hee litave loko gelekelé izegipama sele lo kimimó. ²⁰Lá okago ámina 5 tausen kina ali ve nenémo ake láa loko limó: Gugulizaki venemaka, ángofo. Geza 5 tausen kina nemenimó nene neza voko pisinisi uke 5 tausen kina goha makó ale miní ameko ale utó okuke aleko nouve. ²¹Loko loake amekago, eza agulizaki vevámo láa loko lo amimó: Geza gelekelé ve lamaná noane. Geza vatí oko hozaló gizapa lamaná okane. Hoza komaló ale guni oko gizapa lamaná okanize, nenemú mukí netá gemekugo gizapa itane. Geza oko gugulizaki vegagi logoliza vizeko minatíive. ²²Loko lo amekago, eza 2 tausen kina ami ve nenémo ake láa loko limó: Gugulizaki venemaka, ángofo. Geza 2 tausen kina nemenimó nene aleko vuke pisinisi okuke 2 tausen kina makó goha ale miní ameko ale utó okuke aleko nouve, loko limó. ²³Loko loake amekago, agulizaki vevámo láa loko lo amimó: Geza gelekelé ve lamaná noane. Geza vatí oko hoza lamaná oko gizapa okane. Geza hoza komaló ale guni oko gizapa lamaná okanize, nenemú mukí netá gemekugo gizapa itane. Geza oko gugulizaki vegagi logoliza vizeko minatíive. ²⁴Loko lo amekago, eza 1 tausen kina ali ve nenémo ake láa loko limó: Gugulizaki venemaka, geí mogona mota gelenoumole. Geza gínikaha ve noane. Ve makolite mini zuhá inató minumuni omolokago géisi nosá aleko asutoaká noane. Itó ve makolite hoza alikago gihiláa utó okago géisi aleaká noane. ²⁵Lá oaká noanikumú neza nehelele vizekago, ámina 1 tausen kina nene aleko voko mikasigú gale zenoumole. Ména. Geza netaka imane alitane. ²⁶Loko lokago, ve napava nenémo anotó aleko láa loko limó: Geza hozaló ve golesa goselé vaseletó ve noane. Geza není mogona gelenane. Ve makolite mikú netá zuhá inató nosá aleko asutoaká nouve. Itó vegená makolite zuha netá gihila atilí inató minumuni omolokago netá gihila aleaká nouve. ²⁷Nenemú není moni nene peni numukú molataninazo, nanamú neve. Lá onako neza goha inake ámina moniló miní ameke nimilinitiko voko alitonazo. ²⁸Lá okanize, aitokatí ipá iiki 10 tausen kina ale mina vema amilo. ²⁹° Gililo. Vegená netá ali miniki gizapa lamaná

° 25:29 Mat 13:12; Mak 4:25; Luk 8:18

iki minatamoláa nene goha miní ameko kiminogo uve. Lá onoimóza, ve makolímo netá koma ale minoko gizapa lamaná amitimó nene goha ipá oko alinogo uve. ^{30p} Itó ámina hozaló ve goekae ovimoláa nene amisili hetó ikiko límugusi apakú lemeko ive nama oko miluma maluma geleko agepa atalá oko minanogo ive, loko limó.

Gamena napaló gona mololetati gakó

^{31q} Okulumakutí lumu ve gihila neza lapanánegi noinake agelogege makó inake gonanalivagi siató minanogo uve. ³² Lá oko nougo, keza mikasiuka vejená mukí iki novogisaló alegesá inigave. Lá niko, neza gona moloko vejená nene kelémo losi molanogo uve. Izaló gizapa vémo meme iza kelémo haitó noike itó sipsip iza kelémo haitó oaká noimó nenémini oko ³³ neza sipsip izagitana nia vejená nene kelémo nigizani zamagaloka milinake, meme izagitana nia vejená nene kelémo sogaloka molanogo uve. ³⁴ Lá okinake nugulizaki ve noumó imanémína nigizani zamagaloka mina vejená nene láa loko lo kiminogo uve: Améneho nónohá zeleketa vejená neneta, gililo. ³⁵ Neza gaúna nohulugo nosánetá nimiaká amó, itó nagamikumú nonivisigo nagamí ihimi nimiaká amó, itó veno ve loló okuke nougo numutikú nilími miliaká amó. ³⁶ Ginegane nomigo ginegane nimiaká amó. Nivisekago nougo lekeza nasahilí inimiaká amó. Nagá numukú nougo lekeza iki áninigiaká amó. Lá iaká amó nenazo, gozapá mikasi apí oko ale utó inogo Ómasímini gizapaló minata apá ale vavá oleketonoimóma nene iki alilo. ³⁷ Loko lo kemekugo, keza hee liki mina vejená nenete láa liki li niminigave: Guivahanitemaka, leza nanahé zupa gaúna nogolago ánigokunike nosánetá gemehá neve. Itó nanahé zupa nagamikumú nogivisigo nagamí ihemo gemehá neve. ³⁸ Itó nanahé zupa veno ve loló oko noako numuteuka gelémo muluhá neve. Itó nanahé zupa ginegane nomigo leza ginegane gemehá neve. ³⁹ Itó nanahé zupa givisekago noako ániguhá neve. Itó nanahé zupa nagá numukú noako ániguhá neve. ⁴⁰ Liki likiko, neza nugulizaki ve noumó imanémína láa loko lo kiminogo uve: Neza lamaná lo likimitoze, gili minalo: Vejenáne zuha limiki minamoki loló oketupe liki lilí amó nene není lilí initamó gelekave.

⁴¹ Loko lo nokiminake nigizani sogaloka minata vejená nene láa loko lo kiminogo uve: Usilímini mututoni lekeza gililo. ⁴² Neza gaúna heleko nougo nosánetá makó nimisá amamó. Nagamikumú nonivisigo nagamí ihimi nimisá amamó. ⁴³ Neza veno ve loló okuke nougo lekeza numutikú nilími milisá amamóma neve. Itó gineganemú vitagá nougo ginegane ma nimisá amamóma neve. Itó nagá numukú nougo itó nivisekago nougo lekeza ma iki ániginitamamóma nenazo, není ahuliiki viki ló

^p 25:30 Mat 8:12, 22:13; Luk 13:28 ^q 25:31 Mat 16:27, 19:28

lihamike lova lova oko nomina l0 améneho Satagegi it0 agelolagi ale vavá oketonioim0 nenegú limilo. ⁴⁴Loko lo kemekugo, keza láa liki li niminigave: Guivahanitemaka, geza nanahé zupa gaúna heleko noako it0 nanahé zupa nagamikumú nogivisigo it0 nanahé zupa veno ve loló oko noako it0 nanahé zupa gineganega nomigo it0 nanahé zupa givisekago noako it0 nanahé zupa nagá numukú noako gelémo vatí amuhakumú lane. ⁴⁵Liki likiko, neza láa loko lo kiminogo uve: Neza lamaná lo likimitoze, gililo. Imane mikasiuka limiki mina vegeenaki lá ikitamamó nenémo neni lá initamamó gelekave. ⁴⁶^r Loko lo kemekugo, ámina vegeená nene miluma apakú viki miniki miluma asú amoakalímini alinigave. It0 hehe liki mina vegeená nene alévolé kemetamenigi minova minova oaká apat0 viki minanigave.

Izesuni apilinigi lova gizamó

(Mak 14:1-2; Luk 22:1-2; Zon 11:45-53)

26 ¹Izesú nene ámina gakó lo leme asú oake ámina gamenaló izegipala zuha láa loko lo limike limó: ²^s Gamena losi oko vokiko gozapá avotikini asenini zeketakumú gele minoaká holisi ut0 inogo ive liki lekeza gilinave. Lá noiko, okulumakutí lumu ve gihila neza nene ve makolím0 nimimika loko lova vetini kigizakú nelémo molokiko zohota zaló nipili hilinigave, loko limó.

³Ámina gamenaló monó gizapa vegi guguni giziaká vegi keza Isilae vegeenalitini guguni giziaká ve napatini gizapa venini Kaiapani numuni napagú alegesá amó. ⁴Keza asuguná iki Izesuni agizat0 aliki apili hilita gakó ligili hagili iki li hukamó. ⁵Lá amóza, ámina holisigú apele helemitune. Vegeenalite lova napa ali ut0 iki lipilikataze, liki lamó.

Petania apatoka Izesuni anuva lamanaki uveli holotamó

(Mak 14:3-9; Zon 12:1-8)

⁶Izesú nene Petania numut0 nene Saimon eza halamé gizaleake minake zoka vémini numukú minamó. ⁷^t Lá noigo, vená makó aitoka ake agizakú anuva uveli meinava iteko mina netá nene gehanigitana gonigú aleake Izesú nosánetá noko noigo gotolaú leketamó. ⁸Lá noigo, izegipala zuha leza ánigokunike gele golesa nounike lezateloka láa loko lunimó: Anuvagi uveli lamaná nene nanamú latila noive. ⁹It0 leza ámina anuvagi uveli nene hanuva minalina, vegeená meina hizitave loko kemesá nene meinava napa alekunike gohogó vegeená kumutiline. ¹⁰Loko noguluko Izesú nene gakote geleake láa loko lo limimó: Lekeza imane vená nana igo genavagi gakó li nameve. Eza nene netá lamaná alenimikave. ¹¹^u Gohogó vegeená keza nene lekezagi miniliki viki minatamóza, neza lekezagi gamena hána

^r 25:46 Tan 12:2 ^s 26:2 Gá 12:1-27 ^t 26:7 Luk 7:37-38 ^u 26:11 Gapo 15:11

minoloko voko minaminogo uve. ¹²Vená imanémo gonosi milimiligú gale zinitatakumú geleake nugupeló anuvagi uveli holonimikave. ¹³Neza lamaná lo likimitoze. Mukí mikasiuka není gako lamaná imane li utó iki li kimitató li kimitató nene imane venalímíni mogonamú gili zagitave liki eza loló oneta sunimú li kiminigave.

Zutá Izesuni amimika litove loko lo hutamá

(Mak 14:10-11; Luk 22:3-6)

¹⁴Loko lokago, ámina gamenaló izegipala zuha 12-a lelikutí Kalíotó numutotí ve agulizá Zutá áisi nene guguni giziaká ve napa niató vimó. ¹⁵Vike Izesuni amimí itotó lekeza nanetá nimitune liki nigeleve. Loko lokago, keza silivá gehani 30 alitane liki li hutiake amikago, ¹⁶eza nene Izesuni amimika linogo amapani molamó.

Izesú izegipala zuhagi asenini zekimiaká nosá namó

(Mak 14:12-21; Luk 22:7-14,21-23; Zon 13:21-30)

¹⁷Lulu vízemi peleti niaká a holisímíni ganá gamenagú nene izegipala zuha leza Izesú noítoka voko geza asenini zeketakumú gele minoaká nosánetá nene híkú viki ale vavá inítatave loko nolane. Loko lokuko, ¹⁸eza láa loko limó: Lekeza taonigú viki ve makó noítitó nene viki tisamámo není gamena mota alítokaze, geí numukú asenini zekimiaká nosá nene izegipáne zuhagi natune lokago nousive liki li amilizo. ¹⁹Loko lokago lelikutí ve lositosa nene Izesú lítímíni asike asenini zekimiaká nosá ali vavá asimó.

²⁰Lá ikasigo gánavaló nene Izesuki izegipala zuha 12-a lezagi alegesá unike nosánetá nunimó. ²¹Nosánetá noko nounike Izesú láa loko limó: Lamaná lo likimitoze, gililo. Lekelikutí makolímó nimimika linogo ive. ²²Loko lokago, leza miluma nogelego hamopamó Guivahanitemaka, nenikumú nolape, nenikumú nolape loko loká miká otunimó. ²³ Lá okuko, Izesú láa loko lo limimó: Hamó lapegú peleti nagamí zeko nonousi ve nenémo nimimika linogo ive. ²⁴Okulumakutí lumu ve gihila nenikumú monó gotolaú luhuva gizinamómámíni oko hilito gapogú novumóza, nimimika liti ve agae, lihima sipisi alitimó nenazo, izolaho aí getamilina nene vávani oko minaline. ²⁵Loko lokago, amimika liti ve Zutá nene láa loko limó: Tisalemaka, nenikumú nolape. Loko lokago, Izesú nene gezaka mota lokanimole loko limó.

Lepa nosá apí oko kimimó

(Mak 14:22-26; Luk 22:15-20; 1 Koli 11:24-25)

²⁶Nosánetá nonunike Izesú nene peleti aleake Ómasi agepoka loake gitegeko izegipala zuha nolimike láa loko limó: Alikí nalo. Imane

ˆ 26:23 Age 41:9

neni mémeláne neve. ²⁷Loko loake, vain goni aleake Ómasi agepoka loake nolimike láa loko limó: Lekeza mukitó nalo. ²⁸^w Lo múnaheaká gakolímíni golaníne nene vejená mukilitini lihimáini gilatoketative loko lekitomó imane neve. ²⁹Lamaná lo likimitoze, gililo. Vain nagalímíni gihilagutí goha naminake minoloko vinake améneho nugulizaki velini loló onetati gamenaló vain nagamá haitolímíni lekezagi makó natune. ³⁰Loko loake, monó nama makó lunike lemeko Olivi agokaú itinogo vuhá.

Izesuni Pitá egamega otatikumú lo utó imó
(*Mak 14:27-31; Luk 22:31-34; Zon 13:36-38*)

³¹^x Agokaloka itinogo nounike Izesú láa loko lo limimó: Monó gotolaú Ómasímo li gakó makó láa liki gizinamóma neve:

Gizapa ve apelekugo sipsip iza mulusi nene hutilí iki golisi inigave. Liki gizinamóma nenazo, itína holugú lekeza mukitó golisi iiki visilinitatamóza, ³²^y helekugo, goha nelémo otekiko, Galilaia mikasiuka gof o lekemeko vitove. ³³Loko lokago, anotó aleko Pitá láa loko lo amike limó: Nénisi viselegetamitove. Keza mukitó gele alévolé oakáini nene golo golo sokikoma, neza lá aminogo uve. ³⁴Loko lokago, Izesú láa loko lo amimó: Lamaná lo gimitoze, gelezo. Itína holugú nene okolohomámo anó molonamiko nenikumú ángamuve loko egamega onetanimó nene gamena losive makole inogo ive. ³⁵Loko lokago, Pitá láa loko lo amimó: Neza nene geikumú egamega ogetaminogo uve. Nipili hilinigi niko gezagi makó helekusigoma lá ogetaminogo uve. Loko lokago, izegipala zuha mukitó leza láa lokogó lunimó.

Izesú Gesemane zazuhagú Ómasiloka loko minamó
(*Mak 14:32-42; Luk 22:39-46*)

³⁶Loko lokuko Izesú nene izegipala zuhamagi apá makó agulizá Gesemane neneloka makó vuhá. Vo anitekunike láa loko lo limimó: Lekeza nene imaneló niko neza volaneloka vokinake Ómasiloka litove. ³⁷Loko loake Pitani itó Zepetaioni gipala losigi nene kelémoko vimó. Nivake mulunagú peisi nozigo miluma golesa gilike ³⁸láa loko lo kimimó: Neza mulúnégú nene gónupa geake hilitomó onoive. Lekeza imaneló miniki nenikumú gizapa iki niko makó gizapa oko minatune. ³⁹Loko loake koma minomo novike avogisalokatí pou loko agoka hizeko nakake Ómasiloka láa loko limó: Aménega, gapo neikoma geza genavagi gihinitata netá imane ale ahulonetatane loko nolumóza, neni nigikaloka ale molamoko geí gigikaloka nelémo molatane loko noluve. ⁴⁰Loko loake, goha ake, izegipala zuhama kovó akinago ángoake, Pitani alémo oteko

^w 26:28 Gá 24:8; Zel 31:31-34 ^x 26:31 Zak 13:7 ^y 26:32 Mat 28:16

l0a loko lo amim0: Lekeza nene nana ive. Nezagi gizapa oko mininake gamena koma ma oti minamitam0 nehe. ⁴¹Lekemek0 milatakum0 gopa ikataze, lekeza gizapa iki miniki 0masiloka liki minalo. Ligik0mo v0vani noim0za, lugup0mo gena noive. ⁴²Loko loake, goha vike 0masiloka like l0a loko lim0: Am0nega, genavagi net0 iman0mo nivilege vamitim0 noikoma, ge0 gigikaloka nel0mo molozo. ⁴³Loko loake, goha oko 0nigam0 nene kog0mula ahih0 okago, kov0 akinago 0nigam0. ⁴⁴Ahulokimiake goha vike 0masiloka ligo gamena losive makoki im0. Go0 oko vike 0masiloka lim0m0mini okog0 lim0. ⁴⁵Loko loake, goha ake izegipala zuha lel0mo oti ke l0a loko lo limim0: Lekeza nanam0 lakavas0 viziki hanuva aki niminave. Gilinahe. Okulumakut0 lumu ve gihila nimimika liki lihim0nigi vetini kigizak0 nil0mi milata gamena mota okave. ⁴⁶L0 onoize, lekeza otiiki vilo. 0nigalo. Nimimika liti vema alit0 mota okave.

Izesuni amimika lokago alem0

(Mak 14:43-50; Luk 22:47-53; Zon 18:3-12)

⁴⁷Izes0 gak0 lo limi agepagi izegipala zuha 12 lelikut0 mak0 Zut0 noago, vege n0 muk0 0megetiki niake sopolu h0nagi gelekahosigi ali minake am0. Keza nene guguni giziak0 vete it0 Zuta vetini mon0 gizapa vete emane amunaloka kimisilikago vam0. ⁴⁸Nivake Izesuni amim0 inogo i v0mo gak0 mak0 lo kimike l0a loko lim0: Neza vinake ve mak0 nene agoka legeko nonugoma 0nigiiki 0mina ve noive liki nigiliki agizat0 alilo. ⁴⁹Loko loake, ake, Izes0 noit0 lit0 oko vo amatoka aniteake, oho, Tisalema, nene noape loko loake, agoka legeko nam0. ⁵⁰L0 noigo, Izes0 l0a loko lo amim0: Nigive, geza lol0 inogo noani net0 nene lit0 oko lol0 ozo. Loko noligo, lova ve nenete ake Izesuni agizat0 ali gikitiki alem0. ⁵¹Nalego Izesuki mak0 minuhakut0 makol0mo sopolu h0na nene golagut0 aleko geleleh0 oake guguni gizoak0 ve nap0mini gelekel0 izegipa apilike agata zeko isim0. ⁵²L0 okago, Izes0 l0a loko lo amim0: Sopoloka nene alenikuka goha ale molozo. Lekeza sopolotun0 geza okan0 geza okan0 liki liki likipili ges0 ikataze. ⁵³Geza nene gelemape. Neza am0nehitoka litom0 nene lit0 oko agel0 nene lov0mini galav0a mulusi napa 12-a nene kimiselekiko limiki nil0mi vat0 inigave. ⁵⁴L0 itam0za, l0 okugo 0mas0mini luhuva nen0mo nana oko gihila zitive. Gozap0 mon0 gotolau nen0minoko ut0 itive liki luhuva gizinam0ma neve.

^{55z} Loko loake, 0mina gamenal0 ali nupa ina vege n0 nene Izes0 l0a loko lo kimike lim0: Lekeza nenikum0 gelem0 nene geligeli ve nougo sopolu h0nagi gelekahosigi aliki niake nigizat0 alinigi niahe. Neza gamena gamena mon0 zagusave0 minuke mon0 lo keme keme oko minum0mal0 nene nigizat0 alemam0 nehe. ⁵⁶L0 ikam0za, 0mas0mini agepagut0 gak0 liak0 a vete emane

^z 26:55 Luk 19:47, 21:37

amunal6 mon6 gotolau6 nenikum6 luhuva gizina gak6 nene gihila zitive loko net6 muk6 imane ut6 noive. Loko lokago, izegipala zuha leza Izesuni ahulomikunike golisi hutil6 oko vunim6.

Kansoletini kog6mulal6 Izesuni gon6 itam6

(Mak 14:53-65; Luk 22:54-55,63-71; Zon 18:13-14,19-24)

⁵⁷Izesuni agizat6 aliake guguni giziak6 vetini ve napa Kaiapani numuk6 al6miki vake keza mon6 mogona ap6 ikimiak6 vegi it6 mon6 gizapa vegi ali nupa iki minat6 al6miki vam6. ⁵⁸L6 niago Pit6 nene hot6 otig6 oko k6megetoko vike guguni giziak6 vetini ve nap6mini h6 numunal6 6nenel6 vo aniteake, iteake pilisi vegi minake nenel6 gon6 itatakut6 nana net6 ut6 itihe loko gizapa oko minam6. ⁵⁹L6 noigo, guguni giziak6 ve napagi mon6 kansolegi mukit6 nene Izesuni apele hilitune liki soza hakup6 gak6inim6 vitag6 am6za, ⁶⁰ma ali ut6 amam6. Mukilite ake Izesukum6 soza hakup6 gak6 lam6za, liki amupesam6. L6 iva iva niake ve losit6 nenetosa otikasike ⁶¹^a l6a liki lasim6: Imane v6mo nene 6mas6mini mon6 zagusave zeko tele vizekinake gamena losive makoleg6 oko noviko goha hanuva gitom6 neve loko noligo gulusim6ma neve.

⁶²Liki likasigo, guguni giziak6 vetini ve napa nen6mo oteake Izesuni l6a loko lo amim6: Geza gon6 nigitasike nilasi gakot6 ale viligoko lo kimitani gak6 ma nomihe, olo. ⁶³Loko lokago, Izes6 agepa apizeake minokago, eza ve napa nen6mo l6a loko lo amim6: Al6vol6 6mas6mini avogisal6 lo ut6 itane loko nologetuve. Geza 6mas6mini gipala golog6 oletatane loko lo mologeta vema noape loko lo lemezo. ⁶⁴^b Loko lokago, Izes6 l6a loko lo amim6: Nene geza mota lokanim6za, neza mak6 l6a loko lo nolukumuve: Imane gamen6mini velet6 nene okulumakut6 lumu ve gihila neza amuza v6mini agizani zamagaloka nougo, it6 okulumal6mini l6musi amupil6 nolumugo 6niganigave.

⁶⁵^c Loko lokago, guguni giziak6 vetini ve napa nen6mo gele golesa oake luhoak6 gola aleko polo noligike l6a loko lim6: Mota 6masi aviliginogo lokave. Gakola gilinita vejen6 mak6 nanam6 sele lokinake gakola mak6 litune. Eza 6masi avilegeko li gak6 lekeza it6nasa mota gilikave. ⁶⁶Nenem6 lekeza nana otatune liki nigeleve. Loko lokago, keza nakahun6mini gak6 lokaze, mota hilitive. ⁶⁷^d Liki liake, lug6ate Izesuni agoka agepag6 gituh6 nitake kigizanitun6 napelego, lug6ate agoka agepal6 nihitake kigizanitun6 napeleke ⁶⁸golog6 okimiak6 ve neneka, geza gak6 mogona geleak6 ve noitanim6 nene 6aho nogipilihe lo ut6 oko lo lemezo liki li amem6.

Pit6 Izesuni egamega otam6

(Mak 14:66-72; Luk 22:56-62; Zon 18:15-18,25-27)

⁶⁹L6 niago, Pit6 nene h6 numunal6 noigo guguni giziak6 vetini ve nap6mini gelekel6 moh6 makol6mo Pit6 noit6 oake, geza Galilaia

^a 26:61 Zon 2:19 ^b 26:64 Tan 7:13 ^c 26:65 Liv 24:16 ^d 26:67 Isa 50:6

mikasigutí ve Izesuki miniaká niasi vema noane, ⁷⁰loko lo amekago, eza vejená kovogisalo egamega ike gakó lanimó nene ma gelemuve. Loko loake, ⁷¹hé numunamámini gatetó lemeko noigo, gelekelé mohó makolímó aí ángoake áminaló mina vejená nene láa loko lo kimimó: Ve imanémo Nasalete numutotí ve Izesuki miniaká asi vema noinae. ⁷²Loko lokago, Pitá goha egamega ike láa loko limó: Ómasímíni avogisalo nigizani ale oteko lamaná noluve. Ma ánigonamu vemú nolane. ⁷³Loko loake, gamena komáisi noigo, áminaló oti mina ve nenete Pitá noitoka ake láa liki li amemó: Lamaná nilave, geza ámina vémini zuhagutí noane. Gonó lupámo geí Galilaia mikasiukatí mognaka ale utó okave. ⁷⁴Liki likago, Pitá nene Ómasímíni avogisalo lo hutoko lamaná noluve, ámina ve nene ánigonamuve. Soza litomó nene Ómasímo usí vizenimikatize, loko limó. Loko noli agepagi litá oko okoloho nenémo anó molamó. ⁷⁵Anó molokago, Pitá nene Izesú nene okoloho nenémo anó molonamiko není ánigonamuve loko egamega onetatanimó nene gamena losive makole inogo ive loko lo amí gakó goha agata geleake, lemeko hetoka ive napa imó.

Izesuni Pilat0 noitoka alímiki vamó
(*Mak 15:1; Luk 23:1-2; Zon 18:28-32*)

27 ¹Neteká ho noitigo, guguni giziaká ve napagi itó monó gizapa vegi Izesuni apili hilita gakó li hukamó. ²Lá niake nagá ziki alímiki agulizaki ve Pilat0 noitoka goní itanigi alímiki vamó.

Zutá hilimó

³Zutá eza Izesuni amimika li ve nenémo ánigamó nene Izesunima goní nitake hilitive liki gakó li hukimikago, Zutá nene goha agika ale viligoake silivá moni 30-ma nene guguni giziaká ve napagi itó monó gizapa vegi minatoka aleko atiginá oko voko kimimó. ⁴Lá noi ke láa loko limó: Neza lihima alenouve. Eza lihimavala nomi vema amimika lokugo hilingo noive. Loko limóza, nene lelí netá nomive. Geí netaka neve. ⁵^e Liki likago, eza Zutá nene ámina silivá moni 30 nene aleko itike monó numuni napagú hutilí oko ahuloake, lemeake vike nagá imó.

⁶Lá okago keza guguni giziaká vemate ámina silivá moni 30 nene aliake láa liki lamó: Imane hutono moni nene ve makó hilingo imómámini moni neve. Lekeza nenémi moni nene monó numukú milamilo liki li huginamóma neve. ⁷Liki liake, ligili hagili iake gakó makó li hukamó. Lá iake mikasi mulalokatí vetini gonosi milimili minative liki mikasi agulizá nene mikasi somo lilí iaká vetini mikasi nene meina hizemó. ⁸Lá iake ámina mikasi agulizá nene gola mikasive

^e 27:5-10 Apo 1:18-19

liki milam0. Ámina agulizá nene itínasagi nene hanuva neve. ^{9f} Lá onoigo gak0 mak0 gozapá Ómasímuni agepagutí gak0 loaká ve Zelemiani agepagú lo mola gak0 nene gihila zim0. Láa loko luhuva gizamóma neve:

Keza ámina silivá moni 30 alem0 nene Isilae vegenalite monimú li milam0 imane vémini meinavamú neve liki linamóma nenazo, ¹⁰ ámina moni aliake mikasi somo lilí iaká nia vetini mikasi meina hizem0 nene Guivahanímo lo nimit0 neve.

Pilat0 Izesuni mogonamú loká otam0
(*Mak 15:2-5; Luk 23:3-5; Zon 18:33-38*)

¹¹ Izesuni nene alímiki vake kugulizaki vetini ve napa Pilatoni avogisal0 hizi otitam0. Lá ikago, eza agulizaki vemámo loká otake láa loko lim0: Geza nene Zuta vetini kugulizaki ve napáini noape. Loko lokago, Izesú nene gezaka mota lokanimole. ¹² Loko lokago, guguni giziaká vemagi it0 mon0 gizapa vemagi keza Izesunimú hizi miliki gak0 nilago, eza la gakot0 ma lo kememigo, ¹³ Pilat0 nene láa loko lim0: Geza nene mukí gak0 liki goní nigitam0 nene gelemape. ¹⁴ Loko lim0za, Pilat0 li gakot0 ma viligoko lo amemim0. Lá noigo kugulizaki vetini ve napa Pilat0 nene agata gululusi gilim0.

Izesú hilitive liki goní itam0
(*Mak 15:6-15; Luk 23:13-25; Zon 18:39–19:6*)

¹⁵ Asenini zeketakumú gili mina holisi gamena meleket0 meleket0 nene Zuta ve vená nenete aseva zetatune liki ve makolímuni agulizá ikago agulizaki ve nenémo nagá numukú mina ve nene kimisele ahuloká ahuloká okago nene, ámina ve keitoka viaká am0. ¹⁶ Ámina gamenal0 nene ve mak0 agulizá hutilí oko vi ve nene nagá numukú minam0, Izesuni apolaho agulizá napa nene Palapasí. ¹⁷ Lá okago, ve vená alegesá ikago, Pilat0 loká oketake lekeza éhini aseva zemikugo lekelitoka vitive liki nilave. Gologí olimiaká veve liki lina ve Izesuni aseva zetatohe, it0 Izesuni apolahini Palapasini aseva zetatohe. ¹⁸ Loko lim0 nene keza Izesukumú amekugú niki miniake gonit0 alími ut0 am0 nenemú Pilat0 geleneike loká oketam0.

¹⁹ It0 Pilat0 nene goní gak0 lo hukoaká siat0 noigo, venala nenémo aitoka gak0 lo ahulake láa loko lim0: Geza nene ámina hehe loko noi vemámuni agupeloka gak0 ma lo molotamo. Itína holugú nene vam0 mak0 ánigo amekuke aikumule loko miluma napa gelemikuve, loko lim0.

²⁰ It0 guguni giziaká ve napamagi it0 mon0 gizapa vemagi vegenalitini mulúikú hiziki láa liki nilago, Palapasini aseva zetative liki Pilatotoka nilake Izesuni nene apili hilitave liki lam0. ²¹ Liki likago, eza agulizaki

^f 27:9 Zak 11:12-13

vemámo ve losi imane niasimó nene éahini ahulomikugo lekelitoka vitive. Loko lokago, Palapasinive liki lamó. ²²Liki likago, Pilató nene lá okinake vejená mukilite gologí olimiaká noi veve liki lina ve Izesuni nene nana otatove. Loko loká okimikago, keza zohota zaló nagá otamane liki lamó. ²³Liki likago, Pilató eza nanamú neve limó. Eza nana netá golesa alekago nilave, loko limóza keza zohota zaló nagá otamane liki pigi viziki lamó. ²⁴ Liki likago, Pilató gilimó nene eza liti gako nene ma vo alemitimó oake lova napa utó itimó okago, eza nene vejenalitini kovogisaló nagamí aleake agizani nagamí zimó. Lá noike láa loko limó: Imane ve apili hilitatimini lihima nenitoka ma minaminogo ive. Nene lekelí netale. ²⁵Loko lokago, keza vejená mukí nenete anotó aliki láa liki lamó: Ámina lihima nene lezalokagi itó izegipa lagapilamotokagi minino. ²⁶Liki likago, Pilató nene Palapasini gologí omikago keitoka vimó. Itó Pilató lokago, Izesuni nene segi nogosanitunú apilikago zohota zaló nilitunú ziki apili hilitave loko pilisí vetini kigizakú molamó.

Pilisí vete Izesuni gopoguni militamó

(Mak 15:16-20; Zon 19:2-3)

²⁷Lá okago agulizaki vemámini pilisí vevate Izesuni nene alímiki agulizaki vemámini numuna napagú nene iteke keza ámina pilisí ve mukitoka nene kilími nupa amó. ²⁸Lá iake agulizaki vegetana lilí itake Izesuni ginégane nene gololohá iki ali miliake ginégane okohu gó nene luhimiake, ²⁹gasovagi nagatunú nene akilí lilí iake gotolaló hitimiake, agizani zamagaloka nene akepa nogosani makó amikago ale minamó. Lá onoigo, pilisí vete amatoka iki kalapusa hizeke gopoguka litake láa liki lamó: Oga, mokáneve, Zuta vetini kugulizaki veninimave. ³⁰Liki nilake agoka agepagú gituhú nitake ámina akepa nogosani nene aliake gotolaló zemó. ³¹Ziake gopoguka li asú itake okohu gó luhitamó nene gololohá iake ezáa ginéganeva nene goha luhitamó. Luhimiake zohota zaló nilitunú ziki apili hilinigi alímiki vamó.

Izesuni nene zohota zaló apelemó

(Mak 15:21-32; Luk 23:26-43; Zon 19:17-27)

³²Lá inigi nivake Apilika mikasiukatí Sailini apatotí ve makó agulizá Saimon nene gapoló noago ániagiake Izesuni alémo vatí oko zohota zava gehetative liki gala vizikago, ³³makó vake apá makotó vamó, agulizá Goligota, nene agulizalímimi mogona nene gotóini gonosi helisa apale loko. ³⁴NeNeló anitiake Izesú native liki vain nagamiki ekesá netaki ali gopa iake miluma gelemitive liki amemó. Amikago eza nene no geleake namike hanuva minamó.

§ 27:24 Gapo 21:6-9

³⁵ ^h Lá okago, zohota zaló apiliki apatemó. Lá iake gineganeva nene éaho alitihe éaho alitihe liake kezáini nene satu zohí amó. ³⁶ Lá niake áminaló nene gizapa iki minamó. ³⁷ Velé gotolaloka nene goní ita gakó nene láa liki luhuva gizikago minamó: Imane ve nene Izesú ave Zuta vetini kugulizaki veninive. ³⁸ Liki luhuva giziake Izesuni amatoka nene guminaló ve geligeli ve lositá nene makó nene agizani sogaloka apatiake itó makó nene agizani zamagaloka kipiliki apatemó.

³⁹ ⁱ Lá inake keza vejená vigá igá amó nenete gotóini goké goké nizeke amé ziki gopoguka litake, ⁴⁰ ^j láa liki lamó: Geza nene monó zagusave zeko tele vizekoko gamena losive makolegó oko vokiko gitomó neve loko loaká noanimóma neze, geza gugupeka alémo agutó vizemane. Geza Ómasímini gipala nouve lokoma zohota za nene ahulokoko lemmane. ⁴¹ Liki nilago, keza guguni giziaká ve napamagi itó monó mogona apí ikimiaká ve itó monó gizapa vemagi hamolímíniki amé ziki gopoguka litake láa liki lamó: ⁴² Vegená lugáa kelémo kugutó vizeaká imóza ezáa nene alémo agutó vizemitimó okave. Eza Isilae vetini agulizaki vema noitimó nene itínasa zohota zalotí apasokoko limitinae. Lemekiko leza aikumú gele alévolé ituninazo. ⁴³ ^k Eza nene Ómasimú gele alévolé onoike neza nene Ómasímini gipala nouve loko limó nenazo, Ómasímo aikumú geleneitimó nene itína alémo agutó vizitimole. ⁴⁴ Liki likago, guminaló geligeli ve losi Izesuni agilika luga luga zohota zaló kipiliki apatemó nenetosagi ámináminiki amé zitigí iki lasimó.

Izesú hilimó

(*Mak 15:33-41; Luk 23:44-49; Zon 19:28-30*)

⁴⁵ Holisaká nene mukí mikasiuka límugusi ze asú oake minoloko novigo únaká ho ale zohota imó. ⁴⁶ ^l Únaká ho ale zohota noigo, Izesú pigi vizeko ezáa gakokutí nene Eli Eli lema sapakatani loko limó. Lelí gakotegutí nene Ómasinemaka, Ómasinemaka, geza nanamú viselenimikane. ⁴⁷ Láa loko lokago amatoka mina ve lugáate ámina gakó giliake imane vémo Ilaizani sele nolive. ⁴⁸ ^m Liki liake, keikutí makolímó ololu loko vike notunigitana netá aleake akepa lolovaló hizeake vike ekesá vain nagamikú lupizeake, Izesú native loko aminogo noigo, ⁴⁹ lugáate láa liki lamó: Ánigonozo, Ilaizá oko alémo agutó vizitihe, gizapa onoitune. ⁵⁰ Liki nilago, Izesú nene gakó napagutí nolike sikalahula ahulokago vimó. ⁵¹ ⁿ Lá noigo, áminasitó monó zagusaveú Ómasímini avogisaló iteaká gatetó zi lí ika lavolavo nene veletokatí zeko hóu loloko limike ale luga luga imó nene lelí gahe ale koló oletamó. Lá noigo mikasi imimá noike gehani napa napa nene zevo hóu lovo imó. ⁵² Lá noigo, gonosi milimili gale makó

^h 27:35 Age 22:18 ⁱ 27:39 Age 22:7, 109:25 ^j 27:40 Mat 26:61; Zon 2:19

^k 27:43 Age 22:8 ^l 27:46 Age 22:1 ^m 27:48 Age 69:21 ⁿ 27:51 Gá 26:31-33

nene kol0 noigo, 0mas0mini vejenala zuha lugaa gozap0 hilina vejen0 nene otem0. ⁵³Gonosi milimili ahuli as0 iake Izes0 nene galegut0 otekago viki Zelusale numutoka itikago, muk0 vejenalite anigam0.

⁵⁴It0 pilisi vetini ve napagi pilisi vegi Izesunil0 gizapa iki minake, mikasi nene imim0 im0 it0 haitopait0 net0 muk0 ut0 itimo kehelele goha vizekago, imane ve nene laman0 0mas0mini gipala minam0 neve liki lam0. ⁵⁵ It0 ven0 muk0 minam0 keza nene amunal0 Galilaia mikasi ahuliake Izesuni izamuha hiziki amegetiki viak0 a ven0 nene hot0 otigi iki minake anigi minam0. ⁵⁶Keikut0 Magatala numutot0 ven0 Mali0 minam0 it0 Mali0 mak0 nene Zemusiko Zoseheko ke0 izoipo, it0 ven0 mak0 nene Zepetaioni venala minam0.

Izesuni gale zitam0

(Mak 15:42-47; Luk 23:50-55; Zon 19:38-42)

⁵⁷Unak0 huluval0 henonavagi ve mak0 Alimataia apatot0 ve aguliz0 Zoseh0 eza go0 oko Izesuni izegipala zuha minam0. ⁵⁸Eza nene Izesuni gonosivaa alinogo nene voko Pilatoni lok0 im0. Lok0 okago, Pilat0 nene gonosivaa ali amilo loko lokago, gili amem0. ⁵⁹Gili amikago, Zoseh0 nene lavolavo g0 gosoh0 mokon0 lamanatun0 nene asap0 im0. ⁶⁰L0 oake gonosi nene ezaa gonosi milimiliva gosohak0 aleko voko molam0. Gonosi milimili nene meik0 nego mul0 ezaa gol0 vateikam0 neneg0 molomiake gehani napa mak0 nene ahel0 ahel0 oko aleko vike gonosi gale agepal0 nene ze li im0. ⁶¹L0 noigo, ven0 losit0 minasim0, mak0 nene Magatala numutot0 ven0 Mali0 it0 Mali0 mak0 minasike gonosi gale avatiha anigi minasim0.

Gonosi galel0 gizapa itam0

⁶²L0 ikasigo, g0 lokago holisi gamenam0mini nosaneta ale vav0 oak0 gamena vokago guguni giziak0 ve napagi it0 Palisaio mon0 vegi viki Pilatotoka alegesa am0. ⁶³ Ake l0a liki lam0: Ve napale leza gak0 ma gelekunike noune. Amina sozal0 ve nene ha agomulagi noiike gamena losive makole vokiko neza otinogo uve loko limom0mini okatize. ⁶⁴Nenem0 pilisi ve mak0 kimiselekako, viki gonosi gale agepamal0 nene gamena losive makole etoha iki gizapa itave. Izegipala zuhamate gonosivaa gumina iki aliki viiki vejen0 nene gonosi galegut0 mota otekave liki li kimikatanaze. Go0 oko soza gak0 lim0 nene alika soza gak0 litatimo avilegeikanogo ive. ⁶⁵Liki likago, Pilat0 l0a loko lo kimim0: Lekeza pilisi ve makoki kilimiki vilo. Amina gonosi gale agepal0 nene lekeza itatimini avotigila iki gehanima zi li ilo. ⁶⁶Loko lokago, keza nene

0 27:55 Luk 8:2-3 P 27:63 Mat 16:21, 17:23, 20:19; Mak 8:31, 9:31, 10:33-34; Luk 9:22, 18:31-33

vake gonosi gale agepaló zi hita gehani nene alévolé oko minative liki anosa miliki nagá makó alemó. Lá iake lovámimi galaváa nene áminaló gizapa itave liki ahulikitamó.

Izesú heleneikutí otimó

(Mak 16:1-10; Luk 24:1-12; Zon 20:1-10)

28 ¹Holisi gamena asú okago, Sategú neteká ho itinogo noigo, Magatala numutotí vená Maliá itó Maliá makómagi gonosi galema ánganigi vasimó. ²Nivasigo genémané mikasi nene imimá napa imó nene Guivahanímimi ageló makó nene okulumakutí lemeake gehani napa nene gonosi gale agepaló zi hitamóma nene ahelú oko alahuloake ámina geható nene ase hizeko noigo imimá napa imó. ³Noigo agoka agepa nene gó melevezakitana oko noigo luhoaká gola nene gizopa nukúnukú loko minamó. ⁴Lá okago, lovámimi gala ve keza nenemú kehelele vizekago luvoluvo ziake hele vegeinakitana iki zámuzáini migelelé amó.

⁵Lá noigo vená lositáma tizikasigo ageló nenémo láa loko lo kimimó: Lekeza lekehelele vizemino. Lekeza zohota zaló apiliki apate ve Izesuni ánganigi niasive loko gelenoumole. ⁶Eza imanegú noamive. Lá okove gozapá ezáa litó mota otekave. Láa loko lekeza iki ámina ve ako mina apá ángalizo. ⁷Lá iiki litá iki viiki izegipala zuhama galegutí nene mota otekave. Goí o lekemeko Galilaia mikasiuka novive. Lekeza viki neneloka aí nene ánganigave liki li kimilizo. Nene lo lekemenoumómámimi okove. ⁸Loko lo kemekago, keza vená losi nene kehelele novizigo itó kogoliza nivizesike hetoka lemesike geha mulikutí litá iki ololu liki vasike aikumú izegipala zuhama li kiminigi vasimó. ⁹Nivasigo, Izesuki gapoloka galinali hotu liake, eza nene niasihe loko lo kimimó. Loko noligo, keza nene vi alitikasike agisaló alesimó. Lá niasike gupá zi amiki agepoka lasimó. ¹⁰Nilasigo, Izesú láa loko lo kimike limó: Lekeza lekehelele vizemino. Lekeza viki nugunáne nene Galilaia mikasiuka viiki keza nene není neneloka ánganigave liki li kimilizo loko nene limó.

Lova vete Izesú oti gakó aveté iki li kememó

¹¹Keza vená losima nene gapo miliki nivasigo, gale agepaló gizapa imina ve lugáamate viake taonigú itemó. Itiake guguni giziaká ve napama nene utó i netakumú aveté iki li kememó. ¹²Li kimikago, keza guguni giziaká vemagi itó monó ve napamagi ali nupa ake gakó makó ligili hagili ake gakó makó li milamó. Lá ake lovámimi galaváama nene age nonó gehani mukí kememó. ¹³Nikemeke láa liki lamó: Lekeza nene láa likigó lilo: Leza ako helenouko holugú nene izegipala zuhate ake gonosiváa gumina iki aliki vikave likigó nene lilo. ¹⁴Itó agulizaki ve napamámo ámina gakoláa gelekoko nolikoma, leza gakó makó lo

aminogo une. Lekezaloka gakó makó minaminogo ive. ¹⁵Liki likago, keza lovámíni gala vemate la gakotó amegesaló milamó. Lá ikago ámina gakoláa nene Zuta vetiniuka hutílí oko vo asú okago, itínasa gamenagi nene ámina gakokó liaká niamole.

Izesú aposolo 11-a monó hozaló kimisilimó
(*Mak 16:14-18; Luk 24:36-49; Zon 20:19-23; Apo 1:6-8*)

¹⁶ ^q Izegipala zuha 11 leza Galilaia mikasiuka vunike Izesú nene agoka makotoka vitave loko lo limitó nene itekunike, ¹⁷Izesuni ánigokunike gupá zeko agepoka lunimóza, makó lugáate nene heleneikutí lamaná oteko áisi noihe liki kagata losi gelemó. ¹⁸Lá ikago Izesú nene omo alitoake gakó lo nolimike láa loko limó: Ómasi nenémo okulumalímíni mikasímíni zámuza nene nenikó neme asú onoimóma neve. ¹⁹Nenemú lekeza mikasi nekisa vokisauka viki vejená mukí nene kilími není izegipáne zuha lílí ilo. Lá níiki aménehini agulizató itó gipala není nugulizató itó Sikalahulímíni agulizató kilími nupa iki monó nagamí hilikitalo. ²⁰Lá níiki nénisi loleketonou gakotó ámegetatave liki lainim-ikitalo. Gilinahe. Imane mikasímíni gamena asú onamiko neza nene lekezagi makó mino-loko voko minanogo uve, loko limó.

^q 28:16 Mat 26:32; Mak 14:28